

BOSNA I HERCEGOVINA
TUŽILAŠTVO BOSNE I HERCEGOVINE



INFORMACIJA
O RADU ZA 2024. GODINU

SARAJEVO, 2025. GODINA

SADRŽAJ

UVOD	3
PRVI DIO - INFORMACIJA O RADU TUŽILAŠTVA BIH	4
1. RUKOVOĐENJE I ORGANIZACIJA TUŽILAŠTVA	4
1.1. Odsustva tužilaca.....	5
1.2. Organizaciona i kadrovska osposobljenost Posebnog odjela za ratne zločine (Odjel I).....	6
1.3. Organizaciona i kadrovska osposobljenost Posebnog odjela za organizirani kriminal, privredni kriminal i korupciju (Odjel II).....	7
1.4. Vrste tužilačkih predmeta.....	8
2. OSTVARENA KOLEKTIVNA NORMA TUŽILAŠTVA	8
3. OSTVARENI REZULTATI U RADU NA PREDMETIMA RATNIH ZLOČINA (ODJEL I)	8
3.1. Realizacija plana rješavanja prioriternih predmeta ratnih zločina	8
3.2. Podignute optužnice u predmetima ratnih zločina	11
3.3. Prvostepene i drugostepene presude u predmetima ratnih zločina	13
3.4. Rezultati rada Odjela I u odnosu na prijave	13
3.5. Rezultati rada Odjela I u odnosu na istrage	14
3.6. Nedostupna lica u odnosu na prijave i istrage	16
3.7. Rezultati rada Odjela I u odnosu na KTA-RZ predmete	17
3.8. Rezultati rada Odjela I u odnosu na KTNZR predmete	18
3.9. Rezultati rada Odjela I u odnosu na KTPOM predmete	19
3.10. Međunarodna saradnja i opća razmatranja	19
4. REZULTATI POSEBNOG ODJELA ZA ORGANIZIRANI KRIMINAL, PRIVREDNI KRIMINAL I KORUPCIJU – ODJEL II	23
4.1. Rezultati rada Odjela II u odnosu na prijave	23
4.2. Rezultati rada Odjela II u odnosu na istrage.....	24
4.3. Rezultati rada Odjela II u odnosu na optužnice.....	25
4.4. Presude po optužnicama Odjela II.....	27
4.5. Oduzeta imovinska korist Odjel II	27
4.6. Rezultati rada u odnosu na ostale vrste predmeta.....	28
4.7. Rezultati rada po tužilačkim odsjecima Odjela II	29
4.7.1. Rezultati rada Odsjeka za krijumčarenje ljudi i trgovinu ljudima	29
4.7.2. Rezultati rada Odsjeka za privredni kriminal	34
4.7.3. Rezultati rada Odsjeka za terorizam	35
4.7.4. Rezultati rada Odsjeka za međunarodnu pravnu pomoć i ostala krivična djela iz nadležnosti Tužilaštva BiH	36
5. OSTVARENI REZULTATI RADA NA PREDMETIMA KORUPCIJE I ORGANIZIRANOG KRIMINALA	40
5.1. Rad na predmetima korupcije.....	41
5.1.1. Rezultati rada u odnosu na predmete korupcije u pogledu prijava, istraga i optužnica	41
5.1.2. Rezultati rada u odnosu na predmete visoke korupcije	44
5.1.3. Prvostepene i drugostepene presude u odnosu na koruptivna krivična djela	44
5.1.4. Zaključna razmatranja i prijedlozi za unapređenje rada	45
5.2. Rad na predmetima organiziranog kriminala	46
5.2.1. Pregled prijava, istraga, optužnica i presuda u odnosu na predmete organiziranog kriminala	46
5.2.2. Pregled prijava, istraga, optužnica i presuda u odnosu na predmete organiziranog kriminala visokog nivoa.....	47
5.2.3. Opća razmatranja i prijedlozi za unapređenje rada na predmetima organiziranog kriminala	48
6. OSTVARIVANJE FUNKCIJE TUŽILAŠTVA KROZ DRUGE AKTIVNOSTI	51
6.1. Rad Kabineta glavnog tužioca.....	51
6.2. Saradnja Tužilaštva BiH sa institucijama EU i aktivnostima u približavanju evropskim integracijama.....	52
6.3. Rad uprave Tužilaštva BiH	52
6.4. Rad Odjela za odnose s javnošću Tužilaštva BiH	53
6.5. Edukacija tužilaca i stručnog osoblja Tužilaštva BiH	53
6.6. Finansijski izvještaj.....	56
DRUGI DIO - INFORMACIJA O STANJU KRIMINALITETA U BIH	57
1. ZAKONSKI OSNOV I CILJEVI IZRADE INFORMACIJE	57
2. STANJE KRIMINALITETA U NADLEŽNOSTI TUŽILAŠTVA BIH (POZNATI POČINIOCI KRIVIČNIH DJELA - KT)	58
2.1. Rezultati rada u odnosu na sve vrste predmeta.....	58
2.2. Rezultati rada u izvještajnom periodu u odnosu na prijave	59



2.3.	Rezultati rada u izvještajnom periodu u odnosu na istrage	59
2.4.	Vrste procesnih odluka u odnosu na prijave i istrage	60
2.4.1.	Vrste procesnih odluka u fazi prijave	60
2.4.2.	Vrste procesnih odluka u fazi istrage.....	60
2.5.	Rezultati rada u izvještajnom periodu u odnosu na optužnice.....	61
2.6.	Donesene prvostepene i drugostepene presude u izvještajnom periodu	62
2.7.	Rezultati rada u izvještajnom periodu u odnosu na KTA, KTN, KTPOM i KTEKS	62
2.8.	Stanje kriminaliteta u nadležnosti tužilaštava u FBiH (Poznati počinioci krivičnih djela - KT).....	64
2.9.	Stanje kriminaliteta u nadležnosti tužilaštava u Republici Srpskoj (Poznati počinioci krivičnih djela - KT) ...	66
2.10.	Stanje kriminaliteta u nadležnosti Tužilaštva Brčko distrikta (Poznati počinioci krivičnih djela - KT)	67
2.11.	Ukupno stanje kriminaliteta u odnosu na KT predmete u svim tužilaštvima u BiH	68
3.	RAZNI KRIVIČNI PREDMETI (KTA – NEODREDIVO KRIVIČNO DJELO I IZVRŠILAC)	72
4.	KRIVIČNI PREDMETI U KOJIMA JE NEPOZNAT POČINILAC (KTN PREDMETI).....	74
5.	KRIVIČNI PREDMETI KOJI SE ODOSE NA MALOLJETNE POČINIOCE KRIVIČNIH DJELA (KTM PREDMETI).....	76
6.	MJERE ZA UNAPREĐENJE RADA	78
6.1.	Mjere za unapređenje rada Tužilaštva BiH	78
6.2.	Prijedlog mjera za unapređenje rada tužilaštava u BiH	80
7.	INICIJATIVE ZA IZMJENE ILI DOPUNE ZAKONSKIH PROPISA	80
	ZAKLJUČAK O RADU TUŽILAŠTVA BIH.....	82
	OPĆI ZAKLJUČAK O STANJU KRIMINALITETA U BOSNI I HERCEGOVINI	88



UVOD

U skladu sa članom 13. Zakona o Tužilaštvu BiH („Službeni glasnik Bosne i Hercegovine”, broj: 24/02, 3/03, 37/03, 42/03, 9/04, 35/04, 61/04 i 97/09), Tužilaštvo BiH na godišnjem nivou sačinjava statističke preglede svojih aktivnosti i izvještava javnost i Parlamentarnu skupštinu Bosne i Hercegovine o stanju kriminaliteta u državi, te na osnovu iskustava u radu predlaže zakonske reforme. Prema članu 10. istog Zakona, Tužilaštvo BiH ima pravo i dužnost da, u okviru ostvarivanja svojih funkcija, na vlastitu inicijativu ili na zahtjev, izvještava Predsjedništvo Bosne i Hercegovine, Parlamentarnu skupštinu Bosne i Hercegovine i Vijeće ministara Bosne i Hercegovine o svom radu i o primjeni zakona Bosne i Hercegovine. Osim navedenog, a na osnovu člana 11. stava 1. Zakona o Tužilaštvu BiH, Tužilaštvo BiH obavještava javnost o pojavama i problemima od općeg značaja koje je zapazilo u svom radu, putem sredstava javnog informisanja ili na drugi način.

U vezi sa naprijed navedenim, Informacija o radu Tužilaštva BiH za 2024. godinu sadrži pregled aktivnosti svih odjela i uprave ove institucije, s posebnim osvrtom na aktivnosti svakog odjela i uprave zasebno, te pregled podataka o stanju kriminaliteta u Federaciji BiH, Republici Srpskoj i Brčko distriktu.

U zaključnom dijelu date su smjernice za poboljšanje rada institucije, te zaključak koji sublimira sve aktivnosti obrađene ovom informacijom.

Tužilaštvo Bosne i Hercegovine (u daljem tekstu: Tužilaštvo BiH) je osnovano Zakonom o Tužilaštvu Bosne i Hercegovine („Službeni glasnik Bosne i Hercegovine”, broj: 24/02, 3/03, 37/03, 42/03, 9/04, 35/04, 61/04 i 97/09), kojim se regulišu osnovni principi poslovanja, nadležnost, kao i osnovi unutrašnje organizacije ove institucije. Tužilaštvo BiH je otpočelo sa radom 27.01.2003. godine. Tužilaštvom BiH rukovodi i isto predstavlja glavni tužilac.

Osnovna funkcija Tužilaštva BiH je postupanje u krivičnim predmetima iz zakonom propisane nadležnosti, i to: sprovođenje istraga za krivična djela za koja je nadležan Sud Bosne i Hercegovine, te za gonjenje počinitelja pred Sudom Bosne i Hercegovine, u skladu sa Zakonom o krivičnom postupku Bosne i Hercegovine i drugim primjenjivim zakonima; primanje zahtjeva za međunarodnu pravnu pomoć u krivičnim stvarima, u skladu sa zakonima, multilateralnim i bilateralnim sporazumima i konvencijama, uključujući i zahtjeve za izručenje ili predaju traženih lica od strane sudova ili organa na području Bosne i Hercegovine i drugih država, odnosno međunarodnih sudova ili tribunala.

Tužilaštvo BiH je nezavisno u svome radu kako u odnosu na sve učesnike u krivičnom postupku, tako i u odnosu na državne i druge organe javne vlasti i međunarodne organizacije. Svaka radnja bilo koje komponente Tužilaštva BiH, pri vršenju prava i dužnosti utvrđenih zakonom, predstavlja radnju Tužilaštva BiH.

Pored gore navedenog, Tužilaštvo BiH izrađuje statističke preglede svojih aktivnosti putem izvještaja o radu, te priprema informacije o stanju kriminaliteta u Bosni i Hercegovini i ukazuje na tendencije u njegovom kretanju, a na osnovu dostavljenih podataka od strane Federalnog tužilaštva Federacije BiH, Republičkog javnog tužilaštva Republike Srpske i Tužilaštva Brčko distrikta BiH.

Poslovi Tužilaštva BiH se vrše u skladu sa Ustavom i zakonima Bosne i Hercegovine, a u skladu sa Zakonom o Tužilaštvu BiH obavljaju ih glavni tužilac Tužilaštva BiH, četiri zamjenika glavnog tužioca Tužilaštva BiH, te tužioci Tužilaštva BiH.



PRVI DIO - INFORMACIJA O RADU TUŽILAŠTVA BIH

1. RUKOVOĐENJE I ORGANIZACIJA TUŽILAŠTVA

Unutrašnja organizacija Tužilaštva Bosne i Hercegovine propisana je Pravilnikom o unutrašnjoj organizaciji Tužilaštva Bosne i Hercegovine, koji je donesen na osnovu Zakona o Tužilaštvu Bosne i Hercegovine (u daljem tekstu: Pravilnik). Pravilnikom je utvrđena organizacija Tužilaštva Bosne i Hercegovine, kao i potrebni broj stručnog i administrativno – tehničkog osoblja.

Shodno normativnom okviru, Tužilaštvom BiH rukovodi i predstavlja ga glavni tužilac Tužilaštva BiH. Nadležnosti i ovlaštenja glavnog tužioca Tužilaštva BiH propisani su Zakonom o Tužilaštvu Bosne i Hercegovine i Pravilnikom. Zakonom o Tužilaštvu BiH predviđeno je da glavni tužilac ima četiri zamjenika.

Odlukom VSTV-a Bosne i Hercegovine, na sjednici od 20.10.2022. godine, Milanko Kajganić, imenovan je za glavnog tužioca Tužilaštva BiH. Pored navedenog, u 2024. godini dužnost zamjenika glavnog tužioca obavljali su Ivan Matešić, a Ismet Šuškić do 30.09.2024. godine kada odlazi u penziju. VSTV je imenovao Pašić Džermina i Furtula Mladena za zamjenike glavnog tužioca, a koji su dužnost preuzeli 27.08.2024. godine.

Tokom 2024. godine u Tužilaštvu BiH, na dan 01.01.2024. godine, bilo je zaposleno 57 tužilaca, računajući tri suspendovana tužioca, od toga 1 otišao u penziju, jedan je preminuo, a jedan tužilac je bio potpredsjednik i član VSTV-a do septembra, a od septembra obavlja dužnost člana VSTV-a do početka novembra kada mu prestaje mandat člana VSTV-a. Početkom novembra jedan tužilac je imenovan za člana VSTV-a. U 2024. godini nije bilo imenovanja tužilaca.

Tužioci Tužilaštva BiH su raspoređeni u dva odjela i to Posebni odjel za ratne zločine koji ima tri odsjeka u kojima je formirano šest timova koji se temelje na već postojećoj podjeli poslova po regionalnom principu i to: Tim 1 - Sjeverozapadna Bosna i dio Posavine; Tim 2 - Srednja Bosna; Tim 3 - Istočna Bosna (dolina Drine) i dio Posavine; Tim 4 - Sarajevo i Istočna Bosna uključujući Foču; Tim 5 - Zapadna Hercegovina i dolina Neretve; Tim 6 – Srebrenica i Posebni odjel za organizirani kriminal, privredni kriminal i korupciju (POOK)¹ koji ima šest odsjeka i to: Odsjek za organizirani kriminal, Odsjek za korupciju, Odsjek za privredni kriminal, Odsjek za terorizam, Odsjek za krijumčarenje ljudi i trgovinu ljudima i Odsjek za međunarodnu pravnu pomoć i ostala krivična djela iz nadležnosti Tužilaštva Bosne i Hercegovine.

Sa danom 31.12.2024. godine u Tužilaštvu BiH je bilo ukupno 228 zaposlenika, 8 zaposlenika angažovanih po IPA projektu i 3 volontera koji se ne ubrajaju u ukupan broj zaposlenih. U navedeni broj zaposlenih u Tužilaštvu BiH nisu uračunati zaposleni po IPA projektu - 8 zaposlenika. U ukupan broj zaposlenih na dan 31.12.2024. godine uključeni su tužioci, stručno i administrativno-tehničko osoblje i to: 55 tužilaca, 128 stručnog osoblja i 8 zaposlenika (stručnog osoblja koji se ne ubrajaju u

¹ Posebni odjel za organizirani kriminal, privredni kriminal i korupciju.



ukupan broj zaposlenih) po IPA projektu, 45 administrativno-tehničkog osoblja i 1 zaposlenik (administrativno-tehničko osoblje koji se ne ubraja u ukupan broj zaposlenih) angažovan po IPA projektu. Ovaj broj zaposlenih u 2024. godini je varirao (radi odlaska u penziju, prelaska na rad u drugu instituciju itd.).

Prema Pravilniku o unutrašnjoj organizaciji TBiH sistematizovana su ukupno 392 radna mjesta i to: 63 tužioca, 206 stručnog i 123 administrativno-tehničkog osoblja, dok je na dan 31.12.2024. godine zaposleno ukupno 228 zaposlenika, tako da trenutna zaposlenost procentualno iznosi **87,30%** tužilaca, **62,13%** stručnog osoblja i **36,58%** administrativnog osoblja, što predstavlja popunjenost od **58,16%** na nivou Tužilaštva BiH.

Na osnovu projekta „EU podrška reformama pravosuđa u BiH“ – IPA 2019 u aktivnostima Uspostavljanja kapaciteta za jačanje tužilaštava u sprovođenju finansijskih istraga u predmetima privrednog kriminala i srodnim krivičnim djelima, sredinom 2024. godine u Tužilaštvu BiH su bila angažovana 2 ekonomska stručnjaka koja su radila na pružanju pomoći tužiocima u radu u Posebnom odjelu za organizirani kriminal, privredni kriminal i korupciju.

U organizacionom smislu, u Tužilaštvu BiH postoje tri osnovne organizacione jedinice i to: dva tužilačka odjela i uprava Tužilaštva BiH, a što je i prikazano na šemi broj 1.

ŠEMA BROJ 1. ORGANIZACIJA TUŽILAŠTVA BIH

GLAVNI TUŽILAC		
ODJEL I (POSEBNI ODJEL ZA RATNE ZLOČINE)	ODJEL II (POSEBNI ODJEL ZA ORGANIZIRANI KRIMINAL, PRIVREDNI KRIMINAL I KORUPCIJU)	UPRAVA

1.1. Odsustva tužilaca

Tokom 2024. godine tužioci su bili odsutni ukupno 3864 dana, od toga 1585 dana u skladu sa članom 24. Pravilnika o orijentacionim mjerilima za rad tužilaca u tužilaštvima BiH, odnosno po osnovu bolovanja 635 dana, po raznim drugim odsustvima, odobrenim u skladu sa pozitivnim pravnim propisima, na osnovu odluke glavnog tužioca ili VSTV-a 856 dana i po osnovu rada u VSTV-u BiH 94 dana.

Bitno je napomenuti da odsustva tužilaca, a naročito dugotrajna bolovanja, negativno utiču na rezultate i ispunjavanje plana, s obzirom da su svi tužioci ravnomjerno zaduženi predmetima.



1.2. Organizaciona i kadrovska osposobljenost Posebnog odjela za ratne zločine (Odjel I)

U Odjelu I, u okviru tri odsjeka formirano je šest timova koji se temelje na već postojećoj podjeli poslova po regionalnom principu i to: Tim 1 - Sjeverozapadna Bosna i dio Posavine; Tim 2 - Srednja Bosna; Tim 3 - Istočna Bosna (dolina Drine) i dio Posavine; Tim 4 - Sarajevo i Istočna Bosna uključujući Foču; Tim 5 - Zapadna Hercegovina i dolina Neretve; Tim 6 – Srebrenica.

ŠEMA BROJ 2. ORGANIZACIJA POSEBNOG ODJELA ZA RATNE ZLOČINE

ODJEL I - POSEBNI ODJEL ZA RATNE ZLOČINE		
ODSJEK I (Sarajevo i Istočna Bosna, uključujući i Foču i Zapadnu Hercegovinu i dolinu Neretve) Tim 4 i Tim 5	ODSJEK II (Sjeverozapadna Bosna i dio Posavine i Srednja Bosna) Tim 1 i Tim 2	ODSJEK III (Istočna Bosna - dolina Drine i dio Posavine i Srebrenica) Tim 3 i Tim 6

Prosječan broj tužilaca koji su radili u Odjelu I bio je 22, pored toga 1 tužilac se duži vremenski period nalazi na suspenziji.

Posebnim odjelom za ratne zločine rukovodi zamjenik glavnog tužioca Ivan Matešić.

U izvještajnom periodu šefovi odsjeka u Posebnom odjelu za ratne zločine bili su: šef Odsjeka I bila je tužilac Marijana Čobović, koja obavlja dužnost i zamjenika rukovodioca ovog Odjela, za šefa Odsjeka II Posebnog odjela za ratne zločine dana 01.10.2024. godine imenovan je Tarik Crnkčić; šef Odsjeka III bio je zamjenik glavnog tužioca Ivan Matešić.

Na dan 31.12.2024. godine u Odjelu I ukupno je raspoređeno: 1 stručni saradnik-savjetnik – pravnik, 18 stručnih saradnika – pravnika i 3 stručna saradnika – pravnika angažovana po IPA projektu, 1 stručni savjetnik – istražilac, 14 stručnih saradnika – istražilaca i 3 stručna saradnika – istražioca angažovana po IPA projektu, 7 stručnih saradnika - koordinatora predmeta, 1 stručni saradnik - analitičar, 2 stručna saradnika analitičara na bazi podataka otvorenih predmeta ratnih zločina i 14 referenata specijalista – tužilačkih administrativno-tehničkih pomoćnika koji su po potrebi raspoređivani u oba odjela TBiH.

Pored već navedenih zaposlenika u Odjelu I, u toku 2024. godine po IPA projektu bilo je angažovano 8 zaposlenika, i to: 3 stručna saradnika - pravnika, 3 stručna saradnika – istražioca, 1 stručni saradnik za podršku svjedocima, 1 referent specijalist upisničar.

Međutim, broj stručnog i administrativnog osoblja se u toku 2024. godine mijenjao tako što je određeni broj zaposlenika bio odsutan u različitim terminima zbog porodijskog odsustva, prelaska na rad u drugu instituciju, bolovanja itd.

U određenim predmetima, gdje se radilo o izuzetno kompleksnim istragama, tužiocima je po potrebi dodjeljivano više stručnih saradnika - pravnika, što je u značajnoj mjeri doprinosilo efikasnijem radu na najsloženijim predmetima ratnih zločina.



1.3. Organizaciona i kadrovska osposobljenost Posebnog odjela za organizirani kriminal, privredni kriminal i korupciju (Odjel II)

U Posebnom odjelu za organizirani kriminal, privredni kriminal i korupciju ima šest odsjeka i to: Odsjek za organizirani kriminal, Odsjek za korupciju, Odsjek za privredni kriminal, Odsjek za terorizam, Odsjek za krijumčarenje ljudi i trgovinu ljudima i Odsjek za međunarodnu pravnu pomoć i ostala krivična djela iz nadležnosti Tužilaštva BiH.

ŠEMA BROJ 3. ORGANIZACIJA POSEBNOG ODJELA ZA ORGANIZIRANI KRIMINAL, PRIVREDNI KRIMINAL I KORUPCIJU

ODJEL II - POSEBNI ODJEL ZA ORGANIZIRANI KRIMINAL, PRIVREDNI KRIMINAL I KORUPCIJU					
ODSJEK ZA ORGANIZIRANI KRIMINAL	ODSJEK ZA PRIVREDNI KRIMINAL	ODSJEK ZA KORUPCIJU	ODSJEK ZA TERORIZAM	ODSJEK ZA KRIJUMČARENJE LJUDI I TRGOVINU LJUDIMA	ODSJEK ZA MEĐUNARODNU PRAVNU POMOĆ I OSTALA KRIVIČNA DJELA IZ NADLEŽNOSTI TUŽILAŠTVA BIH

U Posebnom odjelu za organizirani kriminal, privredni kriminal i korupciju ima šest odsjeka i to: Odsjek za organizirani kriminal, Odsjek za korupciju, Odsjek za privredni kriminal, Odsjek za terorizam, Odsjek za krijumčarenje ljudi i trgovinu ljudima i Odsjek za međunarodnu pravnu pomoć i ostala krivična djela iz nadležnosti Tužilaštva BiH.

Prosječan broj tužilaca koji su radili u Odjelu II bio je 31, pored toga 1 tužilac se duži vremenski period nalazi na suspenziji.

Posebnim odjelom za organizirani kriminal, privredni kriminal i korupciju u 2024. godine rukovodio je zamjenik glavnog tužioca Ismet Šuškić do 30.09.2024. godine, koji je ujedno u tom periodu bio i šef Odsjeka za privredni kriminal. Od 01.10.2024. godine Posebnim odjelom za organizirani kriminal, privredni kriminal i korupciju rukovode zamjenici glavnog tužioca Džermin Pašić i Mladen Furtula.

U izvještajnom periodu šefovi odsjeka bili su: šef Odsjeka za organizirani kriminal bio je zamjenik glavnog tužioca Džermin Pašić; šef Odsjeka za privredni kriminal je do 30.09.2024. godine bio zamjenik glavnog tužioca Ismet Šuškić, a od 01.10.2024. godine zamjenik glavnog tužioca Mladen Furtula; šef Odsjeka za terorizam je bila tužilac Ivana Petković; šef Odsjeka za korupciju bila je tužilac Bojana Jolović koja je bila i zamjenik rukovodioca Odjela II do 01.10.2024. godine; šef Odsjeka za krijumčarenje ljudi i trgovinu ljudima je tužilac Ahmed Mešić koji je od 01.10.2024. godine imenovan za zamjenika rukovodioca Posebnog odjela za organizirani kriminal, privredni kriminal i korupciju; šef Odsjeka za međunarodnu pravnu pomoć i ostala krivična djela iz nadležnosti Tužilaštva BiH bila je tužilac Nives Kanevčev.

Na dan 31.12.2024. godine u Odjel II raspoređeno je bilo: 1 stručni saradnik – savjetnik – pravnik, 2 stručna savjetnika – ekonomiste, 38 stručnih saradnika – pravnika, 3 stručna saradnika - savjetnika – istražioca, 10 stručnih saradnika – istražilaca, 1 stručni saradnik – istražilac za privredni kriminal, 3 stručna saradnika analitičara, 2 stručna saradnika – koordinatora predmeta i 14 referenata specijalista



– tužilačkih administrativno-tehničkih pomoćnika koji su po potrebi raspoređivani u oba odjela TBiH.

1.4. Vrste tužilačkih predmeta

Početakom 2011. godine, od strane VSTV-a je implementiran Sistem upravljanja predmetima u tužilaštvima (TCMS) koji ima za svrhu potpunu automatizaciju procesa rada u sudovima i tužilaštvima, čime se omogućava veća efikasnost i transparentnost u radu osoblja, te praćenje statističkih podataka i izvještavanje kako na nivou pojedinačnih pravosudnih institucija, tako i na nivou kantona, entiteta i cijele države. Rad u TCMS sistemu je uređen Pravilnikom o sistemu za automatsko upravljanje predmetima u tužilaštvima, koji donosi Visoko sudsko i tužilačko vijeće Bosne i Hercegovine. U Tužilaštvu Bosne i Hercegovine primjena automatske dodjele predmeta tužiocima u potpunosti je implementirana od 16.07.2021. godine.

Navedenim pravilnikom VSTV je definisao vrste tužilačkih predmeta koji za cilj imaju evidentiranje i praćenje rada po svim oblastima kriminala, odnosno određene su posebne oznake za krivične predmete organiziranog kriminala, organiziranog kriminala visokog nivoa, privrednog kriminala, korupcije, visoke korupcije i druge oznake.²

2. OSTVARENA KOLEKTIVNA NORMA TUŽILAŠTVA

Tužilaštvo BiH je u toku 2024. godine ostvarilo kolektivnu normu **120,78%**. Kvalitet tužilačkih odluka, u odnosu na optužnice je **96,05%**, dok je kvalitet tužilačkih odluka u odnosu na naredbe o nesprovođenju i obustavljanju istraga **99,88%**. Ostvarena kolektivna norma Odjela I je **109,97%** i Odjela II je **129,11%**.

3. OSTVARENI REZULTATI U RADU NA PREDMETIMA RATNIH ZLOČINA (ODJEL I)

Tokom izvještajnog perioda ostvarena kolektivna norma Posebnog odjela za ratne zločine iznosila je 109,97%. U Posebnom odjelu za ratne zločine Odsjek I je ostvario kolektivnu normu od 83,55%, Odsjek II je ostvario kolektivnu normu od 134,21%, dok je Odsjek III ostvario kolektivnu normu od 120%.

3.1. Realizacija plana rješavanja prioriternih predmeta ratnih zločina

Tužiocima Posebnog odjela za ratne zločine su planom rješavanja predmeta za 2024. godinu planirali rješavanje 88 KTRZ predmeta. Prilikom sačinjavanja Revidiranog plana rješavanja prioriternih

² KT - Registar poznatih počinitelja krivičnih djela (pravna i fizička lica); KT-RZ - Registar poznatih počinitelja krivičnog djela ratnog zločina; KTPO - Registar poznatih počinitelja krivičnog djela privrednog kriminala; KTK - Registar poznatih počinitelja krivičnog djela korupcije; KTKV - Registar poznatih počinitelja krivičnog djela visoke korupcije; KTT - Registar poznatih počinitelja krivičnog djela terorizma; KTO - Registar poznatih počinitelja krivičnog djela organiziranog kriminala; KTOV - Registar poznatih počinitelja krivičnog djela organiziranog kriminala visoke korupcije; KTN - Registar krivičnih predmeta nepoznatih počinitelja; KTN-RZ - Registar nepoznatih počinitelja krivičnog djela ratnog zločina; KTNT; KTNK; KTNPO; KTN - Registar krivičnih predmeta nepoznatih počinitelja (krivična djela terorizma, korupcije, privrede i organiziranog kriminala); KTM - Registar krivičnih predmeta maloljetnih počinitelja; KTPOM - Registar predmeta pravne pomoći; KTMPOM - Registar predmeta međunarodne pravne pomoći; KTEKS - Registar predmeta ekstradicije; KTA - Registar raznih krivičnih predmeta; KTA-RZ - Registar raznih krivičnih predmeta ratnog zločina; KTAT, KTAK, KTAPO, KTAO - Registar raznih krivičnih predmeta (krivična djela terorizma, korupcije, privrede i organiziranog kriminala); KTŽ; KTTŽ; KTKŽ; KTOŽ; KTKVŽ, KTOVŽ - Žalba na presudu (krivična djela terorizma, korupcije, visoke korupcije, privrede i organiziranog kriminala); KTP - Pritužbe na odluke; KTF - Registar krivičnih predmeta za finansijske istrage.



predmeta, izvršeno je korigovanje prvobitnog plana tako da je povećan broj na 90 KTRZ predmeta. Od ukupnog broja prioriternih predmeta riješena su 44 KTRZ predmeta.


Također, tužioci su u toku 2024. godine, pored gore navedena 44 KTRZ predmeta, riješili još 20 KTRZ predmeta koji su bili isključeni iz plana zbog nedostupnih lica. Prema Uputstvu za izradu plana rješavanja predmeta ratnih zločina koje je doneseno na sjednici VSTV-a dana 17., 18. i 19.04.2024. godine predmeti koji su bili isključeni iz plana zbog nedostupnosti lica su uključeni u realizaciju plana za kraj godine, tako da su ukupno riješena 64 KTRZ predmeta. Pored toga, riješeno je još 7 KTRZ predmeta koji nisu bili u planu. Navedenih 7 KTRZ predmeta, zbog pravila propisanih Uputstvom za izradu plana rješavanja predmeta ratnih zločina, nisu mogli biti uključeni u plan i realizaciju, tako da je u toku 2024. godine ukupno riješen 71 KTRZ predmet. U skladu sa navedenim Uputstvom i korekcijom plana rješavanja prioriternih predmeta riješenost KTRZ predmeta je 71,11%.

Predmetnim Planom rješavanja prioriternih predmeta ratnih zločina planirano je rješavanje 362 KTARZ predmeta i 69 KTNRZ predmeta na početku godine. Prilikom sačinjavanja Revidiranog plana rješavanja prioriternih predmeta, izvršeno je korigovanje prvobitnog plana tako da je početni broj KTARZ predmeta povećan na 368, a KTNRZ predmeta na 72. Poseban odjel za ratne zločine je riješio 364 KTARZ predmeta i 71 KTNRZ predmet, tako da procenat realizacije KTARZ predmeta iznosi 98,91%, a procenat realizacije KTNRZ predmeta iznosi 98,61%.

Ukupan procenat realizacije Plana po svim vrstama predmeta u 2024. godini je **94,15%**. Dakle, realizacija Plana rješavanja predmeta ostvarena je u znatno većem procentu u odnosu na prethodni period, što će biti prikazano i na sljedećem tabelarnom i grafičkom prikazu:

Vrsta predmeta	Planirani obim	Riješeno prema planu	Procentualno
KT-RZ	90	64	71,11%
KTA-RZ	368	364	98,91%
KTN-RZ	72	71	98,61%
UKUPNO	530	499	94,15% ³

➤ *Grafički prikaz ukupne riješenosti predmeta ratnih zločina*




Grafikon 1.

³ Procenat je izračunat na osnovu procenata KTRZ, KTARZ i KTNRZ predmeta.



Iz prikazanog grafičkog i tabelarnog pregleda vidljivo je da je procenat ukupne riješenosti planiranih predmeta značajno veći u posljednje tri godine u odnosu na prethodni period, odnosno da je u toku 2024. godine ukupna riješenost prioriternih predmeta ratnih zločina oko 94,15%.


➤ *Grafički prikaz rješavanja KTA-RZ predmeta*



Grafikon 2.

Iz prikazanog grafičkog i tabelarnog pregleda vidljivo je da je procenat ukupne riješenosti planiranih KTA-RZ predmeta značajno veći u posljednje tri godine u odnosu na prethodni period, odnosno da je za 2024. godinu iznosio oko 98,91%.

➤ *Grafički prikaz rješavanja KTN-RZ predmeta*



Grafikon 3.

Iz prikazanog grafičkog i tabelarnog prikaza vidljivo je da je procenat ukupne riješenosti planiranih prioriternih KTN-RZ predmeta također značajno veći u posljednje tri godine u odnosu na prethodni period, odnosno da za 2024. godinu iznosi 98,61%.



➤ *Tabelarni pregled predmeta koji su riješeni mimo Plana rješavanja prioritetnih predmeta*


Vrsta predmeta	Planirani obim	Riješeno prema planu	Riješeno mimo plana	Ukupno riješeno	Procentualno
KT-RZ	90	64	7	71	78,88%
KTA-RZ	368	364	31	395	107,33%
KTN-RZ	72	71	23	94	130,55%

Tužiocima Posebnog odjela za ratne zločine riješili su mimo plana 7 KT-RZ, 31 KTA-RZ i 23 KTN-RZ predmeta.

3.2. Podignute optužnice u predmetima ratnih zločina

Poseban odjel za ratne zločine je u izvještajnom periodu podigao 18 optužnica protiv 45 lica. Odjel I je u izvještajnom periodu ukupno imao u radu 25 optužnica protiv 80 lica, od toga je 7 optužnica protiv 35 lica preneseno iz ranijeg perioda u kojima do 01.01.2024. godine nije donesena odluka Suda BiH. Potvrđeno je 12 optužnica protiv 40 lica, dok za 12 optužnica protiv 39 lica do 31.12.2024. godine nije donesena odluka Suda BiH. Također, u izvještajnom periodu odbijena je 1 optužnica protiv 1 lica, iz kojih razloga je zakazan kolegij Odjela na kojem je raspravljano o razlozima i data uputstva tužiocu.

➤ *Grafički prikaz podignutih optužnica KTRZ predmeta*



Grafikon 4.


Iz navedenog grafičkog prikaza proizlazi da je u 2024. godini, u odnosu na 2023. godinu, podignuta 1 optužnica više u odnosu na predmete, dok je u odnosu na lica smanjen broj za 25 lica.

➤ *Tabelarni pregled krivičnih djela u odnosu na koja su podignute optužnice*

KRIVIČNO DJELO PROPISANO KRIVIČNIM ZAKONOM	PODIGNUTE OPTUŽNICE	
	PREDMETI	LICA
Član 142. KZ SFRJ - Ratni zločin protiv civilnog stanovništva	3	3
Član 171. KZ BiH – Genocid	1	5
Član 172. KZ BiH - Zločini protiv čovječnosti	9	17
Član 173. KZ BiH - Ratni zločin protiv civilnog stanovništva	4	19
Član 144. KZ SFRJ – Ratni zločin protiv ratnih zarobljenika	1	1
UKUPNO	18	45



➤ *Grafički prikaz podignutih optužnica po krivičnim djelima*




Grafikon 5.

Iz prikazanog grafičkog i tabelarnog prikaza vidljivo je da se najveći broj podignutih optužnica odnosi na krivično djelo iz člana 172. KZ-a BiH - Zločini protiv čovječnosti, za koje je podignuto 9 optužnica.

Podignutim optužnicama obuhvaćeni su događaji u kojima je smrtno stradao veći broj lica, pa je tako u vezi sa izvršenim krivičnim djelom iz člana 171. KZ-a BiH obuhvaćeno stradanje 829 lica, u vezi sa izvršenim krivičnim djelom iz člana 172. KZ-a BiH 898 lica, u vezi sa izvršenim krivičnim djelom iz člana 142. KZ-a SFRJ 33 lica, u vezi sa krivičnim djelom iz člana 173. KZ-a BiH 99 lica i u vezi sa izvršenim krivičnim djelom iz člana 144. KZ-a BiH 1 lice. U predmetnom izvještaju prikazane su smrtno stradale žrtve izvršenih ratnih zločina, u izvještaju nisu obuhvaćene žrtve koje su prolazile kroz različite oblike nečovječnog i nehumanog postupanja.

➤ *Grafički prikaz žrtava krivičnih djela ratnih zločina*



Grafikon 6.

Na osnovu tabelarnog i grafičkog prikaza vidljivo je da je u događajima koji su obuhvaćeni optužnicama smrtno stradalo 1860 lica.



3.3. Prvostepene i drugostepene presude u predmetima ratnih zločina

U toku izvještajnog perioda po optužnicama Odjela I doneseno je ukupno 12 prvostepenih presuda protiv 42 lica, kojima je u 9 predmeta 28 lica osuđeno na kaznu zatvora, dok je u 3 predmeta 14 lica oslobođeno krivice. Sud BiH je protiv 4 lica obustavio krivični postupak iz razloga nastupanja smrti lica u toku vođenja krivičnog postupka. Osuđenim licima su izrečene ukupno 234 godine zatvora. Na prvostepene presude uloženo je 14 žalbi u odnosu na 63 lica. Također, u ovom periodu odbijeno je 14 žalbi protiv 63 lica.

U toku 2024. godine doneseno je ukupno 17 pravosnažnih presuda za 65 lica i to 11 osuđujućih presuda za 34 lica i 6 oslobađajućih presuda za 31 lice. Ukupno su izrečene 334 godine i 6 mjeseci zatvora.

3.4. Rezultati rada Odjela I u odnosu na prijave

Na početku izvještajnog perioda u odnosu na KTRZ predmete bilo je neriješeno 126 prijava protiv 1880 lica koje su prenesene iz prethodnog perioda, u izvještajnom periodu zaprimljeno je 16 prijava protiv 191 lica, tako da su u izvještajnom periodu bile ukupno u radu 142 prijave protiv 2071 lica, tokom izvještajnog perioda riješeno je 47 prijava protiv 450 lica, tako da je na kraju izvještajnog perioda ostalo neriješeno 95 prijava protiv 1621 lica.


➤ *Tabelarni pregled rezultata rada u odnosu na prijave*

<i>Prijave - KTRZ predmeti</i>	<i>Predmeti</i>		<i>Lica</i>	
	2024	2023	2024	2023
Prenesene prijave iz ranijih godina	126	146 ⁴	1880	2281 ⁵
Zaprimljene prijave u toku 2024. godine	16	24	191	244
Ukupno prijava u radu	142	170	2071	2525
Broj naredbi o nesprovođenju istrage	13	13	189	390
Broj naredbi o sprovođenju istrage	17	23	66	138
Prijave riješene na drugi način	17	8	195	117
Ukupno riješeno prijava	47	44	450	645
Neriješene prijave na kraju izvještajnog perioda	95	126	1621	1880

➤ *Grafički pregled neriješenih prijava u odnosu na predmete*

⁴ Broj neriješenih prijava u odnosu na predmete na kraju izvještajnog perioda 2021. godine bio je 174, dok je u 2022. godini bio 146 lica.


⁵ Broj neriješenih prijava u odnosu na lica na kraju izvještajnog perioda 2021. godine bio je 2536, dok je u 2022. godini bio 2281.



Grafikon 7.

Iz navedenog tabelarnog i grafičkog pregleda vidljivo je da je u 2024. godini, u odnosu na 2023. godinu, došlo do smanjenja broja neriješenih prijava u KTRZ predmetima za 31 ili za oko 24,60%, na osnovu čega se može zaključiti da su u pogledu smanjenja broja neriješenih prijava ispunjeni ciljani rezultati iz Strateškog okvira Tužilaštva BiH i Revidirane državne strategije za rad na predmetima ratnih zločina.

➤ *Grafički pregled neriješenih prijava u odnosu na lica*



Grafikon 8.

Iz navedenog tabelarnog i grafičkog pregleda vidljivo je da je u 2024. godini, u odnosu na 2023. godinu, došlo do smanjenja broja neriješenih prijava u KTRZ predmetima za 259 ili za oko 13,77% lica.

3.5. Rezultati rada Odjela I u odnosu na istrage

Na početku izvještajnog perioda u odnosu na KTRZ predmete bila je 121 neriješena istraga iz ranijeg perioda u odnosu na 778 lica, u toku izvještajnog perioda naređeno je 17 istraga protiv 66 lica, tako da je tokom 2024. godine bilo ukupno u radu 138 istraga protiv 844 lica, u navedenom periodu




riješena je 41 istraga protiv 193 lica, tako da je na kraju izvještajnog perioda ostalo neriješeno 97 istraga protiv 651 lica.

➤ *Tabelarni pregled rezultata rada u odnosu na istrage*

<i>Istrage - KTRZ predmeta</i>	<i>Predmeti</i>		<i>Lica</i>	
	2024	2023	2024	2023
Prenesene istrage iz ranijih godina	121	137 ⁶	778	896 ⁷
Broj naredbi o sprovođenju istrage u toku 2024. godine	17	23	66	138
Ukupno istraga u radu	138	160	844	1034
Broj naredbi o obustavi istrage	17	13	114	112
Broj podignutih optužnica	18	17	45	70
Istrage riješene na drugi način	6	9	34	74
Ukupno riješeno istraga	41	39	193	256
Neriješene istrage na kraju izvještajnog perioda	97	121	651	778

➤ *Tabelarni pregled neriješenih istraga u odnosu na predmete*




Grafikon 9.

Iz navedenog tabelarnog i grafičkog pregleda vidljivo je da je u 2024. godini, u odnosu na 2023. godinu, došlo do smanjenja broja neriješenih istraga u KTRZ predmetima za 24 ili za oko 19,83% predmeta, na osnovu čega se može zaključiti da su u pogledu smanjenja broja neriješenih istraga ispunjeni ciljani rezultati iz Strateškog okvira Tužilaštva BiH i Revidirane državne strategije za rad na predmetima ratnih zločina.

➤ *Tabelarni pregled neriješenih istraga u odnosu na lica*

⁶ Broj neriješenih istraga u odnosu na predmete 2021. bio je 164, dok je 2022. bio 137.

⁷ Broj neriješenih istraga u odnosu na lica 2021. bio je 960, dok je u 2022. bio 896.




Grafikon 10.

Iz navedenog tabelarnog i grafičkog pregleda vidljivo je da je u 2024. godini, u odnosu na 2023. godinu, došlo do smanjenja broja neriješenih istraga u KTRZ predmetima za 127 ili za oko 16,32% lica.

3.6. Nedostupna lica u odnosu na prijave i istrage

U izvještajnom periodu, zaključno sa 31.12.2024. godine, i dalje se vodi kao nedostupno 297 lica u 90 KTRZ predmeta Tužilaštva BiH, od toga 40 lica su lica oznake „A“. Navedena lica se nalaze u zemljama regije i ostalim zemljama svijeta za koje tužiocima redovno preduzimaju aktivnosti predviđene zakonom (upućivanje zamolnica za međunarodnu pravnu pomoć, raspisivanje potjernica i dr.).

➤ *Tabelarni pregled predmeta u kojima su nedostupna lica u odnosu na ukupan broj neriješenih predmeta*




Grafikon 11.

Iz navedenog tabelarnog pregleda vidljivo je da su na kraju izvještajnog perioda ostala neriješena 192 predmeta (97 istraga i 95 prijava), te da su u 90 ili oko 46,87% predmeta evidentirana nedostupna lica. Navedena činjenica u značajnoj mjeri otežava rad na predmetima ratnih zločina i ispunjavanje strateških ciljeva iz Revidirane državne strategije za rad na predmetima ratnih zločina.



➤ *Tabelarni pregled nedostupnih lica u odnosu na prijave i istrage*



Grafikon 12.

Iz navedenog tabelarnog pregleda vidljivo je da je u predmetima ratnih zločina i dalje veliki broj nedostupnih lica, što neposredno utiče na rješavanje predmeta ratnih zločina.

3.7. Rezultati rada Odjela I u odnosu na KTA-RZ predmete

Odjel I je u odnosu na KTA-RZ predmete na početku izvještajnog perioda imao u radu 1038 predmeta koji su preneseni iz prethodnog perioda, tokom izvještajnog perioda zaprimljeno je 165 predmeta, tako da su bila ukupno u radu 1203 predmeta. Tokom izvještajnog perioda riješeno je 395 predmeta, tako da je na kraju izvještajnog perioda ostalo u radu 808 predmeta.


Kada je u pitanju rješavanje ove vrste predmeta, bitno je napomenuti da se radi o predmetima ratnih zločina čije rješavanje, u najvećem broju slučajeva, zavisi od svjedoka u smislu otkrivanja potrebnih činjenica za rješavanje predmeta ratnih zločina. Također, veći broj predmeta odnosi se na ekshumacije, čije rješavanje traje više godina iz razloga otežanog utvrđivanja identiteta ekshumiranih lica.

➤ *Tabelarni pregled KTA-RZ predmeta 2017-2024. godina*

Vrsta predmeta KTA-RZ	Neriješeno predmeta iz prethodnih godina	Primljeno predmeta u toku izvještajnog perioda	Ukupno u radu predmeta u toku izvještajnog perioda	Riješeno predmeta u toku izvještajnog perioda	Neriješeno predmeta na kraju izvještajnog perioda
2017			1894	187	1707
2018	1707	217	1924	273	1651
2019	1651	217	1868	246	1622
2020	1622	165	1787	220	1567
2021	1567	212	1779	252	1527
2022	1527	157	1684	481	1203
2023	1203	196	1399	361	1038
2024	1038	165	1203	395	808



➤ *Grafički pregled neriješenih KTA-RZ predmeta 2017-2024. godina*



Grafikon 13.

Iz navedenog tabelarnog i grafičkog pregleda vidljivo je da je u 2024. godini, u odnosu na 2023. godinu, došlo do smanjenja broja neriješenih KTA-RZ predmeta za 230 ili za oko 22,15% predmeta. Također, na osnovu obrađenih statističkih podataka može se izvesti zaključak da je u posljednje tri godine došlo do značajnog smanjenja broja neriješenih KTA-RZ predmeta u odnosu na prethodne godine, odnosno da je u periodu od 2017 – 2021. godine broj KTA-RZ predmeta smanjen za 180, a da je u protekle tri godine broj KTA-RZ predmeta smanjen za 719 ili za oko 47,08% u odnosu na 2021. godinu, što je također u skladu sa postavljenim ciljanim rezultatima iz Strateškog okvira i Revidiranom državnom strategijom za rad na predmetima ratnih zločina.

3.8. Rezultati rada Odjela I u odnosu na KTNRZ predmete

Kada je u pitanju rješavanje ove vrste predmeta, bitno je napomenuti da se radi o predmetima ratnih zločina čije rješavanje u najvećem dijelu zavisi od aktivnosti policijskih agencija u Bosni i Hercegovini.

Odjel I je u odnosu na KTN-RZ predmete na početku izvještajnog perioda imao u radu 244 predmeta koji su preneseni iz prethodnog perioda, tokom izvještajnog perioda zaprimljena su 92 predmeta, tako da je u navedenom periodu bilo ukupno u radu 336 predmeta. Tokom izvještajnog perioda riješena su 94 predmeta, tako da su na kraju izvještajnog perioda ostala neriješena 242 predmeta.

➤ *Tabelarni pregled KTN-RZ predmeta 2017-2024. godina*

Vrsta predmeta KTA-RZ	Neriješeno predmeta iz prethodnih godina	Primljeno predmeta u toku izvještajnog perioda	Ukupno u radu predmeta u toku izvještajnog perioda	Riješeno predmeta u toku izvještajnog perioda	Neriješeno predmeta na kraju izvještajnog perioda
2017			642	41	601
2018	601	38	639	112	527
2019	527	86	613	87	526
2020	526	85	611	234	377
2021	377	78	455	211	244
2022	244	125	369	125	244
2023	244	93	337	93	244
2024	244	92	336	94	242

Iz navedenog tabelarnog pregleda vidljivo je da unazad četiri godine nije dolazilo do promjene broja neriješenih KTN-RZ predmeta.



3.9. Rezultati rada Odjela I u odnosu na KTPOM predmete

Kada je riječ o KTPOM predmetima, tužioci Posebnog odjela za ratne zločine su imali u radu 7 predmeta i to 4 iz ranijeg perioda i 3 zaprimljena u izvještajnom periodu. U izvještajnom periodu riješili su 4 predmeta, na kraju izvještajnog perioda ostala su neriješena 3 predmeta.

3.10. Međunarodna saradnja i opća razmatranja

U toku 2024. godine Posebni odjel za ratne zločine Tužilaštva BiH je uložio značajne napore za postupanje u najsloženijim predmetima ratnih zločina, kao i za ostvarenje strateških ciljeva Revidirane državne strategije za rad na predmetima ratnih zločina (dalje: Revidirana državna strategija). Ostvarenje Strateškog cilja VII Revidirane državne strategije, koji se odnosi na regionalnu saradnju u izvještajnom periodu, ogleda se prije svega u sastancima rukovodilaca i postupajućih tužilaca iz Tužilaštva BiH sa tužiocima iz regije, sve u cilju postupanja u određenim predmetima ratnih zločina.

U Tužilaštvu BiH u martu 2024. godine održan je sastanak glavnog tužioca Tužilaštva Bosne i Hercegovine i rukovodioca Posebnog odjela za ratne zločine Tužilaštva Bosne i Hercegovine sa glavnim javnim tužiocem Javnog tužilaštva za ratne zločine Republike Srbije i saradnicima. Na sastanku je razgovarano o procesuiranju predmeta koji su iz BiH ustupljeni na dalje procesuiranje pravosuđu Srbije, kao i uopćeno saradnji u zajedničkoj borbi protiv nekažnjivosti ratnih zločina. U junu 2024. godine u Beogradu je održan sastanak glavnog tužioca Tužilaštva BiH sa novoimenovanim vršiocem funkcije glavnog tužioca Javnog tužilaštva za ratne zločine Republike Srbije. Na sastanku je razgovarano o saradnji dvaju tužilaštava koja su u proteklom periodu imala značajnu komunikaciju i saradnju u borbi protiv nekažnjivosti ratnih zločina, a koja se također realizuje i u koordinaciji sa tužiocem Međunarodnog rezidualnog mehanizma za krivične sudove (MRMKS) u Den Hagu. Na sastanku je dogovoren nastavak saradnje u narednom periodu jer Tužilaštvo BiH i Posebni odjel za ratne zločine i Javno tužilaštvo za ratne zločine Srbije rade na predmetima u kojima je potrebna i nezaobilazna međunarodna pravna pomoć i saradnja kako bi predmeti bili procesuirani i okončani u pravosudnim institucijama BiH i Srbije.

Do kraja 2024. godine održano je više sastanaka predstavnika Tužilaštva MRMKS-a i predstavnika Tužilaštva BiH i tužilaca. Održani su sastanci sa svim tužiocima Posebnog odjela za RZ koji postupaju u prioritetnim predmetima kako bi pružili svu potrebnu podršku u pitanju prikupljanja dokumentacije, pitanju mjera zaštićenih svjedoka, dobijanja neredigovanih transkripata i drugih okolnosti koje se odnose na davanje mišljenja o djelovanjima određenih formacija, a što se vodi kao utvrđena činjenica u haškim presudama.

Nadalje, održan je i sastanak predstavnika Tužilaštva MRMKS-a sa glavnim tužiocem i rukovodiocem, na kojem su zapravo izvijestili Tužilaštvo BiH o stanju predmeta RZ u entitetima i spremnosti tužilaštava u BiH za postupanje u eventualno još predmeta koji bi se ustupili iz TBiH u entitete (s obzirom da su u TBiH ostali samo najsloženiji KTRZ predmeti, ali stalnim radom na KTARZ i KTNRZ predmetima dolazi do prelaska istih u KTRZ upisnik i često se takvi predmeti ustupaju na krivično postupanje entitetskim tužilaštvima i Tužilaštvu BD BiH).

Mehanizmi unapređenja regionalne saradnje su bili tema 5. sastanka Nadzornog organa za praćenje provođenja Revidirane državne strategije za rad na predmetima ratnih zločina, održanog u julu 2024. godine, na kojem su učestvovali i predstavnici Tužilaštva BiH, kojom prilikom se težilo iznalaženju



načina da se unaprijedi regionalna saradnja, posebno u predmetima Posebnog odjela za ratne zločine Tužilaštva BiH u kojima su evidentirana nedostupna lica, a koji predmeti su u fazi istrage ili prijave.

Nakon učešća predstavnika Tužilaštva MRMKS-a na sastanku Nadzornog organa početkom jula 2024. godine, na kojem se razgovaralo o problematici pružanja međunarodne pravne pomoći u predmetima ratnih zločina, odnosno pitanju rješavanja predmeta ratnih zločina putem mehanizama regionalne saradnje, održan je i sastanak sa predstavnicima Tužilaštva BiH. Nadzorni organ je u proteklom periodu posebnu pažnju posvetio razmatranju Strateškog cilja VII Državne strategije “Poboljšati ostvarenu saradnju sa zemljama u regiji po pitanju predmeta ratnih zločina u cilju napretka u cijelom regionu”. Imajući u vidu broj nerješivih predmeta/nedostupnih lica pred sudovima i tužilaštvima u Bosni i Hercegovini u predmetima ratnih zločina zaključno sa 2023. godinom, Nadzorni organ je konstatovao nužnost unapređenja funkcionisanja postojećih i iznalaženja novih mehanizama regionalne saradnje.

U septembru 2024. godine delegacija Tužilaštva BiH, na čelu sa glavnim tužiocem, učestvovala je na regionalnoj konferenciji tužilaca za ratne zločine koja se održala u Podgorici, u organizaciji Vrhovnog državnog tužilaštva Crne Gore, uz podršku EU i UNDP-a. Na konferenciji je učestvovao i glavni tužilac pri MRMKS-u, Serge Brammertz sa saradnicima. Teme konferencije bile su regionalna saradnja tužilaca u radu na predmetima ratnih zločina, mogućnost razmjene dokaza, pristup svjedocima i dokazima, postupanje po zamolnicama, kao i modaliteti zajedničke borbe protiv nekažnjivosti ratnih zločina prouzrokovane nedostupnošću osumnjičenih ili optuženih lica koja se nalaze u zemljama regiona. Na navedenoj konferenciji istaknut je značaj regionalne saradnje za Tužilaštvo Bosne i Hercegovine s obzirom da je u Tužilaštvu Bosne i Hercegovine sredinom 2024. godine bilo evidentirano 115 KTRZ predmeta sa 344 nedostupna lica od kojih je 40 lica standardne oznake “A”, a većina takvih lica se nalazi u zemljama regiona. Na konferenciji je razgovarano i o mogućnostima ustupanja predmeta, u skladu sa memorandumima i sporazumima o saradnji, kao i procesuiranju zločina seksualnog nasilja u ratu, a sve sa ciljem da počinjeni ratni zločini ne ostanu nekažnjeni.

Početkom novembra u Tužilaštvu BiH održan je radni sastanak delegacija Tužilaštva BiH i Vrhovnog državnog tužilaštva Crne Gore tokom kojeg je potpisan Sporazum o razumijevanju i saradnji u oblasti podrške svjedocima, oštećenima i žrtvama radi njihovog učešća u krivičnom postupku za ratne zločine.

U novembru 2024. godine u Tužilaštvu BiH održan je sastanak između glavnog tužioca Tužilaštva BiH, Milanka Kajganića, i glavnog državnog odvjetnika Republike Hrvatske (DORH) Ivana Turudića zajedno sa saradnicima i glavnog tužioca Republičkog javnog tužilaštva Republike Srpske Željke Radović. Na sastanku je razgovarano o nastavku i unapređenju zajedničke saradnje u procesuiranju predmeta ratnih zločina, kao i predmeta organiziranog kriminala i korupcije. Fokus sastanka je bio na prevazilaženju problema u predmetima u kojima su osumnjičeni i optuženi nedostupni.

U martu 2024. godine izvršena je cjelokupna analiza svih KTRZ predmeta u fazi istrage i prijave u kojima su evidentirana nedostupna lica. Ovom analizom i pregledom predmeta ne samo što se utvrdio broj predmeta koji su podobni za ustupanje u zemlje regije, nego se željelo ukazati da tužioci Posebnog odjela za ratne zločine TBiH postupaju u navedenim predmetima bez obzira što postoji nedostupno jedno ili više lica u tim predmetima i bez obzira što po nekim upućenim zamolnicama u tim predmetima još nije postupljeno, uzimajući u obzir činjenicu da u pojedinim predmetima postoje osumnjičena dostupna i nedostupna lica pravosuđu BiH.



Tokom 2024. godine Tužilaštvo BiH je obavještavalo Tužilaštvo Međunarodnog rezidualnog mehanizma za međunarodne krivične sudove (Tužilaštvo MRMKS-a) o svim upućenim zamolnicama za međunarodnu pravnu pomoć i zamolnicama koje su u nadležne institucije zemalja regije upućene putem zaključenih protokola, a po kojim zamolnicama još nije postupljeno. Tužilaštvo BiH dva puta godišnje dostavlja Tužilaštvu MRMKS-a podatke o radu i niz drugih informacija u cilju sastavljanja polugodišnjeg izvještaja Vijeću sigurnosti UN-a, te Tužilaštvo MRMKS-a pruža asistenciju Tužilaštvu BiH u što boljoj realizaciji navedenih zamolnica.

Zaključno sa 31.12.2024. godine, putem regionalne saradnje riješeno je ukupno 15 KTRZ predmeta Odjela I koji su ustupljeni drugom pravosuđu. Od toga je ukupno 8 predmeta ustupljeno nadležnim organima Republike Srbije, 7 u fazi istrage i 1 u fazi prijave. Nadležnim organima Republike Hrvatske ustupljen je 1 KTRZ predmet u kojem je potvrđena optužnica, 2 u fazi istrage i 4 u fazi prijave.

Aktivnosti preduzete u prioritetnim predmetima određenim za 2024. godinu značajno su doprinijele realizaciji Strateškog cilja I i IV Revidirane državne strategije, pogotovo u pogledu nastojanja da se u složenim prioritetnim predmetima iscrpe sve procesno-pravne mogućnosti usmjerene ka potpunom rješavanju krivičnog događaja i podizanju optužnice.

U postupku realizacije Strateškog cilja III u Posebnom odjelu za ratne zločine u 2024. godini izvršen je pregled složenosti svih KTRZ predmeta radi prioritetnog procesuiranja složenijih predmeta ratnih zločina od strane Tužilaštva BiH, a sve u skladu sa odredbama Revidirane državne strategije. U toku 2024. godine kontinuirano se na polugodišnjem nivou vršilo ažuriranje svih KTRZ, KTARZ i KTNZRZ predmeta radi lakšeg praćenja rada na navedenim predmetima. O svim otvorenim KTRZ, KTARZ i KTNZRZ predmetima i detaljima postupanja u toku 2024. godine, Tužilaštvo BiH je početkom januara 2025. godine obavijestilo Stalnu komisiju za efikasnost i kvalitet tužilaštava Visokog sudskog i tužilačkog vijeća BiH (dalje: Stalna komisija VSTV-a BiH) kroz dostavljanje ranije određenih tabelarnih prikaza traženih podataka.

U cilju prioritetnog procesuiranja složenijih predmeta ratnih zločina od strane Tužilaštva BiH, na osnovu odluka Suda BiH o ustupanju entitetskim tužilaštvima i Brčko distriktu BiH u skladu sa članom 27a. Zakona o krivičnom postupku BiH, Tužilaštvo BiH je ustupilo vođenje postupka za 5 KTRZ predmeta protiv 11 lica. U toku 2024. godine je preneseno vođenje postupka entitetskim tužilaštvima i Brčko distriktu BiH za 57 KTNZRZ predmeta i 17 KTARZ predmeta.

Tužilaštvo BiH je, u skladu sa preuzetim obavezama iz Revidirane državne strategije i Aneksa B, izvršilo neophodne provjere i sačinilo zbirnu ažuriranu informaciju o predmetima u kojima su evidentirana lica sa dodijeljenom oznakom „A“ od tužioca Međunarodnog krivičnog suda za bivšu Jugoslaviju („standardnu oznaku 'A' – dovoljno dokaza“). U skladu sa zaključcima Visokog sudskog i tužilačkog vijeća BiH (dalje: VSTV BiH), informacije o predmetima u kojima su evidentirana lica sa oznakom „A“, Tužilaštvo Bosne i Hercegovine redovno dostavlja Stalnoj komisiji VSTV-a BiH. Zaključno sa 31.12.2024. godine ukupno neriješenih lica „A“ u Tužilaštvu BiH je 113 lica u 44 KTRZ predmeta. Tužilaštvo BiH je ukupno završilo na različite načine 698 lica oznake „A“, a od tog broja je ustupljeno na postupanje drugim tužilaštvima u BiH ukupno 337 lica.

U izvještajnom periodu, zaključno sa 31.12.2024. godine, i dalje se vodi kao nedostupno 297 lica u 90 KTRZ predmeta Tužilaštva BiH, od toga 40 lica su lica oznake „A“. Navedena lica se nalaze u zemljama regije i ostalim zemljama svijeta, za koje tužioci redovno preduzimaju aktivnosti predviđene zakonom (upućivanje zamolnica za međunarodnu pravnu pomoć, raspisivanje potjernica i dr.). Tužilaštvo će fokus rada u 2025. godini usmjeriti u pravcu da se što više ovih predmeta prenese na tužilaštva u regiji i to u fazi istrage.



Podignute optužnice se u skladu sa Obavezujućim uputstvom glavnog tužioca objavljuju na web stranici Tužilaštva, čime je povećana transparentnost Tužilaštva BiH. Također, Tužilaštvo Bosne i Hercegovine je objavilo podatke o licima koja su od strane tužioca Međunarodnog suda za bivšu Jugoslaviju dobila standardnu oznaku „A“.

Na regionalnim sastancima predstavnici Tužilaštva BiH naglašavaju da tužilaštva u regiji trebaju da ulože dodatne napore u traganju i utvrđivanju sudbine nestalih lica. U toku 2024. godine nastavljeno je postupanje u predmetu Tužilaštva BiH broj T20 0 KTARZ 0011667 16, koji predmet je pod nadzorom glavnog tužioca Tužilaštva BiH i rukovodioca Posebnog odjela za ratne zločine Tužilaštva BiH. U ovom predmetu se prikupljaju i provjeravaju informacije o mogućim lokacijama pojedinačnih i masovnih grobnica na području Bosne i Hercegovine. Na osnovu navedenog predmeta, SIPA je formirala Operativni tim „TERRA“, čiji članovi postupaju po naredbama Tužilaštva BiH. U predmetu broj T20 0 KTARZ 0011667 16, od njegovog formiranja do 31.12.2024. godine, pronađeno je i ekshumirano ukupno 110 lica. U toku 2024. godine pronađena su i ekshumirana 4 tijela.

U cilju postupanja po Strateškoj mjeri VIII zaštite i podrške žrtvama i svjedocima Revidirane državne strategije u izvještajnom periodu, pored stalne asistencije Tužilaštva BiH po pitanju zaštite svjedoka koji svjedoče u predmetima ratnih zločina koji se vode pred pravosuđem u zemljama regije, predstavnici Tužilaštva BiH učestvuju u projektu Visokog sudskog i tužilačkog vijeća BiH (VSTV BiH) i OSCE-a BiH koji se bavi praćenjem rada na predmetima ratnih zločina na način da je formirano koordinaciono tijelo za unapređenje saradnje odjela za podršku svjedocima u sudovima i tužilaštvima u cijeloj BiH.

Glavni tužilac i rukovodilac Posebnog odjela za ratne zločine Tužilaštva BiH redovno vrše nadzor nad sprovođenjem odredaba Revidirane državne strategije, kroz održavanje kolegija odjela i odsjeka, te izvještavaju o radu na predmetima ratnih zločina Nadzorni organ za praćenje sprovođenja Revidirane državne strategije i Stalnu komisiju VSTV-a BiH.

Tužilaštvo BiH je u izvještajnom periodu stavilo na raspolaganje i omogućilo svim tužiocima u Bosni i Hercegovini uvid i pristup podacima sveobuhvatne Centralizovane baze podataka ratnih zločina, te blagovremeno postupa po svim upućenim zahtjevima, čime je realizovan Strateški cilj II Revidirane državne strategije.

Istrage u predmetima ratnih zločina su zahtjevne i dugotrajne te uključuju veliki broj osumnjičenih lica, od kojih je određen broj nedostupan pravosudnim organima BiH. Također, određene probleme predstavljaju svjedoci i oštećeni koji imaju prebivalište ili boravište van teritorije BiH, a ne pokazuju spremnost da svjedoče ili je njihov dolazak otežan zbog objektivnih okolnosti. Važno je istaći da se predmeti ratnih zločina većinom dokazuju putem svjedoka. Određeni broj svjedoka je lošijeg zdravstvenog stanja i starije životne dobi, što utiče na njihovu spremnost da svjedoče, zbog čega je u takvim situacijama Tužilaštvo pružalo pomoć svjedocima putem Odjela za podršku svjedocima.

U toku 2024. godine se nastavila kontinuirana edukacija tužilaca i stručnog osoblja Posebnog odjela za ratne zločine od strane domaćih i međunarodnih organizacija u cilju poboljšanja efikasnosti i kvaliteta rada na predmetima ratnih zločina.



4. REZULTATI POSEBNOG ODJELA ZA ORGANIZIRANI KRIMINAL, PRIVREDNI KRIMINAL I KORUPCIJU - ODJEL II

Ostvarena kolektivna norma Posebnog odjela za organizirani kriminal, privredni kriminal i korupciju (Odjela II) u izvještajnom periodu iznosi **129,11%**. Po odsjecima, ostvarena kolektivna norma iznosi: Odsjek za organizirani kriminal **139,87%**, Odsjek za privredni kriminal **131,30%**, Odsjek za korupciju **136,02%**, Odsjek za terorizam **130,28%**, Odsjek za krijumčarenje ljudi i trgovinu ljudima **151,12%**, te Odsjek za međunarodnu pravnu pomoć i ostala krivična djela iz nadležnosti Tužilaštva Bosne i Hercegovine **88,46%**.

4.1. Rezultati rada Odjela II u odnosu na prijave


Na početku izvještajnog perioda u odnosu na KT predmete bilo je neriješeno 696 prijava protiv 2560 lica, u toku izvještajnog perioda zaprimljene su 644 prijave protiv 1750 lica, tako da je u navedenom periodu bilo ukupno u radu 1340 prijava protiv 4310 lica, tokom 2024. godine riješeno je 566 prijava protiv 1655 lica, tako da su na kraju izvještajnog perioda ostale neriješene 774 prijave protiv 2655 lica.

➤ *Tabelarni pregled rezultata u odnosu na prijave*

Vrsta predmeta KT	Predmeti		Lica	
	2024	2023	2024	2023
Prenesene prijave iz ranijih godina	696	689	2560 ⁸	2565
Zaprimljene prijave u toku 2024. godine	644	513	1750	1997
Ukupno prijava u radu	1340	1202	4310	4562
Broj naredbi o nesprovođenju istrage	257	242	797	773
Broj naredbi o sprovođenju istrage	195	189	492	460
Prijave riješene na drugi način	114	75	366	399
Ukupno riješeno prijava	566	506	1655	1632
Neriješene prijave na kraju izvještajnog perioda	774	696	2655	2930

➤ *Grafički prikaz broja riješenih prijava u KT predmetima*

⁸ Tokom 2024. godine vršeno je usklađivanje statističkih podataka u manuelnim evidencijama TCMS i SIPO sistemu u pogledu broja prenesenih istraga iz ranijeg perioda i drugih podataka, tako da je nakon otklanjanja grešaka u TCMS-u koje datiraju od uspostavljanja TCMS sistema, došlo do određenih statističkih odstupanja u pogledu broja prenesenih predmeta. Dakle, određen broj predmeta koji su se nalazili u fazi prijave u odnosu na predmete i lica je prešao u fazu istrage iz razloga što sistem pogrešno povlači glavnu stranku, što je uticalo na broj prenesenih predmeta i lica iz ranijeg perioda.



Grafikon 14.

Na osnovu navedenih statističkih podataka može se izvesti zaključak da je tokom 2024. godine zaprimljena 131 ili oko 25,53% prijava više u odnosu na prethodnu godinu, da je riješeno 60 ili 11,85% prijava više u odnosu na prethodnu godinu, odnosno da je povećan broj donesenih naredbi o nesprovođenju istrage za 15 ili 6,19% i povećan broj naredbi o sprovođenju istrage za 6 ili oko 3,17%, te da je riješeno prijava na drugi način 39 ili 52% prijava više u odnosu na prethodnu godinu.

4.2. Rezultati rada Odjela II u odnosu na istrage

U izvještajnom periodu u predmetima Odjela II bilo je ukupno 370 otvorenih istraga protiv 1433 lica, pri čemu je u izvještajnom periodu otvoreno 195 istraga protiv 492 lica, a iz ranijeg perioda preneseno je 175 predmeta protiv 941 lica. Na dan 31.12.2024. godine riješene su 204 istrage u odnosu na 526 lica. Tokom izvještajnog perioda obustavljene su 53 istrage protiv 197 lica, podignute su 144 optužnice protiv 290 lica, te je 7 istraga za 39 lica riješeno na drugi način, tako da je ostalo neriješeno 166 istraga protiv 907 lica.


➤ *Rezultati rada Odjela II u odnosu na istrage*

<i>Rezultati rada u izvještajnom periodu u odnosu na istrage u Odjelu II</i>	<i>Predmeti</i>		<i>Lica</i>	
	<i>2024</i>	<i>2023</i>	<i>2024</i>	<i>2023</i>
Prenesene istrage iz ranijih godina	175 ⁹	146	941 ¹⁰	1025
Broj naredbi o sprovođenju istrage u toku 2024. godine	195	171	492	460
Ukupno istraga u radu	370	317	1433	1485
Broj naredbi o obustavi istrage	53	60	197	295
Broj podignutih optužnica	144	108	290	229
Istrage riješene na drugi način	7	2	39	82
Ukupno riješeno istraga	204	170	526	606
Neriješene istrage na kraju izvještajnog perioda	166	147	907	879

➤ *Grafički pregled ukupnog broja riješenih istraga u Odjelu II*

⁹ Ibidem.

¹⁰ Ibidem.




Grafikon 15.

Iz navedenog tabelarnog i grafičkog pregleda vidljivo je da je tokom 2024. godine došlo do povećanja broja naređenih istraga za 24 ili oko 14,03%, te da je došlo do značajnog povećanja broja riješenih istraga, odnosno da su u izvještajnom periodu riješene 34 istrage ili oko 14,11% više u odnosu na prethodnu godinu, što je neposredno uticalo na povećanje broja podignutih optužnica i na sveukupne rezultate rada tužilaštva u 2024. godini u odnosu na 2023. godinu, kao i prethodni period.

4.3. Rezultati rada Odjela II u odnosu na optužnice

Tužiocima Posebnog odjela za organizirani kriminal, privredni kriminal i korupciju su, u izvještajnom periodu, podigli 144 optužnice protiv 290 lica. Potvrđene su 152 optužnice u odnosu na 302 lica, odbijena 1 optužnica u odnosu na 1 lice. U odnosu na 11 podignutih optužnica protiv 25 lica Sud BiH do kraja izvještajnog perioda nije donio odluku.

➤ Grafički prikaz podignutih optužnica Odjela II



Grafikon 16.

Iz prikazanog tabelarnog i grafičkog prikaza vidljivo je da su tokom 2024. godine tužiocima Odjela II podigli 144 optužnice protiv 290 lica, dok su u 2023. godini podigli 108 optužnica protiv 229 lica. Dakle, u izvještajnom periodu došlo je do povećanja broja podignutih optužnica za 36 ili oko 25% u odnosu na predmete i povećanja broja optuženih lica za 61 ili oko 21%.



➤ Tabela pregled podignutih optužnica u odnosu na krivična djela

KRIVIČNO DJELO PROPISANO KRIVIČNIM ZAKONIMA U BOSNI I HERCEGOVINI	BROJ PODIGNUTIH OPTUŽNICA	
	PRED.	LICA
Član 145a. KZ BiH – Izazivanje nacionalne, rasne i vjerske mržnje, razdora i netrpeljivosti	5	5
Član 154. KZ BiH – Izborna prevara	1	3
Član 186. KZ BiH – Međunarodna trgovina ljudima	1	2
Član 189. KZ BiH – Krijumčarenje ljudi	38	46
Član 189a. KZ BiH – Organiziranje grupe ljudi ili udruženja za izvršenje krivičnog djela 'krijumčarenje migranata'	10	35
Član 193. KZ BiH – Neovlašteni promet oružjem i vojnom opremom te proizvodima dvojne upotrebe	1	2
Član 195. KZ BiH – Neovlašteni promet opojnim drogama	4	5
Član 201. KZ BiH – Terorizam	3	3
Član 202d. KZ BiH – Organiziranje terorističke grupe	2	2
Član 205. KZ BiH – Krivotvorenje novca	9	12
Član 210. KZ BiH – Porezna utaja ili prevara	12	24
Član 210a. KZ BiH – Nedožvoljen promet akciznih proizvoda	13	29
Član 210b. KZ BiH – Nedožvoljeno skladištenje robe	3	4
Član 211. KZ BiH – Neplaćanje poreza	1	2
Član 212. KZ BiH – Nedopuštena trgovina	1	7
Član 214. KZ BiH – Krijumčarenje	8	14
Član 217. KZ BiH – Primanje dara ili drugih oblika koristi	3	4
Član 218. KZ BiH – Davanje dara ili drugih oblika koristi	2	2
Član 219. KZ BiH – Primanje nagrade ili drugog oblika koristi za trgovinu uticajem	1	1
Član 220. KZ BiH – Zloupotreba položaja ili ovlaštenja	1	1
Član 222. KZ BiH – Prevara u službi	1	1
Član 232. KZ BiH – Pomoć učinitelju poslije učinjenog krivičnog djela	1	1
Član 236. KZ BiH – Sprečavanje dokazivanja	1	1
Član 241a. KZ BiH – Sprečavanje službenog lica u vršenju službene radnje	1	1
Član 241b. KZ BiH – Napad na službeno lice u vršenju poslova sigurnosti, otkrivanju ili lišenju slobode počinioca krivičnih djela	1	1
Član 243. KZ BiH – Nedožvoljeno korištenje autorskih prava	2	5
Član 249-149. KZ BiH - Udruživanje radi činjenja krivičnih djela – Nedožvoljeno korištenje ličnih podataka	2	4
Član 249-189. KZ BiH - Udruživanje radi činjenja krivičnih djela – Krijumčarenje ljudi	1	4
Član 249-208. KZ BiH - Udruživanje radi činjenja krivičnih djela – Krivotvorenje znakova za obilježavanje robe, mjera i tegova	1	1
Član 249-212. KZ BiH - Udruživanje radi činjenja krivičnih djela – Nedopuštena trgovina	1	21
Član 249-214. KZ BiH - Udruživanje radi činjenja krivičnih djela – Krijumčarenje	1	9
Član 249-218. KZ BiH - Udruživanje radi činjenja krivičnih djela – Davanje dara ili drugih oblika koristi	1	11
Član 250-186. KZ BiH - Organizirani kriminal – Međunarodna trgovina ljudima	1	1
Član 250-195. KZ BiH - Organizirani kriminal - Neovlašteni promet opojnim drogama	5	8
Član 250-209. KZ BiH - Organizirani kriminal – Pranje novca	1	6
Član 250-210. KZ BiH - Organizirani kriminal – Porezna utaja ili prevara	2	3
Član 250-214. KZ BiH – Organizirani kriminal – Krijumčarenje	1	8
Član 183. KZ FBiH – Ugrožavanje sigurnosti	1	1
UKUPNO:	144	290



4.4. Presude po optužnicama Odjela II

U toku izvještajnog perioda, po optužnicama Odjela II donesena je ukupno 141 prvostepena presuda protiv 237 lica. Ukupan broj osuđujućih prvostepenih presuda je 125 protiv 199 lica, od toga je u 68 presuda protiv 102 lica izrečena zatvorska kazna, u 55 presuda protiv 89 lica izrečene su uslovne osude i u 1 presudi protiv 6 lica izrečene su novčane kazne. Ukupan broj prvostepenih oslobađajućih presuda je 13 za 35 lica. Broj odbijajućih presuda je 1 u odnosu na 1 lice iz razloga koji se odnose na nenadležnost.

U 2 predmeta protiv 2 lica doneseno je rješenje o obustavi postupka zbog nastupanja smrti optuženog u toku krivičnog postupka, također u 1 predmetu protiv 1 lica donesena je osuđujuća presuda za lice koje je izvršilo krivično djelo u stanju neuračunljivosti. Pored navedenog u odnosu na jedno pravno lice donesena je osuđujuća presuda, ali je usljed nastupanja stečaja predmetno pravno lice oslobođeno kazne.

U izvještajnom periodu je na prvostepene presude uloženo 25 žalbi protiv 43 lica, od čega su 4 žalbe protiv 6 lica uvažene, a 14 žalbi protiv 25 lica je odbijeno, tako da su ostale neriješene žalbe u 7 predmeta protiv 12 lica.

Također, donesene su 124 pravosnažne presude protiv 184 lica. Pravosnažno osuđujućih presuda je bilo 117 protiv 168 lica, dok je pravosnažno oslobađajućih presuda bilo 7 za 16 lica.

Po optužnicama ovog tužilaštva, u izvještajnom periodu ukupno je pravosnažnim presudama izrečeno 160 godina, 8 mjeseci i 10 dana kazni zatvora i novčane kazne u ukupnom iznosu od 854.800 KM.

U toku 2024. godine bilo je ukupno 67 sporazuma o priznanju krivice za 124 lica. Sud Bosne i Hercegovine je prihvatio 58 sporazuma o priznanju krivice za 104 lica, dok je za 1 predmet u odnosu na 2 lica sporazum odbijen. Sud BiH, do kraja 2024. godine, nije donio odluku za predloženih 9 sporazuma protiv 20 lica.

4.5. Oduzeta imovinska korist Odjel II

U izvještajnom periodu predloženo je oduzimanje imovinske koristi u iznosu od 6.097.312,00 KM, dok je privremeno blokirana imovina u iznosu od 3.610.469,00 KM. Prvostepenim presudama oduzeta je imovinska korist u ukupnom iznosu od 4.679.051,00 KM, od čega je trajno pravosnažnim prvostepenim presudama oduzeta imovinska korist u iznosu od 1.716.655,00 KM. Također, drugostepenim presudama trajno je oduzeta imovinska korist u iznosu od 258.843,00 KM.

Na osnovu navedenih podataka može se zaključiti da je u izvještajnom periodu po optužnicama Tužilaštva BiH, pravosnažnim prvostepenim i drugostepenim presudama trajno oduzeta imovinska korist u ukupnom iznosu od 1.975.498,00 KM.



4.6. Rezultati rada u odnosu na ostale vrste predmeta

Kada su u pitanju predmeti sa oznakama „KTA“, u izvještajnom periodu tužioci su radili po raznim izvještajima i informacijama te je ove vrste predmeta (KTA, KTAK, KTAO, KTAPO i KTAT) ukupno u radu bilo 1600, s tim da su 643 predmeta zaprimljena u izvještajnom periodu, dok je 957 preneseno iz ranijeg perioda. Na kraju izvještajnog perioda riješeno je 715 „KTA“ predmeta, dok je u radu ostalo 885 predmeta ove oznake.

Kada su u pitanju predmeti sa oznakama „KTN“, u izvještajnom periodu tužioci su radili po raznim izvještajima i informacijama, te je (KTN, KTNK, KTNO, KTNPO i KTNT) u toku izvještajnog perioda bilo ukupno u radu 420, u toku izvještajnog perioda zaprimljeno je 89 predmeta, dok je 331 predmet prenesen iz ranijeg perioda, u toku izvještajnog perioda riješen je 101 predmet, tako da je u radu ostalo neriješeno 319 predmeta.

Kada su u pitanju predmeti u kojima su počinioci maloljetna lica (KTM), Tužilaštvo BiH ima znatno manji broj ove vrste predmeta u odnosu na druga tužilaštva u BiH. U izvještajnom periodu bila su u radu 4 predmeta, u toku izvještajnog perioda riješen je 1 predmet, tako da su na kraju izvještajnog perioda ostala neriješena 3 predmeta.

U odnosu na KTPOM/KTMPOM/KTEKS predmete, u 2024. godini u radu je bilo 213 predmeta, od ovog broja 75 predmeta je preneseno iz prethodne godine, dok je 138 predmeta zaprimljeno u izvještajnom periodu. Tokom 2024. godine riješena su 154 predmeta, dok je u radu ostalo 59 predmeta.

➤ Tabelarni pregled svih vrsta KTA,¹¹ i KTN¹² predmeta, KTPOM, KTMPOM, KTEKS i KTM predmeta

Vrsta predmeta	Preneseno iz prethodne godine	Zaprimljeno predmeta u 2024. godini	Ukupno u radu	Riješeno predmeta u izvještajnom periodu	Ostalo neriješeno na kraju 2024.
KTA	287	228	515	320	195
KTN	133	21	154	50	104
KTAK	351	247	598	224	374
KTNK	33	6	39	3	36
KTAO	79	21	100	31	69
KTNO	11	0	11	0	11
KTAPO	201	128	329	118	211
KTNPO	147	54	201	43	158
KTAT	39	19	58	22	36
KTNT	7	8	15	5	10
KTPOM	52	50	102	73	29
KTEKS	23	68	91	73	18
KTM	1	3	4	1	3
KTMPOM	0	20	20	8	12
UKUPNO	1364	873	2237	971	1266

¹¹ KTA predmeti se odnose na sve vrste predmeta ove oznake bez predmeta ratnog zločina.

¹² KTN predmeti se odnose na sve vrste predmeta ove oznake bez predmeta ratnog zločina.



Na osnovu navedenih podataka vidljivo je da su u odnosu na navedene vrste predmeta iz prethodnog izvještajnog perioda prenesena 1364 predmeta, da su u toku izvještajnog perioda zaprimljena 873 predmeta, da je ukupno u radu 2237 predmeta, da je u toku izvještajnog perioda riješen 971 predmet, te da je na kraju izvještajnog perioda ostalo u radu 1266 predmeta. Tužilaštvo je nastavilo trend smanjenja broja neriješenih predmeta iz prethodnog perioda, tako da je u 2024. godini smanjen broj neriješenih predmeta za 98 ili oko 7,18% predmeta u odnosu na prethodnu godinu.

4.7. Rezultati rada po tužilačkim odsjecima Odjela II

Tužioci Posebnog odjela za organizirani kriminal, privredni kriminal i korupciju su, prema izmjenama i dopunama Pravilnika o unutrašnjoj organizaciji koje su objavljene u „Službenom glasniku Bosne i Hercegovine“, broj: 41/21 od 02.07.2021. godine raspoređeni u šest odsjeka i to: Odsjek za organizirani kriminal, Odsjek za korupciju, Odsjek za privredni kriminal, Odsjek za terorizam, Odsjek za krijumčarenje ljudi i trgovinu ljudima i Odsjek za međunarodnu pravnu pomoć i ostala krivična djela iz nadležnosti Tužilaštva Bosne i Hercegovine.

Kao što je navedeno, ostvarena kolektivna norma Odjela II za izvještajni period iznosi 129,11%. Po odsjecima, ostvarena kolektivna norma iznosi: Odsjek za organizirani kriminal **139,87%**, Odsjek za privredni kriminal **131,30%**, Odsjek za korupciju **136,02%**, Odsjek za terorizam **130,28%**, Odsjek za krijumčarenje ljudi i trgovinu ljudima **151,12%**, te Odsjek za međunarodnu pravnu pomoć i ostala krivična djela iz nadležnosti Tužilaštva Bosne i Hercegovine **88,46%**.

U daljem tekstu prikazani su rezultati rada Odsjeka za privredni kriminal, Odsjeka za terorizam, Odsjeka za krijumčarenje ljudi i trgovinu ljudima i Odsjeka za međunarodnu pravnu pomoć i ostala krivična djela iz nadležnosti Tužilaštva Bosne i Hercegovine. Rezultati u odnosu na Odsjek za korupciju i Odsjek za organizirani kriminal detaljno su obrazloženi u poglavlju 9. ovog izvještaja („Ostvareni rezultati rada na predmetima korupcije i organiziranog kriminala“).

4.7.1. Rezultati rada Odsjeka za krijumčarenje ljudi i trgovinu ljudima

Odsjek za krijumčarenje ljudi i trgovinu ljudima je 2024. godine ostvario normu **151,12%**.

Odsjek za borbu protiv trgovine ljudima i krijumčarenja ljudi nadležan je za istrage u predmetima Zasnivanje ropskog odnosa i prevoz lica u ropskom odnosu, Međunarodne trgovine ljudima, Organizirane međunarodne trgovine ljudima, Međunarodnog navođenja na prostituciju, Krijumčarenja ljudi, Organiziranja grupe ili udruženja za izvršenje krivičnog djela 'krijumčarenje migranata'.

Tužilaštvo BiH je isključivo nadležno za procesuiranje predmeta krivičnih djela Krijumčarenja ljudi kroz inkriminaciju člana 189. i 189a. KZ-a BiH. Prema Pravilniku o unutrašnjoj organizaciji POOK-a, Odsjek za krijumčarenje ljudi i borbu protiv trgovine ljudima čine ukupno četiri tužioca koja su prošla specijalističke obuke i treninge na polju trgovine ljudima i krijumčarenja ljudi. Odsjekom rukovodi šef odsjeka. Od 01.11.2024. godine odlukom glavnog tužioca, a zbog povećanog priliva predmeta, Odsjeku je signiran dodatni tužilac, te od 01.11.2024. godine Odsjek broji ukupno 5 tužilaca, tako da Odsjek sa 01.01.2025. godine čine 5 tužilaca i propratno stručno osoblje.



Tužioci iz Odsjeka su članovi i radnih grupa za izradu instrumentarija za zaštitu žrtava trgovine ljudima i učestvuju u aktivnostima vezanim za borbu protiv krijumčarenja ljudi. Prije svega, dva tužioca iz Odsjeka su članovi Udarne grupe za borbu protiv trgovine ljudima i organizirane ilegalne imigracije, a ujedno tužilac Odsjeka je član radne grupe za izradu Akcionog plana za implementaciju Strategije za suprotstavljanje trgovini ljudima 2024-2027.

Dva tužioca Odsjeka su uključena kao predstavnici u podgrupu EUROJUST-a za Zapadni Balkan za suzbijanje ilegalnih migracija i krijumčarenja migranata.

Predstavnik odsjeka, tužilac, je imenovan odlukom glavnog tužioca za kontakt tačku u odnosu na projekt EU4FAST koji se implementira od 2024. godine za zemlje Zapadnog Balkana u odnosu na borbu protiv krijumčarenja migranata.

Važna karika u borbi protiv krijumčarenja ljudi jeste i rad Udarne grupe za borbu protiv trgovine ljudima i organizirane ilegalne imigracije. Sastanci Udarne grupe za borbu protiv trgovine ljudima i organizirane ilegalne imigracije se redovno održavaju jednom mjesečno.

Udarne grupa održava redovno sastanke i kroz rad Udarne grupe doprinosi se razmjeni podataka, iskustava i potrebnih radnji i mjera kako bi se suzbila trgovina ljudima i ilegalne migracije. Udarne grupa je kreirala preporuke i preduzimala kontinuirane aktivnosti u borbi protiv trgovine ljudima tokom 2024. godine. Glavni tužilac je, na osnovu rada Udarne grupe nalagao policijskim agencijama da zajedno sa drugim institucijama vrše preventivne mjere i radnje u kampovima za migrante. Također, tužioci Odsjeka za brobu protiv krijumčarenja ljudi su postupali i koordinirali pretrese prihvatnih centara u Blažuju i Lipi, te su preduzimali radnje i aktivnosti usmjerene na lociranje grupe migranata kod kojih je pronađeno oružje u neposrednoj blizini granice sa Republikom Hrvatskom. Uspješnim preventivnim djelovanjem broj krivičnih djela koja su činile ove grupe je drastično smanjen, a prema operativnim podacima većina pripadnika je stavljena pod kontrolu i nadzor policijskih službenika i agencija, dok se jedan dio vratio na područje Republike Srbije.

Racije pretresa su provedene pod direktnim nadzorom i instrukcijama Udarne grupe i predsjedavajućeg Udarne grupe glavnog tužioca Tužilaštva BiH. Policijske agencije su u koordinaciji sa Službom za poslove sa strancima izvršile racije PPC Blažuj i Lipa te su tom prilikom pronađena lica koja se potražuju i predmeti koji potiču iz krivičnih djela. Preventivne radnje su bile usmjerene na suzbijanje nasilnih kriminalnih grupa iz Afganistana i Sirije koje su prešle iz Republike Srbije na teritoriju BiH. Uspješnim djelovanjem Udarne grupe, odsjeka i policijskih agencija ove grupe su stavljene pod kontrolu.

Tokom 2024. godine tužioci odsjeka su učestvovali u više projekata u odnosu na borbu protiv trgovine ljudima, uključujući prisustvo međunarodnim konferencijama, učešće na godišnjem sastanku udarnih grupa zemalja Zapadnog Balkana, na specijalizovanim radionicama u organizaciji UNODC-a, Vijeća Evrope, Ministarstva sigurnosti BiH, IOM-a, CEST-a FBiH i CEST-a RS.



Nadalje, tužioci su bili predstavnici i članovi komisije za izradu nacrtu Strategije za suprotstavljanje trgovini ljudima u BiH 2024-2027, kao i članovi komisije za izradu Akcionog plana za primjenu Strategije.

Dat je doprinos i na izradi Priručnika za krivično gonjenje korisnika usluga žrtava trgovine ljudima, kao i aktivan doprinos u pripremi OSCE projekta simulacije istrage u predmetu trgovine ljudima u vezi izrade scenarija slučaja, kao i aktivnosti na obilježavanju međunarodnog dana borbe protiv trgovine ljudima u projektu Ministarstva sigurnosti BiH i Emmaus-a.

Doprinos su tužioci Odsjeka dali i povodom izrade odgovora za izradu GRETA izvještaja, kao i dostavljanje relevantnih podataka o trgovini ljudima iz nadležnosti Tužilaštva predstavnicima US departmenta radi izrade novog TIP izvještaja. Nadalje, aktivno je uzeto učešće u provođenju projekta Vijeća Evrope Akcija protiv trgovine ljudima 2024. godine te je zabilježeno učešće tužioca na radionicama u okviru ovog projekta.

Tokom 2024. godine registrovano je nekoliko slučajeva radne eksploatacije stranih radnika te su tužioci, zajedno sa policijskim agencijama, postupali i vršili provjere zaprimljenih navoda.

Dodatno su registrovana dva slučaja potencijalnih žrtava trgovine ljudima, otmice djece u koje se uključilo Tužilaštvo BiH.

Iniciran je predmet Međunarodnog navođenja na prostituciju i pridruženi smo postojećem OTF Rapax gdje je nosilac aktivnosti MUP RS. Aktivnosti su se preduzimale u okviru međunarodnih akcija Global chain JAD i Liberterra II.

Na Udarnoj grupi je delegirana problematika slučajeva radne eksploatacije stranih radnika te je u koordinaciji sa Službom za poslove sa strancima inicirano više aktivnosti usmjerenih na vršenje vanrednih kontrola boravišnih dozvola za strane radnike, uz saradnju sa nadležnim inspektoratima rada.

Početkom 2024. podignuta je optužnica i potvrđena protiv dva lica zbog trgovine ljudima radne eksploatacije strane državljanke. Glavni pretres je u toku, žrtva je dala izjavu pred sudom, dodijeljen je punomoćnik, istaknut imovinskopravni zahtjev.

Isto tako, 2024. godine zaprimljena je osuđujuća presuda za trgovinu ljudima i krijumčarenje ljudi dva osuđena lica, seksualno iskorištavanje maloljetnika, kazne zatvora 10 i 11 godina, potvrđena od strane Apelacionog odjeljenja Suda BiH. Radi se o predmetu međunarodne trgovine ljudima i krijumčarenja ljudi Amanullah Ishakil i dr.

Otvorena istraga u predmetu protiv više lica za organizirani kriminal u vezi sa trgovinom ljudima, navođenjem na prostituciju, pranjem novca, saradnja sa Njemačkom.

Nadalje, formiran predmet i otvorena istraga trgovina ljudima radna eksploatacija strani radnici, četiri žrtve saslušane u Ambasadi BiH u Beogradu.



2024. godine održan sastanak sa Vrhovnim državnim tužilaštvom Crne Gore, te je postignut dogovor da se formira predmet sa Crnom Gorom vezano za zajedničku istragu u predmetu trgovine ljudima radne eksploatacije, strani državljani, tri lica na teritoriji BiH saizvršio.

Formiran je predmet provjera navoda za trgovinu ljudima, otac prijavio da majka iskorištava dijete. Provjere u toku.

Predmet sa Njemačkom - dijete potencijalna žrtva trgovine ljudima, otmica djeteta, dijete vraćeno u Njemačku majci nakon što je bilo smješteno u sigurnu kuću i dodijeljen staratelj ispred centra i punomoćnik. Predmet ustupljen na gonjenje Njemačkoj.

Dodatno, krajem godine formiran je spis povodom skoro identičnog slučaja - djeca su smještena u sigurnu kuću, dodijeljen staratelj i u toku je postupak vraćanja djece zakonskom staratelju.

2024. godine, uz odobrenje i saglasnost glavnog tužioca, data i pružena direktna asistencija Odjela za podršku svjedocima i žrtvama Tužilaštva MUP-a BPK u radu sa žrtvom trgovine ljudima, seksualna eksploatacija.

U Odsjeku se u radu u statusu otvorenih predmeta nalaze: 2 KT predmeta međunarodna trgovina ljudima; 2 KTO predmeta međunarodna trgovina ljudima; 1 KT predmet međunarodno navođenje na prostituciju.

U odnosu na vrstu iskorištavanja radi se o radnoj eksploataciji, prisilnom ranom braku, prisilnom prosjačenju.

Tokom 2024. godine tužioci Odsjeka su preduzimali istražne radnje u više predmeta krijumčarenja ljudi, koji su rezultirali optuženjima. Zabilježeno je povećanje broja optužnica u odnosu na 2023. godinu i to sa 32 optužnice u 2023. na 53 optužnice u 2024. godini.

Nadalje, kroz rad na predmetima ostvarivana je saradnja sa kontakt tačkom EUROPOL-a, sa SELEC-om, INTERPOL-om i EUROJUST-om u više predmeta.

U odnosu na statističke pokazatelje prema izvodu iz TCMS sistema evidentirano je sljedeće:

Tokom izvještajnog perioda zaprimljen ukupno 241 predmet za krivično djelo Krijumčarenje ljudi iz člana 189. KZ-a BiH i krivično djelo Organiziranje grupe ili udruženja za izvršenje krivičnog djela 'krijumčarenje migranata' iz člana 189a., podignute ukupno 53 optužnice.

Ukupno riješeno predmeta iz nadležnosti Odsjeka za krijumčarenje i borbu protiv trgovine ljudima 196 predmeta u izvještajnom periodu (svi načini završetka uključeni 53 optužnice, 68 nesprovođenja, 4 obustave, riješeno na drugi način 71).



U izvještajnom periodu podignuta optužnica za međunarodnu trgovinu ljudima u predmetu radne eksploatacije protiv dva optužena.

Za krivično djelo Međunarodna trgovina ljudima zaprimljena osuđujuća presuda protiv dva lica koja je potvrđena od strane Apelacionog vijeća Suda BiH kojom su optuženi osuđeni na kazne zatvora u trajanju od 10, odnosno 11 godina.

Tokom izvještajnog perioda primijećen značajan priliv predmeta, a posebno su obuhvaćeni predmeti sa prijavama gdje su počinioci državljani Republike Turske koji krijumčare državljane Republike Turske. Izvještajni period je obuhvatio i događaje u vezi nasilnih kriminalnih grupa iz Afganistana, gdje su zaprimljeni predmeti i izvještaji te su provođene preventivne akcije na suzbijanju istih.

Vršeći analizu predmeta krijumčarenja ljudi i organiziranog krijumčarenja migranata najveći broj predmeta na Odsjeku se odnosi na krijumčarenje turskih državljana. Ovo je postao značajan problem koji se reflektuje na Odsjek, s obzirom da je tokom 2024. godine došlo do značajnog intenziviranja broja predmeta krijumčarenja turskih državljana.

Posebno je problematično voditi istrage i dokazivati namjeru za krijumčarenje s obzirom da se turski državljani predstavljaju kao turisti, pa samim tim *de facto* prevoz ovih „turista“ nije krivično djelo, već samo lišavanje slobode na granici može biti procesuirano.

Problematika krijumčarenja turskih državljana je razmatrana i na sastancima Udarne grupe i jasno je identifikovano rješenje problema, a to bi bilo usklađivanje viznog režima sa EU.

Poredeći rezultate Odsjeka u odnosu na prošlu godinu zabilježen je rast broja optužnica i broja riješenih predmeta. Priliv predmeta je blago povećan u odnosu na prethodnu izvještajnu godinu.

Tokom 2024. godine provođeno je više akcija usmjerenih na organizirano krijumčarenje migranata. Početkom godine provedena je OA ŠTEK zajedno sa MUP-om RS i Graničnom policijom BiH. Ističemo i akcije OA ZAPAD, OA RAV, OA BJEGUNAC, OA BARON, OA KRAJINA, OA ALGOL, OA RENTA, OA PIRAMIDA usmjerene protiv organiziranih grupa za krijumčarenje migranata koje su izvršene tokom 2024. pod nadzorom Tužilaštva BiH.

Od važnijih predmeta izdvajamo predmete Sadat Afghan i dr., Basir Wazir i dr., Kamran Zakhil, Mohamed Karim Baban i dr.

Nadalje, izdvajamo na polju međunarodne saradnje zaključen i potpisan Sporazum o zajedničkom istražnom timu (JIT) u predmetu OA EUFRAT gdje je bila provedena koordinirana zajednička akcija od strane EUROJUST-a i zemalja potpisnica među kojima su BiH, Srbija, Njemačka i Poljska, usmjerena na razbijanje organizirane međunarodne grupe za krijumčarenje migranata.

Tokom 2024. godine sačinjen je nacrt i predat Sporazum o zajedničkom istražnom timu (JIT) EUROJUST na pregled sa Njemačkom u predmetu OA TIGRIS.

U ovom izvještajnom periodu odazvali smo se pozivu i primili smo predstavnike Ambasade SAD-a i obavili razgovore s ciljem pripreme izrade novog TIP izvještaja.



Izdvajamo više učešća na radionicama i međunarodnim konferencijama usmjerenim na ilegalne migracije, Beograd, EUROJUST Hag, Budva, Podgorica.

U izvještajnom periodu smo prihvatili učešće u zajedničkoj operaciji EUROPOL-a i FRONTEX-a JAD Global Chain, a glavni tužilac je odredio da ovom akcijom ispred Tužilaštva rukovodi tužilac iz Odsjeka za krijumčarenje ljudi i trgovinu ljudima. Akcija je usmjerena na aktivnosti protiv trgovine ljudima, navođenja na prostituciju, krijumčarenja lica te su u navedenoj akciji učestvovalе policijske agencije SIPA, Granična policija, Služba za poslove sa strancima, MUP RS i FUP. Također, uzeto je aktivno učešće u zajedničkoj operaciji INTERPOL-a Liberterra II.

Na kraju, dat je doprinos evaluaciji grupe eksperata MONEYVAL-a u odnosu na protivpravnu imovinsku korist i krijumčarenje migranata. Na tu temu ističemo predmet Mohamed Karim Baban i dr. gdje je identifikovano lice koje koristi havalu za plaćanje krijumčarenja ljudi i predmet je okončan osuđujućom presudom, te je oduzeta veća količina novca proistekla iz krivičnog djela.

4.7.2. Rezultati rada Odsjeka za privredni kriminal

U toku izvještajnog perioda Odsjek za privredni kriminal je ostvario godišnju normu od **131,30%**. Također, svi tužioci na Odsjeku za privredni kriminal u potpunosti su riješili stare predmete obuhvaćene Planom rješavanja starih predmeta za 2024. godinu.

Ukupan broj podignutih optužnica tužilaca raspoređenih na Odsjeku za privredni kriminal je 54 optužnice protiv 140 lica (od čega 131 fizičkih i 9 pravnih lica), pri čemu valja napomenuti da je podignuto više optužnica u predmetima organiziranog finansijskog kriminaliteta, što je i bio fokus rada Odsjeka za privredni kriminal u 2024. godini. Tako je u predmetu broj T20 0 KTO 0021983 22 podignuta optužnica protiv 11 lica u odnosu na 51 tačku, odnosno radnju izvršenja, zbog krivičnog djela organiziranog kriminala koji je uključivao koruptivne elemente. Također, u predmetu broj T20 0 KTOV 0016987 19 podignuta je optužnica zbog organiziranog oblika porezne utaje sa preko 60 tačaka, odnosno radnji izvršenja krivičnog djela, a također, u predmetu broj T20 0 KTO 0022200 22 optužnica zbog krivičnog djela organiziranog kriminala u vezi sa međunarodnim oblicima pranja novca, koja optužnica je rezultat velike međunarodne istrage rađene putem zajedničkog istražnog tima kojeg su činili tužioci, istražioci i saradnici iz Bosne i Hercegovine i Republike Slovenije. Nadalje, po optužnicama podignutim od strane tužilaca Odsjeka za privredni kriminal, tokom 2024. godine Tužilaštvo Bosne i Hercegovine predložilo je trajno oduzimanje protivpravno stečene imovinske koristi u ukupnom novčanom iznosu od oko 2.500.000,00 KM.

Kada je u pitanju rad Odsjeka za privredni kriminal, valja naglasiti da je riječ o Odsjeku u kojem egzistira najveći broj predmeta u odnosu na druge odsjeke Tužilaštva Bosne i Hercegovine, pa je tako, u izvještajnom periodu, u Odsjeku za privredni kriminal zaprimljeno preko 600 novih predmeta. Svaki tužilac Odsjeka u prosjeku duži preko 100 otvorenih predmeta, te su na kraju 2024. godine u Odsjeku za privredni kriminal bila ukupno 862 otvorena predmeta, dok je u naznačenom izvještajnom periodu riješeno 414 predmeta.



Za razliku od drugih odsjeka Tužilaštva Bosne i Hercegovine, skoro svaki predmet Odsjeka za privredni kriminal zahtijeva prikupljanje enormne količine poslovne, knjigovodstvene, bankarske dokumentacije, pri čemu svaki zahtijeva i provođenje odgovarajućih vještačenja po vještaku ekonomsko-finansijske struke, grafološke struke i slično, što samo po sebi iziskuje mnogo vremena potrebnog za okončanje predmeta, a u odnosu na koje vrijeme tužilaštvo često ne može direktno uticati. Nadalje, u toku prethodne godine Odsjek za privredni kriminal susretao se sa čestom fluktuacijom kadrova zbog odlaska pojedinih tužilaca u starosnu penziju, zbog imenovanja pojedinih tužilaca u druge pravosudne institucije i slično, što je svakako predstavljalo dodatne napore i izazove u radu Odsjeka, s obzirom na vrijeme potrebno za uvođenje novih ljudi u specifičnosti rada na predmetima Odsjeka za privredni kriminal.

4.7.3. Rezultati rada Odsjeka za terorizam

Odsjek za terorizam je tokom 2024. godine ostvario normu od **130,28%** tako što je okončao ukupno 47 predmeta koji se odnose na krivična djela Terorizma. Tužiocima su donošenjem tužilačkih odluka riješili 20 predmeta sa oznakom KTT, 22 predmeta sa oznakom KTAT i 5 predmeta sa oznakom KTNT.

Kao i ranijih godina, sa prestankom sukoba na području Sirije i Iraka i poraza tzv. države „ISIL“ primjetan je smanjen priliv spisa u Odsjeku terorizma. Još uvijek su aktivni predmeti „stranih boraca“ s obzirom da su u istim predmetima raspisane potjernice i u saradnji sa međunarodnim partnerima očekujemo deportaciju navedenih lica na teritoriju BiH, ali se ne može precizirati vremenski okvir same deportacije. U izvještajnom periodu su još uvijek bile na snazi potjernice za 32 lica, od čega je tokom 2024. godine jedno lice izručeno BiH, te je lišeno slobode, nakon čega mu je određena mjera pritvora koja je kasnije zamijenjena mjerama zabrane. Protiv ovog lica se još uvijek vodi istraga i tokom 2025. godine će biti donesena tužilačka odluka. U izvještajnom periodu su podignute optužnice protiv dva lica povratnika sa stranog ratišta, za koja su istrage vođene u ranijem periodu, te su protiv istih donesene pravosnažne osuđujuće presude.

Osim navedenih, tokom 2024. godine su bile aktuelne istrage u još sedam predmeta, od kojih u jednom zbog terorističkog akta na policijske službenike, jednom za krivično djelo iz člana 198. KZ-a BiH, u jednom za krivično djelo iz člana 162a. KZ-a BiH, u tri zbog prijetnji terorističkim aktima upućenih putem interneta i u jednom predmetu za planiranje terorističkog akta. U tri od navedenih predmeta su podignute optužnice tokom 2024. godine.

Primjetno je povećanje predmeta prijetnji terorističkim aktima upućenih putem interneta, odnosno društvenih mreža (terorizam i javno podsticanje na terorističke aktivnosti), te je u odnosu na ove predmete Kolegij Odsjeka za terorizam zauzeo stav da je u tim situacijama obavezno psihijatrijsko vještačenje počinitelaca. Također, Kolegij Odsjeka je donio zaključak da se u slučajevima zaključenja sporazuma u predmetima stranih terorističkih boraca predlaže kazna zatvora koja ne može biti manja od tri godine.



Bitno je naglasiti da su tužioci ovog Odsjeka, po Obaveznom uputstvu o sprovođenju finansijske istrage u predmetima terorizma i predmetima povezanim sa terorizmom, sprovođili finansijske istrage u svim predmetima terorizma.

Imajući u vidu da radikalizacija predstavlja problem na globalnom nivou, tužioci Odsjeka za terorizam aktivno saraduju sa pravosudno - policijskim i obavještajnim institucijama i imaju dobru saradnju sa partnerskim zemljama u borbi protiv terorizma. Borbi protiv terorizma u BiH značajno doprinosi i rad Udarne grupe za borbu protiv terorizma i jačanja sposobnosti za borbu protiv terorizma, kojom rukovodi glavni tužilac Tužilaštva BiH, a čiji su članovi rukovodioci sigurnosnih i policijskih i drugih agencija na državnom nivou. Udarne grupa je redovno održavala sastanke u izvještajnom periodu, te je ista podnijela više inicijativa i prijedloga, pa je tako upućena inicijativa Ministarstvu pravde BiH za donošenje zakona o zaštiti i postupanju sa djecom i maloljetnicima u krivičnom postupku na državnom nivou, zatim je upućena inicijativa entitetskim centrima za obuku sudija i tužilaca za nastavak edukacije tužilaca i policijskih službenika na svim nivoima iz oblasti borbe protiv terorizma, u koju je potrebno uključiti i tužioce i sudije za maloljetnike. Na posljednjem sastanku Udarne grupa je donijela zaključak da je potrebno razmotriti izradu protokola, odnosno smjernica postupanja nakon izvršenih terorističkih akata, kojima bi se definisala koordinacija aktivnosti svih nadležnih organa.

Udarne grupa je također donijela zaključak da je potrebno uložiti dodatne napore prilikom ocjene podnošenja prijedloga za donošenje odluke u pogledu sprovođenja ciljanih finansijskih sankcija, a u skladu sa Odlukom o načinu sprovođenja ciljanih finansijskih sankcija Vijeća sigurnosti UN-a povezanih sa finansiranjem terorizma i finansiranjem širenja oružja za masovno uništenje („Službeni glasnik BiH“, broj: 18/24).

Tužioci i stručno osoblje Odsjeka su, također tokom 2024. godine, učestvovali u radu i prisustvovali sastancima Balkanske regionalne udarne grupe za borbu protiv terorizma, na kojima su razmjenjivane pozitivne prakse iz procesuiranja predmeta terorizma i gdje je vršena razmjena dokaza i informacija o borcima sa stranih ratišta porijeklom sa Balkana.

Također, u saradnji sa međunarodnim partnerima tužioci i stručno osoblje Odsjeka za terorizam Tužilaštva BiH kontinuirano prisustvuju obukama koje se organizuju u i van BiH, a odnose se na procesuiranje svih oblika terorizma i finansiranja terorizma.

4.7.4. Rezultati rada Odsjeka za međunarodnu pravnu pomoć i ostala krivična djela iz nadležnosti Tužilaštva BiH

Odsjek za međunarodnu pravnu pomoć i ostala krivična djela iz nadležnosti Tužilaštva Bosne i Hercegovine ostvario je normu od **88,46%**. Tužioci Odsjeka za međunarodnu pravnu pomoć i ostala krivična djela iz nadležnosti Tužilaštva BiH postupaju po predmetima pružanja međunarodne pravne pomoći u krivičnim stvarima u skladu sa Zakonom o međunarodnoj pravnoj pomoći u krivičnim stvarima, bilateralnim i multilateralnim ugovorima Bosne i Hercegovine koji se odnose na sprovođenje postupka ekstradicije, preuzimanje krivičnog gonjenja od strane države, preuzimanje



izvršenja krivičnih sankcija izrečenih u drugim državama od strane Bosne i Hercegovine, pružanje pravne pomoći u smislu sprovođenja istražnih radnji (prikupljanja dokaza, saslušanja svjedoka i sl.), te su nadležni za otkrivanje i gonjenje počinitelaca krivičnih djela iz Glave XV Krivičnog zakona Bosne i Hercegovine (u daljem tekstu: KZ BiH) (krivična djela protiv slobode i prava čovjeka i građanina), svih krivičnih djela iz Glave XX Krivičnog zakona BiH (krivična djela protiv pravosuđa), izuzev krivičnog djela Kršenje zakona od strane sudije iz člana 238. KZ-a BiH, svih krivičnih djela iz Glave XXI Krivičnog zakona BiH (krivična djela protiv autorskih prava), svih krivičnih djela iz Glave XXI A (krivična djela protiv Oružanih snaga BiH), krivično djelo Neizvršavanje naredbi i presuda Međunarodnog krivičnog suda iz člana 203. KZ-a BiH, kao i krivično djelo Neizvršavanje odluka visokog predstavnika iz člana 203a. KZ-a BiH i drugih krivičnih djela propisanih zakonima Bosne i Hercegovine.

Tužioci Odsjeka za međunarodnu pravnu pomoć i ostala krivična djela iz nadležnosti Tužilaštva BiH postupaju po krivičnim djelima protiv slobode i prava čovjeka i građanina koja se odnose na krivično djelo Izborna prevara iz člana 154. KZ-a BiH i ostalim krivičnim djelima koja se odnose na izbore propisana odredbama člana 150. do člana 155. KZ-a BiH, dok tužioci Odsjeka za korupciju postupaju po krivičnom djelu Podmićivanje na izborima i u službi koja se finansira iz javnih sredstava iz člana 219b. KZ-a BiH, koje je propisano Odlukom visokog predstavnika kroz dopunu Krivičnog zakona BiH. Tužioci odsjeka su tokom 2024. godine, u skladu sa zaključcima VSTV-a BiH i uputstvom glavnog tužioca Tužilaštva BiH, prioritarno postupali po većem broju prijave dostavljenih od strane CIK-a, političkih stranaka, fizičkih lica i dr. koje se odnose na nezakonitosti u vezi provođenja lokalnih izbora, a u vezi sa krivičnim djelima propisanim KZ-om FBiH, KZ-om RS-a, KZ-om Brčko distrikta, koje prijave su odmah ustupane stvarno i mjesno nadležnim tužilaštvima u Federaciji Bosne i Hercegovine, Republici Srpskoj i Brčko distriktu Bosne i Hercegovine.

Izazivanje nacionalne, rasne i vjerske mržnje, razdora i netrpeljivosti - važno je dati poseban osvrt na aktivnosti Tužilaštva Bosne i Hercegovine koje se preduzimaju u cilju procesuiranja krivičnih djela iz člana 145a. KZ-a BiH (Izazivanje nacionalne, rasne i vjerske mržnje, razdora i netrpeljivosti, dopuna KZ-a BiH od 22.07.2021. godine), te izazovima sa kojima se tužioci suočavaju. Naime, visoki predstavnik za Bosnu i Hercegovinu dana 22.07.2021. godine donio je Dopunu Krivičnog zakona Bosne i Hercegovine kojom se, između ostalog, u određenim okolnostima kriminalizuju odobravanje, poricanje, grubo umanjivanje ili pokušaj opravdavanja zločina genocida, zločina protiv čovječnosti ili ratnih zločina utvrđenih pravosnažnom presudom u skladu s Poveljom Međunarodnog vojnog suda pridruženom uz Londonski sporazum od 8. augusta 1945. ili Međunarodnog krivičnog suda za bivšu Jugoslaviju ili Međunarodnog krivičnog suda ili suda u Bosni i Hercegovini. Poseban problem u radu tužilaca predstavlja činjenica da se Tužilaštvu ne dostavljaju izvještaji nadležnih agencija o izvršenom krivičnom djelu i počinocima vezano za krivična djela iz člana 145a. stav 1. (Izazivanje nacionalne, rasne i vjerske mržnje, razdora i netrpeljivosti) i člana 145a. stav 3. (negiranje genocida). Tužilaštvo je u protekloj godini zaprimilo veći broj prijave putem e-maila, posebno u vezi krivičnih djela iz člana 145a. stav 1. i 3. KZ-a BiH, koje se uglavnom odnose na objave putem Facebook-a i komentare na te objave, a sam način provjera i dokazivanja je dugotrajan iz razloga upućivanja zamolnica za pružanje međunarodne pravne pomoći Facebook kompaniji sa sjedištem u USA, što u značajnoj mjeri povećava obim poslova i zadataka ovog odsjeka. U toku



2024. godine Tužilaštvu Bosne i Hercegovine od strane policijskih agencija nije dostavljen niti jedan izvještaj o počinjenom navedenom krivičnom djelu kao inicijalni akt. Također, rad na predmetima koji se odnose na krivično djelo Izazivanje nacionalne, rasne i vjerske mržnje, razdora i netrpeljivosti iz člana 145a. stav 1. KZ-a BiH otežava i način dokazivanja s obzirom da je Sud BiH donio oslobađajuću prvostepenu i drugostepenu presudu u predmetu protiv optuženog Fatmira Alispahića. U drugostepenoj presudi Sud BiH je, između ostalog, obrazložio da se prilikom identifikovanja spornog govora mržnje u 14 objavljenih članaka morao rukovoditi sa dvije zaštićene kategorije u odnosu na vjeru i naciju. Navedenom zakonskom odredbom kriminalizovano je izazivanje i raspirivanje samo tri oblika mržnje: nacionalne, rasne ili vjerske. Drugostepeni sud je utvrdio da je prvostepeni sud pravilno vodio računa da ne dođe do kršenja slobode izražavanja iz člana 10. stav 1. Evropske konvencije o ljudskim pravima, te da govor mržnje ne mora biti nužno krivično djelo kada se ostvaruje građansko-pravna zaštita. Kako se u optužnici govorilo o migrantima, sud zaključuje da migranti nisu predmet krivično-pravne zaštite na državnom nivou kada je u pitanju govor mržnje. U konačnici, sud zaključuje da nije dokazano da su radnje učinjenja optuženog bile pogodne da izazovu ili raspire nacionalnu, rasnu ili vjersku mržnju. Kako je prethodno pojašnjeno, s obzirom da je u cilju dokazivanja postojanja krivičnog djela nužno prikupiti dokaze ne samo na okolnost čina negiranja zločina utvrđenih pravosnažnim presudama, već i na okolnost da se opisanim negiranjem može podstaknuti na nasilje ili mržnju prema određenoj grupi, tužioci se nalaze u praktično bezizlaznoj situaciji ako se radi o anonimnim krivičnim prijavama ili ako podnosioci prijave nisu spremni saradivati (što je prilično čest slučaj, naročito kod prijave pristiglih putem mail-a, od strane lica koja se nalaze van teritorije Bosne i Hercegovine).

Nadalje, zbog stvaranja predstave o pasivnom držanju Tužilaštva te javne polemike u kontekstu sudske prakse Evropskog suda za ljudska prava u Strazburu, a koji je podržao kažnjivost negiranja Holokausta, važno je istaći da je sud u predmetima Witzch protiv Njemačke, Schimanek protiv Austrije i Garaudu protiv Francuske zauzeo stav da se u slučaju negiranja Holokausta radi o zloupotrebi prava na slobodu izražavanja iz člana 10. te da takvo ponašanje po članu 17. Konvencije ne uživa zaštitu u skladu sa mehanizmima i organičenjima propisanim u članu 10. stav 2. Konvencije. Međutim, za razliku od prethodnih slučajeva gdje je režim krivičnog progona lica koja negiraju npr. Holokaust prilično pojednostavljen, član 145a. KZ-a BiH je u svom tekstu inkorporirao konvencijske garancije i time Tužilaštvu BiH u velikoj mjeri otežava procesuiranje, a što je ujedno bio razlog zbog kojeg je tek 2022. godine donesena prva pravosnažna osuđujuća presuda zbog krivičnog djela Izazivanje nacionalne, rasne i vjerske mržnje, razdora i netrpeljivosti iz člana 145a. KZ-a BiH (Sladojević i dr.). Obrazloženje dato u prvostepenoj, drugostepenoj i trećestepenoj presudi će sasvim sigurno u narednom periodu biti od koristi prilikom rada na predmetima koji se odnose na pomenuto krivično djelo.

Koristeći stečena znanja i sudsku praksu tužioci iz ovog Odsjeka su u toku 2024. godine podigli pet optužnica vezano za član 145a. KZ-a BiH, koje optužnice su potvrđene od strane Suda BiH, koji predmeti su u fazi suđenja pred tim Sudom, dok je u jednom predmetu presudom Suda BiH iz 2024. godine optuženo lice oglašeno krivim zbog počinjenja krivičnog djela Izazivanje nacionalne, rasne i vjerske mržnje, razdora i netrpeljivosti iz člana 145a. stav 1. KZ-a BiH izvršenog putem objava na društvenoj mreži „META-Facebook“ i izrečena mu je uslovna osuda, na koju prvostepenu presudu



Suda BiH je izjavljena žalba od strane Tužilaštva BiH zbog vrste i visine izrečene kazne. Također, u toku 2024. godine podignuta je jedna optužnica zbog krivičnog djela iz člana 145a. stav 3. KZ-a BiH (negiranje genocida) i člana 145a. stav 6. istog Zakona (veličanje lica pravosnažno presuđenih zbog počinjenog ratnog zločina), dvije optužnice zbog počinjenja krivičnog djela iz člana 145a. stav 6. KZ-a BiH i optužnica zbog krivičnog djela iz člana 145a. stav 2. KZ-a BiH u vezi sa članom 54. istog Zakona.

Za postupanje tužilaca iz ovog Odsjeka vezano za procesuiranje počilaca krivičnih djela iz člana 145a. KZ-a BiH stavovi od 1-7. od značaja je bila i posjeta i stručna razmjena mišljenja i stavova sa tužiocima i sudijama iz Njemačke koji su u toku 2024. godine boravili u Sarajevu, a što je organizirano od strane OHR-a.

S obzirom da tužioci ovog odsjeka postupaju u predmetima vezanim za krivično djelo Neizvršenje odluke Ustavnog suda Bosne i Hercegovine, Suda Bosne i Hercegovine, Doma za ljudska prava ili Evropskog suda za ljudska prava iz člana 239. KZ-a BiH, važno se fokusirati na odluke Ustavnog suda BiH te proceduru podnošenja prijave, kao i njihovog rješavanja. Naime, nesporno je da svaki građanin u skladu sa članom 214. stav 1. ZKP-a BiH ima pravo podnijeti krivičnu prijavu, međutim, sa aspekta sprovođenja istrage koja ima potencijal da dovede do podizanja optužnice, ključno je utvrđenje da određena presuda nije izvršena. U opisanim uslovima, Tužilaštvo BiH je imalo u vidu da je sam Ustavni sud BiH uredio postupak nadzora nad izvršenjem svojih odluka, odnosno da su u članu 72. stav 6. Pravila predviđeni koraci koji se preduzimaju kada Ustavni sud utvrdi nepostupanje, odnosno kašnjenje u izvršavanju ili obavještanju Ustavnog suda o preduzetim mjerama. U navedenim uslovima donosi se formalno rješenje o neizvršenju koje se dostavlja nadležnom tužiocu. Dakle, svako postupanje koje se ne zasniva na rješenju o neizvršenju donesenom od strane Ustavnog suda BiH, otvara mogućnost licu protiv kojeg se provode istražne radnje da osnovano istakne prigovor u pravcu nedostatka dokaza o postojanju odlučne činjenice. Nadalje, vezano za samu strukturu aktivnih predmeta, treba istaći da se u Tužilaštvu BiH trenutno nalazi desetak otvorenih predmeta koji su inicirani rješenjem o neizvršenju Ustavnog Suda BiH. Većinom se radi o tzv. „U“ predmetima, tj. o predmetima u kojima je vršena ocjena ustavnosti zakona, što za posljedicu ima da je obaveza postupanja nametnuta zakonodavnim tijelima države ili entiteta, odnosno poslanicima/delegatima koji za svoje postupanje ili nepostupanje u zakonodavnom tijelu uživaju imunitet, kao i da je riječ o tzv. organima kolektivnog odlučivanja. Nadalje, treba dodati i da je sam Ustavni sud BiH u pregledu rada Ustavnog suda Bosne i Hercegovine od 01.01.2010. do 31.12.2021. godine, a vezano za „U“ predmete, istakao da je ukupno devet neizvršenih odluka, od čega Parlamentarna skupština BiH nije izvršila četiri odluke, Parlament Federacije BiH tri, te Narodna skupština Republike Srpske jednu odluku, kao i da je u jednom slučaju evidentirano formalno izvršenje odluke, ali ne i suštinski (U-2/18, odnosi se na 9. januar). Odlukom visokog predstavnika u BiH od 01.07.2023. godine donosi se Zakon o izmjenama i dopunama Krivičnog zakona Bosne i Hercegovine gdje se vrši izmjena člana 239. KZ-a BiH na način da se djelo može počiniti kada službeno lice u instituciji BiH, Federaciji BiH, Republici Srpskoj ili u kantonu, gradu, općini ili lokalnoj zajednici ili bilo kojem organu lokalne uprave i samouprave ili odgovorno lice ne primijeni, ne provede, ne izvrši ili na drugi način ne poštuje konačnu i obavezujuću odluku Ustavnog suda BiH, uključujući i odluku o privremenoj mjeri, na koji način se vrši konkretizacija i proširenje institucija u entitetima i Brčko distriktu BiH vezano za službena lica koja mogu počiniti krivično djelo, te



povećava broj radnji sa kojima se djelo može počiniti, s tim da to ne mora biti konačna i izvorna odluka Ustavnog suda BiH, nego je taj pojam kojim se obuhvata inkriminacija širi.

Rad tužilaca po predmetima iz nadležnosti ovog Odsjeka nije adekvatno vrednovan utvrđenim orijentacionim mjerilima VSTV-a BiH, što su tužioci konstantno isticali na kolegijima Odsjeka i Odjela POOK-a, te su se obraćali VSTV-u i menadžmentu ovog Tužilaštva, međutim ovaj problem nije riješen ni u 2024. godini. Tako u predmetu CMS 21770 u kojem je podignuta optužnica protiv jednog lica, te donesena naredba o obustavi istrage u kojoj se analiziralo oko 90 zasebnih činjeničnih navoda, te dio spisa predmeta ustupljen nadležnom tužilaštvu, tužilac je ostvario oko 2 boda po orijentacionim mjerilima. Iz ovih razloga Tužilaštvo BiH će se ponovo obratiti VSTV-u i Stalnoj komisiji za efikasnost tužilaštava kako bi se normiranje ovog Odsjeka uskladilo sa objektivnim opterećenjem rada, imajući u vidu i potrebu efikasnijeg postupanja u KTMPOM i KTPOM predmetima, što će doprinijeti poboljšanju ugleda BiH kako na regionalnom, tako i na međunarodnom planu.


5. OSTVARENI REZULTATI RADA NA PREDMETIMA KORUPCIJE I ORGANIZIRANOG KRIMINALA

U toku izvještajnog perioda Posebni odjel za organizirani kriminal, privredni kriminal i korupciju podigao je 31 optužnicu za krivična djela iz oblasti organiziranog kriminala i 8 optužnica za krivična djela korupcije. U istom periodu 2023. godine podignuto je 19 optužnica za krivična djela iz oblasti organiziranog kriminala i 11 optužnica za krivična djela korupcije.

- *Tabelarni pregled podignutih optužnica u predmetima korupcije i organiziranog kriminala*

Vrsta predmeta	2022	2023	2024
KTK/KTKV	14	11	8
KTO/KTOV	16	19	31
UKUPNO	30	30	39

- *Grafički prikaz podignutih optužnica u predmetima korupcije i organiziranog kriminala*



Grafikon 17.

Na osnovu navedenih statističkih podataka može se izvesti zaključak da je prisutan trend porasta broja podignutih optužnica iz oblasti organiziranog kriminaliteta i korupcije. Dakle, tokom 2024. godine došlo do povećanja broja podignutih optužnica u predmetima organiziranog kriminala i korupcije za 9 ili za oko 30,00% u odnosu na prethodnu godinu.

5.1. Rad na predmetima korupcije

Odsjek za korupciju je ostvario normu od **136,02%**, što ukazuje da je Odsjek ispunio rezultate u pogledu ostvarivanja norme.

5.1.1. Rezultati rada u odnosu na predmete korupcije u pogledu prijava, istraga i optužnica¹³

Odjel II je u 2024. godini u odnosu na predmete korupcije na početku izvještajnog perioda u radu imao 218 prijava protiv 648 lica koje su prenesene iz prethodnog perioda, tokom izvještajnog perioda zaprimljene su 173 prijave protiv 434 lica, tako da je ukupno u radu bila 391 prijava protiv 1082 lica. Tokom izvještajnog perioda tužioci Odjela II su riješili 147 prijava protiv 399 lica, odnosno donesena je 81 naredba o nesprovođenju istrage protiv 230 lica, pokrenuto 13 istraga protiv 26 lica, te su na drugi način riješene 53 prijave protiv 143 lica. Na kraju izvještajnog perioda iz oblasti korupcije ostale su neriješene 244 prijave protiv 683 lica.

Odjel II je u 2023. godini u odnosu na predmete korupcije imao ukupno 22 istrage u odnosu na 48 lica. Ukupan broj neriješenih istraga iz ranijeg perioda je 9 protiv 22 lica, dok je u 2024. godini naređeno 13 istraga protiv 26 lica. U izvještajnom periodu riješeno je 12 istraga protiv 16 lica na način da su donesene 3 naredbe o obustavi istrage protiv 6 lica, podignuto 8 optužnica protiv 9 lica, te je na drugi način riješen 1 predmet u odnosu na 1 lice. Također, potvrđeno je 10 optužnica za 15 lica. Na kraju izvještajnog perioda ostalo je neriješeno 10 istraga u odnosu na 32 lica.

U izvještajnom periodu Tužilaštvo Bosne i Hercegovine je podiglo 8 optužnica protiv 9 lica za korupciju, odnosno došlo je do smanjenja broja optužnica za 3 optužnice i 6 lica.

➤ *Tabelarni prikaz ukupnog broja zaprimljenih prijava iz oblasti korupcije*

¹³ U navedenom poglavlju obrađeni su zbirni rezultati za KTO i KTKV predmete.



Godina	Prenesene iz prethodnog perioda	Zaprimljene u izvještajnom periodu	Ukupno u radu	Riješeno	Ostalo neriješeno
2021	75	100	175	69	106
2022	106	150	256	77	179
2023	179	169	348	128	220 ¹⁴
2024	218	173	391	147	244


Iz navedenog tabelarnog prikaza vidljivo je da je tokom 2023. i 2024. godine prisutan trend povećanja broja zaprimljenih prijava koje se odnose na koruptivna krivična djela.

➤ Tabelarni i grafički prikaz strukture podnesenih prijava

Institucija inicijalnog akta	Izveštaj o izvršenom KD	Izveštaj o izvršenom KD za visoku korupciju	Izveštaj o preduzetim mjerama i radnjama	Krivične prijave	Infor.	Dost. na nadležno postupanje	DNA	Ukupno
Državna agencija za istrage i zaštitu	2	0	4	2	2	0	0	10
Granična policija	3	0	5	0	1	0	0	9
UIO	0	0	0	0	0	0	0	0
Tužilaštvo BiH	0	0	0	0	0	0	11	11
Tužil. FBiH i RS	0	0	0	0	0	13	0	13
MUP FBiH	0	0	0	0	0	0	0	0
MUP RS	0	0	0	0	0	0	0	0
Fizička i pravna lica	0	0	0	78	3	1	0	82
Anonimne prijave	0	0	0	44	0	0	0	44
Ag. za prev. korupcije	0	0	0	4	0	0	0	4
Ostalo	0	0	0	0	0	0	0	0
UKUPNO	5	0	9	128	6	14	11	173

➤ Grafički prikaz strukture inicijalnih „KT“ akata koruptivnih krivičnih djela prema podnosiocu prijave

¹⁴ Podaci usklađeni sa manuelnim evidencijama SIPO sistemom i TCMS-om.




Grafikon 18.

Tokom 2024. godine, od ukupnog broja zaprimljenih prijava, 44 prijave ili oko 25,43%, čine anonimne prijave koje su veoma često neprecizne, neodređene i sadrže podatke i informacije koje ne sadrže elemente krivičnog djela. Nadalje, analizirajući strukturu zaprimljenih prijava evidentno je da 82 prijave ili 47,39% čine prijave fizičkih i pravnih lica, koje također veoma često ne sadrže podatke i informacije koje bi mogle rezultirati pokretanjem istraga. Dakle, od ukupnog broja prijava koje se odnose na korupciju samo je 47 ili oko 27,16% prijava koje čine kvalitetan osnov za dalji rad tužilaštva. Također, analizirajući strukturu riješenosti prijava, evidentno je da je visok procenat prijava riješenih na drugi način, što je posljedica zaprimanja većeg broja prijava koje se odnose na korupciju za čije postupanje nije nadležno Tužilaštvo Bosne i Hercegovine, tako da se predmetne prijave blagovremeno prosljeđuju na postupanje nadležnim tužilaštvima.

Također, napominjemo da se prijave koje su dostavljene putem Agencije za prevenciju korupcije i koordinaciju borbe protiv korupcije u najvećem broju slučajeva odnose na anonimne krivične prijave koje su prosljeđene putem Agencije, a koje su prethodno zaprimljene od strane Državne agencije za istrage i zaštitu ili Tužilaštva.

➤ *Grafički prikaz strukture inicijalnih „KT“ akata koruptivnih krivičnih djela*



Grafikon 19.



Evidentno je da je od 173 podnesena inicijalna akta koji se odnose na korupciju veoma mali broj izvještaja o izvršenom krivičnom djelu podnesen od strane policijskih agencija, odnosno da je u 2024. godini podneseno 5 ili oko 2,89% izvještaja o izvršenom krivičnom djelu u odnosu na ukupan broj inicijalnih dokumenata. Također, bitno je naglasiti da u pogledu visoke korupcije nije podnesen niti jedan izvještaj o izvršenom krivičnom djelu i da su predmeti koji se odnose na visoku korupciju u 2024. godini inicirani istražnim aktivnostima Tužilaštva BiH.

U izvještajnom periodu podneseno je 5 izvještaja o počinjenim koruptivnim krivičnim djelima i to 2 izvještaja o izvršenom krivičnom djelu od strane Državne agencije za istrage i zaštitu BiH i 3 izvještaja o izvršenom krivičnom djelu od strane Granične policije BiH.

5.1.2. Rezultati rada u odnosu na predmete visoke korupcije

U odnosu na rezultate rada na predmetima visoke korupcije, Odjel II je u 2024. godini u rad zaprimio 13 prijava protiv 37 lica, dok je iz ranijeg izvještajnog perioda u radu ovog Odjela bilo 18 prijava protiv 52 lica. Ukupno u radu su imali 31 predmet protiv 89 lica. Tokom izvještajnog perioda tužioci Odjela II su riješili 13 prijava protiv 40 lica i to je doneseno 9 naredbi o nesprovođenju istrage protiv 31 lica, pokrenuta istraga u 4 predmeta za 8 lica, pored toga 1 lice je riješeno na drugi način. Na kraju izvještajnog perioda ostalo je neriješeno 18 prijava protiv 49 lica.

Također, u odnosu na rezultate rada na predmetima visoke korupcije, Odjel II je u 2024. godini imao ukupno 8 istraga u odnosu na 22 lica. Ukupan broj neriješenih istraga iz ranijeg perioda je 4 protiv 14 lica, dok su u 2024. godini naređene 4 istrage protiv 8 lica. U izvještajnom periodu riješene su 3 istrage protiv 6 lica, odnosno donesena je 1 naredba o obustavi istrage protiv 3 lica, podignute su 2 optužnice protiv 2 lica i jedno lice je riješeno na drugi način. Potvrđene su 4 optužnice za 8 lica. Na kraju izvještajnog perioda ostalo je neriješeno 5 istraga u odnosu na 16 lica.

Od ukupnog broja podignutih optužnica za koruptivna krivična djela Tužilaštvo Bosne i Hercegovine je podiglo 2 optužnice protiv 2 lica za visoku korupciju.

U cilju jačanja transparentnosti rada na web stranici Tužilaštva BiH dostupne su u anonimiziranom obliku sve potvrđene optužnice podignute u toku 2024. godine.

5.1.3. Prvostepene i drugostepene presude u odnosu na koruptivna krivična djela

Po optužnicama Odjela II u odnosu na koruptivna krivična djela u toku izvještajnog perioda doneseno je 11 prvostepenih presuda protiv 19 lica, od toga 5 osuđujućih presuda protiv 8 lica, 5 oslobađajućih presuda u odnosu na 10 lica i 1 odbijajuća presuda u odnosu na 1 lice. Na presude je uloženo 8 žalbi u odnosu na 13 lica, od kojih su 4 žalbe u odnosu na 9 lica odbijene, dok je uvažena 1 žalba protiv 1 lica.

Također, u izvještajnom periodu doneseno je 8 pravosnažnih presuda protiv 16 lica, 6 osuđujućih presuda protiv 9 lica i 2 oslobađajuće protiv 7 lica.

Pored navedenog broja, u odnosu na predmete visoke korupcije izrečene su 3 prvostepene presude za 4 lica, od kojih su 2 osuđujuće protiv 3 lica i 1 oslobađajuća presuda protiv 1 lica. Uložene su 2 žalbe protiv 2 lica, od kojih je uvažena 1 žalba u odnosu na 1 lice, dok je 1 žalba u odnosu na 1 lice odbijena. Ukupno su donesene 2 pravosnažne presude protiv 3 lica koje se odnose na visoku korupciju.



Pored navedenog, ono što je primjetno u odnosu na raniji period izvještavanja je postojanje i izvjesnog broja oslobađajućih presuda, što svakako opet ukazuje na samu problematiku i otežanost u dokazivanju krivičnih djela ove prirode.

Naime, općepoznato je da se koruptivna krivična djela po svojoj prirodi teško otkrivaju, a još teže dokazuju i procesuiraju, te se u načelu može tvrditi da uglavnom „lakši“ slučajevi korupcije dobiju sudski epilog gdje je sredstvo izvršenja najčešće novac i u kojima su krivičnopravne radnje zadokumentovane primjenom posebnih istražnih radnji.

Međutim, ono što je simptomatično, a i kroz period izvještavanja primjetno je da su standardi suda za dokazivanje koruptivnih krivičnih djela znatno pooštreni, što dodatno usložnjava procesuiranje ovakvih krivičnopravnih slučajeva, a kojom problematikom bi se trebalo pozabaviti u narednom periodu.

5.1.4. Zaključna razmatranja i prijedlozi za unapređenje rada

Tužilaštvo BiH u izvještajnom periodu intenzivno sprovodi istragu u predmetima korupcije visokog nivoa protiv nekoliko zvaničnika BiH koji su obavljali neke od najodgovornijih funkcija u BiH, a koji su koruptivne aktivnosti preduzimali u svojstvu direktora Granične policije BiH i u svojstvu službenika Granične policije BiH ili na rukovodećim pozicijama zajedno sa drugim licima. Također, intenzivirano je preduzimanje istražnih aktivnosti protiv ministra sigurnosti BiH koji se sumnjiči za niz koruptivnih aktivnosti kojima je pribavljena višemilionska protivpravna imovinska korist.

Tužilaštvo BiH je u izvještajnom periodu podiglo dvije optužnice u predmetima korupcije visokog nivoa protiv službenih lica u institucijama BiH, a koje optužnice su potvrđene od strane Suda BiH. Naime, Tužilaštvo BiH je u okviru navedenog perioda podiglo optužnicu protiv bivšeg generalnog direktora Obavještajno-sigurnosne agencije Bosne i Hercegovine (OSA BiH), kojem se stavlja na teret da je protivpravnim radnjama pribavio za sebe protivpravnu imovinsku korist u iznosu od 293.046,58 KM, za koji iznos je oštećen budžet BiH. Također, Tužilaštvo BiH je podiglo optužnicu protiv generalnog konzula Bosne i Hercegovine u Saveznoj Republici Njemačkoj zbog krivičnog djela Prevara u službi iz člana 222. stav 3. u vezi sa stavom 1. Krivičnog zakona BiH, u vezi sa članom 54. istog zakona, kojom optužnicom je zatraženo i oduzimanje pribavljene protivpravne imovinske koristi u iznosu od 56.062,00 KM.

Nadalje, po potvrđenoj optužnici Tužilaštva BiH protiv bivšeg ministra za ljudska prava i izbjeglice u Vijeću ministara BiH, koji se sa još četiri optužena lica tereti za krivično djelo Zloupotreba položaja ili ovlaštenja iz člana 220. stav 1., 2. i 3. Krivičnog zakona BiH i Pronevjera u službi iz člana 221. stav 1. KZ-a BiH, u vezi sa članovima 53., 54. i 31. istog zakona, u toku je glavni pretres pred Sudom BiH.

Također, u cilju suzbijanja korupcije, Tužilaštvo BiH je omogućilo građanima da putem web stranice blagovremeno prijave eventualne koruptivne radnje lica za djela iz nadležnosti Tužilaštva BiH.

Pored ostvarenih rezultata i dalje jedan od osnovnih problema u radu na predmetima korupcije jeste neblagovremenost informacija o preduzimanju koruptivnih aktivnosti od strane počinitelaca. Ovo se naročito odnosi na koruptivna krivična djela povezana sa javnim nabavkama, te koruptivna krivična djela u vezi sa primanjem i davanjem dara, što nesporno otežava proces dokazivanja u ovakvim predmetima.



Kako je primjetan smanjen broj izvještaja o počinjenim koruptivnim krivičnim djelima koje policijske agencije u BiH dostavljaju Tužilaštvu BiH, i da je naročito evidentan izostanak izvještaja od strane policijskih agencija i drugih agencija za provođenje zakona u BiH u pogledu visoke korupcije, te da su procesuirani slučajevi uglavnom inicirani istražnim aktivnostima Tužilaštva BiH, u tom kontekstu važno je unaprijediti komunikaciju, odnosno potaknuti međusobnu saradnju i komunikaciju između različitih institucija i aktera kako bi se razmijenila iskustva, najbolje prakse i informacije o borbi protiv korupcije.

Imajući u vidu naprijed navedeno, Tužilaštvo BiH nastavlja sa intenzivnim preduzimanjem svih neophodnih mjera i radnji na suzbijanju korupcije, naročito na njenim složenijim pojavnim oblicima, što je jedan od prioriteta definisanih planom rada, a sve u cilju postizanja rezultata u njenom smanjenju i poboljšanju povjerenja javnosti u rad institucije.

Tužilaštvo BiH će i u narednom periodu nastaviti rad na predmetima visoke korupcije, što je jedan od prioriteta definisanih planom rada.

5.2. Rad na predmetima organiziranog kriminala

Odsjek za organizirani kriminal je ostvario normu od **139,87%**, što ukazuje da su rezultati predmetnog odsjeka u pogledu ostvarene norme i rada na predmetima organiziranog kriminala na izuzetno visokom nivou. U daljem pregledu rezultata prikazani su rezultati Odsjeka za organizirani kriminal, ali i rezultati ostalih tužilaca iz Odjela II koji su radili na predmetima organiziranog kriminaliteta.

5.2.1. Pregled prijava, istraga, optužnica i presuda u odnosu na predmete organiziranog kriminala¹⁵

U odnosu na rezultate rada na predmetima organiziranog kriminala, Odjel II je u 2024. godini zaprimio 89 prijava protiv 666 lica, dok su iz posmatranog perioda u radu bile 73 prijave protiv 1004 lica. Ukupno su u radu bile 162 prijave protiv 1670 lica. Tokom izvještajnog perioda tužiocima Odjela II su riješili 65 prijava protiv 573 lica, odnosno doneseno je 18 naredbi o nesprovođenju istrage protiv 239 lica, pokrenuto je 35 istraga protiv 237 lica, te je na drugi način riješeno 12 prijava protiv 97 lica. Na kraju izvještajnog perioda ostalo je neriješeno 97 prijava protiv 1097 lica.

Odjel II je u 2024. godini u odnosu na predmete organiziranog kriminala imao ukupno 85 istraga koje su otvorene protiv 897 lica, odnosno 50 istraga protiv 660 lica je preneseno iz prethodnih godina, dok je u izvještajnom periodu naređeno 35 istraga protiv 237 lica. Tokom 2024. godine riješene su 34 istrage protiv 232 lica, odnosno donesene su 2 naredbe o obustavi istrage protiv 95 lica, 1 istraga protiv 20 lica je riješena na drugi način, te je podignuta 31 optužnica protiv 117 lica. Iz prethodnih godina i izvještajnog perioda potvrđeno je 26 optužnica protiv 99 lica. Na kraju izvještajnog perioda ostala je neriješena 51 istraga u odnosu na 665 lica.


U toku izvještajnog perioda u odnosu na predmete organiziranog kriminala doneseno je 26 prvostepenih presuda protiv 85 lica, odnosno 25 osuđujućih u odnosu na 74 lica i 1 oslobađajuća presuda u odnosu na 11 lica. U navedenom periodu uloženo je 7 žalbi protiv donesenih prvostepenih presuda protiv 15 lica, od navedenog broja uvažena je 1 žalba protiv 1 lica, dok su 4 žalbe protiv 8 lica odbijene. Donesene su 24 pravosnažne presude protiv 77 lica, odnosno 24 osuđujuće

¹⁵ U navedenom poglavlju obrađeni su zbirni rezultati za KTO i KTOV predmete.



presude protiv 71 lica, te je 6 lica oslobođeno krivice. Također, izrečene su kazne zatvora u ukupnom trajanju od 115 godina i 10 mjeseci te novčane kazne u ukupnom iznosu od 681.700,00 KM.

➤ *Grafički prikaz podignutih optužnica iz oblasti organiziranog kriminala*



Grafikon 20.

Navedeni podaci ukazuju da je u 2024. godini podignuto 12 optužnica više ili za oko 63,15% optužnica više u odnosu na 2023. godinu u oblasti organiziranog kriminala.

5.2.2. Pregled prijava, istraga, optužnica i presuda u odnosu na predmete organiziranog kriminala visokog nivoa

Također, u odnosu na rezultate rada na predmetima organiziranog kriminala visokog nivoa, Odjel II je u 2024. godini zaprimio 8 prijava protiv 147 lica, dok je iz ranijeg izvještajnog perioda u radu ovog Odjela bilo 5 prijava protiv 140 lica, tako da je ukupno u radu bilo 13 predmeta protiv 287 lica. Tokom izvještajnog perioda tužiocima Odjela II su riješili 7 prijava protiv 79 lica, odnosno donesena je 1 naredba o nesprovođenju istrage protiv 7 lica, doneseno je 5 naredbi o sprovođenju istrage protiv 57 lica, te je na drugi način riješena 1 prijava protiv 15 lica. Na kraju izvještajnog perioda ostalo je neriješeno 6 prijava protiv 208 lica.

Odjel II je u 2024. godini u odnosu na predmete organiziranog kriminala visokog nivoa u radu imao ukupno 17 istraga protiv 354 lica, od kojih je iz ranijeg perioda preneseno 12 istraga protiv 297 lica, dok je u 2024. godini naređeno 5 istraga protiv 57 lica. Također, u izvještajnom periodu riješeno je 6 istraga protiv 59 lica, odnosno podignuto je 6 optužnica protiv 27 lica, te je u odnosu na 28 lica donesena naredba o obustavi istrage i 4 lica koja su bila u fazi istrage su riješena na drugi način. Potvrđeno je 5 optužnica protiv 26 lica. Na kraju izvještajnog perioda ostalo je neriješeno 11 istraga u odnosu na 295 lica.

U toku izvještajnog perioda u odnosu na predmete organiziranog kriminala visokog nivoa donesene su 4 prvostepene presude za 12 lica i to 3 osuđujuće u odnosu na 7 lica i 1 oslobađajuća u odnosu na 5 lica. Pored toga, donesene su 3 pravosnažne presude protiv 11 lica, od kojih su 3 presude protiv 10 lica osuđujuće, dok je 1 lice pravosnažno oslobođeno krivice.



5.2.3. Opća razmatranja i prijedlozi za unapređenje rada na predmetima organiziranog kriminala

Nastavno prijedlozima za unapređenje rada u izvještajnom periodu 2023. godine, u 2024. godini preduzete su konkretne aktivnosti koje su imale za rezultat efekte efikasnijeg rada na predmetima organiziranog kriminala.

Nakon održanih sastanaka sa rukovodiocima policijskih agencija u skladu sa važećim Uputstvom o postupanju tužioca i ovlaštenog službenog lica u otkrivanju krivičnog djela, počilaca i sprovođenju istrage od 30.03.2023. godine, povećan je broj podnesenih obavještenja o učinjenom krivičnom djelu, zbog čega je nastavljen trend smanjenja predmeta po signaturi KTA, što je istovremeno doprinijelo proaktivnijem djelovanju postupajućih tužilaca i službenih lica koja rade pod njihovim nadzorom.

Kao i u prethodnom periodu izvještavanja, nije se značajno promijenio trend priliva predmeta, ali je u odnosu na 2023. godinu blago povećan priliv obavještenja/izvještaja koji se ne temelje isključivo na podacima po osnovu sadržaja „Sky“ i „Anom“ aplikacija, koji su prethodno dostavljeni policijskim agencijama od strane EUROPOL-a. Tako je tokom 2024. godine donesena odluka o rasformiranju „Tima“ tužilaca koji je radio na ovim predmetima, a najveći broj predmeta koji su se nalazili u istražnoj fazi krivičnog postupka raspoređen je u rad Odsjeka za organizirani kriminal, u skladu sa definisanim nadležnostima istog. S tim u vezi, uporedo sa istragama koje su inicijalno započete po osnovu sadržaja kriptovanih podataka u Odsjeku za organizirani kriminal proaktivno su vođene i istrage po drugim obavještenjima o učinjenim krivičnim djelima.

Kako su u fokusu rada i dalje predmeti po sadržaju „Sky“ i „Anom“ aplikacija, koji po složenosti spadaju u najsloženije predmete organiziranog kriminala, prikupljeni dokazi u ovim predmetima i dalje upućuju na zaključak da na teritoriji Bosne i Hercegovine i dalje egzistira veći broj kriminalnih grupa u različitim oblicima organizacije. Pored već definisanog *modus operandi* u njihovom djelovanju, u 2024. godini primjetno je da su se postojeće kriminalne organizacije pored neovlaštenog prometa opojnim drogama i trgovine oružjem u svom djelovanju usmjerile na pribavljanje protivpravne imovinske koristi i učinjenjem krivičnih djela neovlaštenog prometa akciznim proizvodima i krijumčarenja ljudi.

Na osnovu tužilačkih iskustava i analize dokazne građe s osnovom se može zaključiti da je u svim oblicima izvršenja navedenih krivičnih djela teritorija Bosne i Hercegovine tranzitni prostor prometovanja ili krijumčarenja prema zemljama Evropske unije. Primjetno je da se u okviru kriminalnog djelovanja organizirane kriminalne grupe koje egzistiraju na teritoriji Bosne i Hercegovine nužno oslanjaju na najbliže saradnike ili pripadnike drugih kriminalnih organizacija koje djeluju u susjednim zemljama regije, ali i šire, što ukazuje na stalnu potrebu međunarodne saradnje i pružanja međunarodne pravne pomoći.

Rezultati provedenih finansijskih istraga u predmetima organiziranog kriminala ukazali su na nesrazmjer imovine osumnjičenih/optuženih lica u odnosu na ostvarene legalne prihode. Pribavljena protivpravna imovinska koristi stečena krivičnim djelima organiziranih kriminalnih grupa predmet je pranja novca u različitim vidovima organiziranog ili pojedinačnog prikrivanja stvarnog porijekla. Protivpravno pribavljeni novac u *modus operandi* djelovanja uložen je kroz različite vidove



privredne djelatnosti, kupovinu nekretnina i predmeta od vrijednosti, a potom i kroz preprodaju tako uloženog kapitala.

Rezultati rada ukazali su na učinjenje krivičnih djela pranja novca i od strane državljana Bosne i Hercegovine ili lica porijeklom iz Bosne i Hercegovine koji su dio struktura međunarodnih kriminalnih grupa koje se bave prometom opojnih droga iz Južne Amerike u zemlje Evropske unije. Jednim dijelom novac pribavljen djelovanjem ovih međunarodnih kriminalnih organizacija uložen je i u novčane tokove u Bosni i Hercegovini, putem određenog broja registrovanih pravnih lica u različitim vidovima privrednih djelatnosti.

S obzirom da se radi o istragama koje nužno podrazumijevaju oblike međunarodne saradnje, Tužilaštvo je u izvještajnom periodu učestvovalo u nizu sastanaka sa predstavnicima tužilaštava regije. U brojnim predmetima su razmijenjeni raspoloživi podaci ili dokazi značajni za krivični postupak. Postojanje regionalne saradnje posebno je dalo efekte u identifikaciji imovine lica protiv kojih se vode krivični postupci, odnosno u sprovođenju finansijskih istraga u okviru istrage po krivičnim djelima - pranja novca.

Istovremeno u proteklih nekoliko godina, uz podršku EUROJUST-a, formirano je 10 međunarodnih istražnih timova u čijem sastavu su bili i postupajući tužioci Tužilaštva Bosne i Hercegovine. Neki od tih timova su aktivno djelovali i tokom 2024. godine, te će se ovaj vid međunarodne saradnje nastaviti i u narednom periodu.

Okončanje krivičnih istraga u predmetima po sadržajima „Sky“ i „Anom“ aplikacija u velikoj mjeri zavisi od brzine udovoljavanja zamolnicima za međunarodne pravne pomoći koje je Tužilaštvo dostavilo nadležnim organima R. Francuske. Brojne istrage koje su započele u 2022/23. godini, u izvještajnom periodu nisu okončane usljed objektivnih okolnosti neudovoljavanja po zamolnicama za dostavljanje dokaza koji su proistekli iz ovih aplikacija. Tužilaštvo je iskoristilo sve raspoložive kapacitete kako bi uticalo na pravovremene odgovore, međutim činjenica odsustva stalnog predstavnika u EUROJUST-u i EUROPOL-u u velikoj mjeri je usporila ova nastojanja.

Opisana složenost vođenja krivičnih i finansijskih istraga u predmetima organiziranog kriminala i dalje ukazuje na potrebe proširenja raspoloživih kapaciteta Tužilaštva Bosne i Hercegovine. Tako je u izvještajnom periodu nastavljen rad na organizaciji unutrašnje organizacione jedinice „analitike/istražnog centra“ pri Posebnom odjelu za organizirani, privredni kriminal i korupciju. Osnovni zadaci organizacione jedinice analitičara usmjereni su na prikupljanje svih relevantnih podataka iz sadržaja „Sky“ i „Anom“ aplikacija, te drugih krivičnih predmeta koji se vode u ovom odsjeku.

Potpisivanjem memoranduma o saradnji sa različitim organima vlasti u Bosni i Hercegovini, Tužilaštvu su po prvi put omogućeni pristupi različitim bazama podataka (UIO, PU FBiH, IDDEEA). Do sačinjavanja ovog izvještaja održani su službeni sastanci sa rukovodiocima Granične policije Bosne i Hercegovine i Službe za poslove sa strancima, na kojima je načelno postignut



dogovor o potpisivanju memoranduma o saradnji kojim će ova agencija i služba omogućiti pristup svojim bazama podataka.

Platforme koje omogućavaju pristup ovim bazama podataka, uz pristup zaposlenika odjela analitike/istražnog centra, za rezultat imaju brze i efikasne istrage, bez dosadašnje pismene korespondencije koja je usporavala krivične procese, a zbog određenog protoka vremena u dostavljanju informacija uticala i na vjerodostojnost podataka.

U cilju poboljšanja kvaliteta istražnog procesa i prikupljanja dokaza pod nadzorom postupajućih tužilaca kontinuirano je nastavljena komunikacija sa predstavnicima policijskih agencija. Kvalitet istražnih radnji u velikoj mjeri je zavisio od raspoloživih materijalno-tehničkih i ljudskih kapaciteta policijskih agencija. S tim u vezi, načelno su dogovoreni i uspostavljeni određeni standardi u razumijevanju stvarnih prioriteta u krivičnim predmetima koji bi zadovoljili sprovođenje definisane politike gonjenja Tužilaštva. Unutar odsjeka Tužilaštva određeni su stvarni prioriteti u radu na predmetima organiziranog kriminala visokog nivoa. U narednom periodu za očekivati je da bi određeni prioriteti u zajedničkom postupanju mogli otkloniti nedostatak resursa. Dogovoreno je da se raspoloživi kapaciteti prvenstveno usmjeravaju u radu po kompleksnim i značajnim predmetima organiziranog kriminala na visokom nivou, te da se stalnim izvještavanjem u procesu rada koriguju uočeni nedostaci.

Analizom izvještajnog perioda i dalje su uočeni određeni nedostaci u kvalitetu tužilačkih odluka. Općim i pojedinačnim uputstvima glavnog tužioca i rukovodilaca odjela proces korekcije nedostataka sprovodi se stalnim uvidom u nacрте donesenih akata, davanjem pojedinačnih smjernica i uputa, te održavanjem sastanaka unutar odsjeka ili kolegija odjela Tužilaštva. Opisana postupanja imaju za cilj postizanje kvaliteta odluka u skladu sa materijalnim i procesnim zakonima, u standardu ujednačenog postupanja Tužilaštva.

U svim fazama krivičnog postupka po istim pravnim pitanjima primjene krivičnog zakonodavstva i dalje je primjetna neujednačena praksa Suda Bosne i Hercegovine. Prethodni postupak i zakonom uspostavljene kontrole istražnih radnji dokazivanja od strane sudije za prethodni postupak nerijetko prevazilaze zakonom definisane uloge, te prava i obaveze tužioca. Oblici određenog nepovjerenja prema tužilačkoj ulozi u rukovođenju istragom često se reflektuju pretjeranom pismenom korespondencijom. Podneseni prijedlozi ili zahtjevi za izdavanje naredbi na osnovu kojih se provode hitne radnje dokazivanja, predmet su uređivanja ili dopuna, čime se gubi značaj pravovremenog i efikasnog postupanja.

Podignute i dostavljene optužnice, iako zadovoljavaju zakonom uspostavljene formalno-pravne uslove u postupku optuženja, vraćaju se na „uređenje“ po osnovama tehničke prirode ili se od strane sudije za prethodno saslušanje prejudiciraju pitanja zakonitosti dokaza i prije nego su podneseni procesni prigovori, poput ocjene zakonitosti obavljenih radnji ispitivanja osumnjičenog i sl. U toku glavnog pretresa primjetne su neujednačene odluke o načinu izvođenja dokaza po prijedlogu tužioca, održavanju reda u sudnici, izuzecima od neposrednog izvođenja dokaza, izmjeni optužbe i dr.

U pogledu odlučivanja po prigovorima na zakonitost provedenih dokaza vijeća Suda također različito postupaju, u čemu se ističe prigovor postupka otvaranja privremeno oduzetih predmeta, pretresa telefonskih uređaja, čitanja zapisnika o ispitivanju osumnjičenih, te korištenja takvih zapisnika u drugim razdvojenim postupcima i dr.



U izvještajnom periodu i dalje je problematična neujednačena sudska praksa u izricanju krivičnopравниh sankcija u istim ili sličnim predmetima organiziranog kriminala. U vezi sa navedenim, različita praksa od vijeća do vijeća u Sudu Bosne i Hercegovine ogleda se u tome da sa jedne strane imamo niske osuđujuće kazne. Sa druge strane, vijeća koja opravdano zauzimaju rigorozniji stav ne prihvataju sporazume Tužilaštva Bosne i Hercegovine sa mnogo većim predloženim kaznama, u situacijama kada je manja količina droge prevezena, odnosno kada je manji doprinos optuženih izvršenju krivičnih djela.

Neujednačena sudska praksa utiče na okvire sporazumijevanja o priznanju krivice, zbog čega Tužilaštvo dobija prijedloge odbrane koji su potpuno nesvrshodni u postizanju specijalne i generalne prevencije, a u konačnici se zaključuju sporazumi po takvim prijedlozima.

U potrebi promjene prakse koja se odnosi na politiku kažnjavanja, unutar odjela su uspostavljeni standardi sporazumijevanja o priznanju krivice, sa intencijom potpunog zadovoljenja zakonskih pravila o odmjeravanju kazni i pooštavanja kaznene politike. Uspostavljeni mehanizmi u određenoj mjeri su imali za rezultat postignute sporazume u predmetima organiziranog kriminala u predloženim, a poslije i prihvaćenim kaznama zatvora preko 5 godina i novčanim kaznama koje prelaze iznose od 100.000,00 KM.

6. OSTVARIVANJE FUNKCIJE TUŽILAŠTVA KROZ DRUGE AKTIVNOSTI

U prethodnim poglavljima ove informacije izložen je pregled rada tužilačkih odjela kroz koje se suštinski i realizuje osnovna funkcija Tužilaštva BiH, odnosno rad na suzbijanju kriminaliteta. Ipak, Tužilaštvo BiH svoju funkciju ostvaruje i kroz druge aktivnosti koje ne spadaju u postupanje po pojedinačnim krivičnim predmetima. Pregled najznačajnijih aktivnosti ove vrste izložen je u poglavljima koja slijede.

6.1. Rad Kabineta glavnog tužioca

Kabinet glavnog tužioca je pružao podršku u radu glavnog tužioca po pitanjima koja su od općeg značaja za rad Tužilaštva BiH. Dinamika aktivnosti i poslova u Kabinetu glavnog tužioca artikulisala se kroz različite stručne sastanke, konferencije i seminare kako sa domaćim, tako i sa stranim stručnjacima. Cilj ovih aktivnosti bio je da se pojačaju stručni kapaciteti Tužilaštva BiH razmjenom mišljenja i znanja u oblasti prava.

Kabinet glavnog tužioca je učestvovao u organizaciji niza posjeta Tužilaštvu BiH od strane Međunarodnog krivičnog suda za bivšu Jugoslaviju, različitih predstavnika diplomatskog kora, međunarodnih organizacija i nevladinih organizacija. Poseban značaj dat je komunikaciji sa predstavnicima Evropske komisije, koji kroz IPA fondove daju značajnu podršku radu Tužilaštva BiH.

Aktivnosti Kabineta bile su usmjerene i ka regionalnoj saradnji po pitanju procesuiranja ratnih zločina, te su održavani sastanci na ovu temu kako sa tužilaštvima iz regiona, tako i sa tužiocima i saradnicima Tužilaštva MRMKS-a.



Oficir za vezu Tužilaštva BiH je ostvarivao saradnju sa Tužilaštvom MRMKS-a u skladu sa odredbama Zakona o ustupanju predmeta od strane Međunarodnog tribunala za bivšu Jugoslaviju Tužilaštvu Bosne i Hercegovine u vezi korištenja dokaza pribavljenih od strane Međunarodnog tribunala za bivšu Jugoslaviju u postupcima pred Sudom Bosne i Hercegovine.

Kabinet je u 2024. godini imao ukupno u radu 944 A predmeta, od kojih je iz ranijeg perioda preneseno 450 A predmeta. Kabinet je u 2024. godini zaprimio 494 A predmeta. Od toga je završeno 437 predmeta, a u radu je ostalo 507 predmeta. Nadalje, u 2024. godini bila su ukupno u radu 634 A-I predmeta, od kojih je 585 zaprimljeno u toku godine, a 49 predmeta ostalo neriješeno iz ranijeg perioda. Ukupno je riješeno 575 A-I predmeta, dok je 59 predmeta ostalo neriješeno. U Kabinetu glavnog tužioca u 2024. godini bio je 91 A-I-ZOSPI predmet, od kojih je 90 predmeta zaprimljeno u toku godine, dok je 1 predmet prenesen iz ranijeg perioda. Ukupno je riješeno 90 A-I-ZOSPI predmeta, dok je ostao neriješen 1 A-I-ZOSPI predmet. Kabinet glavnog tužioca je postupao i na predmetima oznake A-R, kojih je u 2024. godini ukupno u radu bilo 503, od kojih je zaprimljeno u toku godine 305 predmeta, a 198 predmeta preneseno je iz ranijih godina. Ukupno je riješeno 280 A-R predmeta, dok su ostala neriješena 223 A-R predmeta. Kabinet glavnog tužioca je postupao i u predmetima po pritužbama na odluke tužilaca (KTP predmeti), kojih je u radu tokom 2024. godine bilo 91, od kojih je 87 riješeno, odnosno 82 odbijene, 4 odbačene i 1 uvažena.

6.2. Saradnja Tužilaštva BiH sa institucijama EU i aktivnostima u približavanju evropskim integracijama

Bosna i Hercegovina je na putu evropskih integracija u cilju pristupanja EU i u toku 2024. godine nastavila ostvarivati saradnju sa institucijama Evropske unije i Evropske komisije u jačanju vladavine prava u Bosni i Hercegovini. Predstavnici Tužilaštva BiH su u više navrata održavali sastanke sa zvaničnicima iz Evropske unije, Evropske komisije, OSCE-a, UNDP-a, UNODC-a, ICMP-a, zatim predstavnicima drugih međunarodnih organizacija i diplomatskih predstavništava, u vezi njihovih projekata koji se provode u cilju pružanja podrške jačanju institucija BiH u borbi protiv različitih oblika kriminaliteta, jačanja vladavine prava, te pune primjene evropskih standarda u radu. Važno je napomenuti da Tužilaštvo BiH u svom radu u potpunosti primjenjuje standarde MRMKS-a u procesuiranju predmeta ratnih zločina.

6.3. Rad uprave Tužilaštva BiH

U toku 2024. godine, kao i u prethodnom periodu, u okviru uprave Tužilaštva BiH pružana je podrška radu tužilačkih odjela u smislu pružanja posebne stručne podrške radu tužilaca u krivičnim predmetima, kao i opće podrške u smislu obezbjeđenja obavljanja stručnih, administrativno-tehničkih i općih poslova kojima se stvaraju neophodni uslovi za rad tužilaca. Aktivnim postupanjem uprave Tužilaštva BiH realizuje se i učešće Tužilaštva BiH u aktivnostima vezanim za proces evropskih integracija, programiranje i implementaciju raznih projekata, postupanje po zahtjevima podnesenim na osnovu Zakona o zaštiti tajnih podataka, kao i zahtjeva podnesenih na osnovu Zakona o slobodi pristupa informacijama i drugih zahtjeva raznih institucija, nevladinih organizacija i građana, dostavljanja Visokom sudskom i tužilačkom vijeću BiH raznih podataka neophodnih za njihov rad, izvještaja i drugo. Na predmetima A, A-I, A-I-ZOSPI i A-R postupa se u Kabinetu glavnog tužioca, Uredu sekretara i tužilačkim odjelima. Na predmetima sa oznakom P postupa se u Odjelu za pravne, druge stručne, administrativno-tehničke i opće poslove, na predmetima sa



oznakom A-IT postupa se u Odjelu za IKT poslove i obradu elektronskog dokaznog materijala, dok se na predmetima sa oznakom R postupa u Odjelu za materijalno-finansijske poslove.¹⁶

6.4. Rad Odjela za odnose s javnošću Tužilaštva BiH

Tokom 2024. godine, Odjel za odnose s javnošću provodio je redovne aktivnosti informisanja javnosti i medija, kao i aktivnosti definisane Komunikacijskom strategijom Tužilaštva BiH koje se, između ostalog, odnose na saradnju sa akademskom i stručnom zajednicom, organiziranje studentskih posjeta Tužilaštvu BiH itd.

U izvještajnom periodu realizovano je 5 jednodnevnih studentskih posjeta Tužilaštvu BiH studenata prava, sigurnosti i srodnih studija sa univerziteta iz različitih područja Bosne i Hercegovine.

U kalendarskoj 2024. godini evidentirano je 230 informacija i vijesti za medije, a u objavama na zvaničnoj web stranici evidentirano je 430 objavljenih pojedinačnih informacija.

Zaposlenici Odjela za odnose s javnošću uputili su 530 pojedinačnih odgovora na upite novinara iz pisanih i elektronskih medija o radu i aktivnostima Tužilaštva BiH.

Internet stranica Tužilaštva BiH je u protekloj godini zabilježila 330 hiljada pregleda, što u prosjeku čini više od 900 pregleda svakog dana.

Radi veće i proaktivne transparentnosti, a u skladu sa smjernicama VSTV-a BiH, objavljeno je 70 redigovanih činjeničnih opisa optužnica, kao i 20 negativnih tužilačkih odluka, što je značajna količina informacija i vrlo koristan materijal za građane, studente, akademsku zajednicu, kao i oštećene u predmetima.

Tužilaštvo BiH također je usavršavalo i unapređivalo komunikacijske kanale u skladu sa tehnološkim dostignućima, kako bi se omogućila što efikasnija komunikacija, naročito sa medijskim kućama i novinarima iz BiH koji nemaju sjedište u Sarajevu, kao i komunikacija sa novinarima i medijskim kućama iz regiona i inostranstva.

U Tužilaštvu BiH koriste se tehnički kapaciteti, odnosno oprema (foto i video kamera itd.) donirana u okviru projekata VSTV-a BiH, kako bi se osigurao što veći kvalitet fotografija, audio i video snimaka koji se odnose na rad i aktivnosti Tužilaštva BiH i partnerskih institucija i agencija za provođenje zakona.

Sa aktivnostima proaktivne transparentnosti Tužilaštvo BiH nastavlja i u 2025. godini.

6.5. Edukacija tužilaca i stručnog osoblja Tužilaštva BiH

Tužioci i stručno osoblje imaju obavezu prisustva edukacijama koje se organizuju od strane centara za edukaciju sudija i tužilaca u Federaciji Bosne i Hercegovine i Republici Srpskoj. Navedeni centri su ravnopravni članovi Lisabonske mreže institucija koja djeluje u oblasti edukacije sudija i tužilaca u državama članicama Vijeća Evrope.

Naprijed navedene edukacije su u toku 2024. godine organizirane od strane entitetskih centara za edukaciju sudija i tužilaca u saradnji sa Cyber Security Excellence Centre-om (CSEC), Gender

¹⁶ Oznake upisnika za predmete općih poslova: A; A-RZ; A-P; A-US; A-I; A-I-ZOSPI; A-R; P; R.



centrom Vlade FBiH i EU 4HR-om, Centrom za istraživanje politika suprotstavljanja kriminalitetu (CPRC) i Institutom za razvoj mladih KULT, VSTV-om BiH i USAID-om, HELP projektom Vijeća Evrope, USAID-ovim projektom "Pravosuđe protiv korupcije u Bosni i Hercegovini", uz podršku Resursnog centra za okoliš (REC), sa Atlantskom inicijativom, putem platforme Vijeća Evrope HELP (Program edukacije pravnih profesionalaca o ljudskim pravima), sa AIRE Centrom, Federalnom agencijom za upravljanje oduzetom imovinom, Ministarstvom pravosuđa Sjedinjenih Američkih Država/Program za razvoj, pomoć i edukaciju tužilaštava u inostranstvu (U.S. DoJ/OPDAT) u saradnji sa Fondacijom Udružene žene iz Banja Luke, UNDP-ijem kroz projekat "Eko pravda", Uredom Vijeća Evrope u Sarajevu kroz projekat PROFEX, Ministarstvom pravde Republike Turske, Centrom za cyber kriminalitet Zapadnog Balkana (Western Balkans Cyber Cuty Centar), Pravosudnom akademijom Turske u saradnji sa Akademijom za sudije i javne tužioce Sjeverne Makedonije, u okviru Projekta "Jačanje tužilačkih kapaciteta u sistemu krivičnog pravosuđa" kojeg implementira Visoko sudsko i tužilačko vijeće Bosne i Hercegovine, sa Uredom za razvoj, pomoć i obuku tužilaca u inostranstvu (OPDAT) Ministarstva pravde Sjedinjenih Američkih Država, Uredom za borbu protiv međunarodne trgovine narkoticima i provođenje zakona (INL) i Programom za međunarodno kompjutersko hakovanje i intelektualnu svojinu (ICHIP), Njemačkom fondacijom za međunarodnu pravnu saradnju (IRZ), Udruženjem sudija/sudaca u Federaciji BiH, Udruženjem sudija u BiH, Udruženjem sudija RS, Udruženjem sudija Suda BiH, Udruženjem žena sudija u BiH, Udruženjem tužilaca BiH, Udruženjem tužilaca/tužitelja FBiH, Udruženjem tužilaca RS, Advokatskim komorama FBiH i RS, te Pravosudnom komisijom Brčko distrikta BiH, sa UNESCO uredom Sarajevo i projektom "Fighting against the Illicit Trafficking of Cultural Property in the West Balkans – Borba protiv ilegalne trgovine kulturnim dobrima i kulturnim vlasništvom" sa međunarodnim i domaćim partnerima uz finansijsku podršku Evropske komisije, projektnim partnerima VSTV BiH - Projekat za jačanje tužilačkih kapaciteta, Projekat unapređenje rada na predmetima ratnih zločina VSTV BiH, Vijećem Evrope, Međunarodnim forumom solidarnosti „EMMAUS“, GIZ-ovim Projektom EU4FAST, Misijom OSCE-a u BiH, INL-om, IOM-om, TRIAL-om FAZUOI, uz podršku Projekta EU4Justice – Faza II, uz podršku Centra civilnih inicijativa (CCI) / Koalicija "Pod lupom", sa Centrom ženskih prava, u saradnji sa "Projektom unapređenja efikasnosti sudova i odgovornosti sudija i tužilaca u BiH – treća faza – ICEA VSTV-a BiH", u saradnji sa Akademijom evropskog prava (eng. Academy of European Law – ERA), uz podršku projekta „Podrška dosljednoj nacionalnoj implementaciji Evropske konvencije o ljudskim pravima i olakšavanje izvršenja presuda Evropskog suda za ljudska prava u BiH“, sa Forumom građana Tuzle, sa Projektom „Unapređenje rada na predmetima ratnih zločina u BiH“ – IPA 2022, kao i sa Uredom Ujedinjenih nacija za drogu i kriminal (UNODC) kroz Globalni program protiv pranja novca, prihoda stečenog kriminalom i finansiranje terorizma (GPML).

Obaveza svakog tužioca, prema entitetskim zakonima o centrima za edukaciju, je provođenje minimalne edukacije od tri dana godišnje.

Tokom 2024. godine, neke obuke su realizovane online, putem različitih komunikacijskih platformi, kao što je Cisco Webex i slično.

U posmatranom periodu, tužioci su se, pored pohađanja obaveznih zakonom propisanih seminara, aktivno uključili i u ostale procese edukacije tužilaca, a isto tako su bili angažovani i kao edukatori, predavači, panelisti i moderatori, te su prenosili svoja znanja i iskustva učesnicima seminara.

Tužioci su, u periodu obuhvaćenom ovom informacijom, svoje znanje proširivali na seminarima, specijalističkim obukama i konferencijama na sljedeće teme:



- ✓ Činjenični opis krivičnih djela korupcije i organizovanog kriminala – uz korištenje Priručnika za pisanje činjeničnih opisa za odabrana krivična djela
- ✓ Potreba za uspostavljanjem pravnog okvira za cyber sigurnost u Bosni i Hercegovini
- ✓ Obrnuti teret dokazivanja u predmetima diskriminacije: teorijska i praktična pitanja
- ✓ Borba protiv krivičnih djela u oblasti zaštite okoliša/životne sredine
- ✓ Primjena pravosudnih smjernica za zaštitu žrtava trgovine ljudima i efikasnije kažnjavanje učinitelja
- ✓ Primjena propisa u oblasti zaštite od nasilja u porodici
- ✓ Odmjeravanje i izricanje kazne u krivičnom postupku
- ✓ Procesuiranje krivičnih djela počinjenih iz mržnje i govora mržnje
- ✓ Dokazivanje krivičnih djela cyber kriminala i elektronski dokazi
- ✓ Trgovina ljudima u svrhu radne eksploatacije
- ✓ Rodno zasnovano nasilje i femicid
- ✓ Trgovina ljudima-obuka o nekažnjavanju žrtava trgovine ljudima
- ✓ Krivična djela primanje dara i drugih oblika koristi i davanje dara i drugih oblika koristi
- ✓ Krivična djela zloupotreba ili ovlaštenja iz člana 383. KZ FBiH
- ✓ Umjetna inteligencija i krivično pravosuđe
- ✓ Vještine pisanja tužilačkih akata – V dio – pisanje žabe i odgovora na žalbu
- ✓ Krivično-pravni aspekti zaštite okoliša/životne sredine
- ✓ Trening za trenere na temu "Sloboda izražavanja"
- ✓ Krivično djelo organizirani kriminal/izvršenje krivičnog djela u sastavu kriminalnog udruženja
- ✓ Posebna komplementarna znanja i dodjela certifikata (završni događaj)
- ✓ Vještine zastupanja optužnice
- ✓ Rodno zasnovano nasilje (nasilje u porodici, seksualno uznemiravanje, krivično djelo silovanja)
- ✓ Zloupotreba položaja ili ovlaštenja
- ✓ Visokotehnoški/cyber kriminal
- ✓ Uviđaj u forenzičko kriminalističkim istragama
- ✓ Postupci oduzimanja nezakonito stečene imovine krivičnim djelom s posebnim osvrtom na finansijske istrage u Federaciji BiH
- ✓ Krivična djela cyber kriminala i primjena umjetne inteligencije u krivičnom pravosuđu
- ✓ Oduzimanje imovinske koristi
- ✓ Ljudska prava LGBTI osoba BiH i pravni mehanizmi i njihove zaštite
- ✓ Specijalistička edukacija iz oblasti privrednog i organizovanog kriminala
- ✓ Radionica o osnovama digitalnih dokaza
- ✓ Sudski i tužilački integritet, disciplinska praksa
- ✓ XXII savjetovanje iz krivičnopravne oblasti
- ✓ Radionica namijenjena jačanju profesionalnih kapaciteta, te umrežavanju različitih institucija i kategorija lokalnih sudionika, u borbi protiv nedozvoljene trgovine kulturnim dobrima
- ✓ Govor mržnje
- ✓ XVII stručno savjetovanje tužilaca u BiH
- ✓ Radionice o popunjavanju novih obrazaca za izvještavanje o imovini i interesima nosilaca pravosudnih funkcija
- ✓ Tehnike istrage i suđenja u slučajevima finansijskog kriminala i pranja novca
- ✓ Napredne obuke na temu finansijskih istraga i oduzimanja imovinske koristi, s fokusom na prošireno oduzimanje imovinske koristi, u svjetlu međunarodnih standarda
- ✓ Analiza prakse tužilaštava Bosne i Hercegovine u predmetima organizovanog kriminala i korupcije
- ✓ Odnos između evropskog prava i domaćeg prava BiH
- ✓ Procesuiranje slučajeva terorizma u Bosni i Hercegovini
- ✓ Krivičnopravna odgovornost u predmetima ratnih zločina
- ✓ Izazovi kod primjene Zakona o oduzimanju nezakonito stečene imovine krivičnim djelom Federacije Bosne i Hercegovine
- ✓ Krivično-pravna zaštita okoliša/životne sredine
- ✓ Pripadnici ranjivih grupa kao svjedoci u postupku
- ✓ Pravosudne profesije i mediji: Najgori prijatelji ili najbolji neprijatelji
- ✓ Procesuiranje krivičnih djela silovanja i seksualnog uznemiravanja
- ✓ Praksa Vrhovnog suda FBiH iz krivične oblasti
- ✓ Aktuelna praksa Ustavnog suda BiH po apelacijama iz krivične oblasti
- ✓ Online obuka o rodnoj ravnopravnosti
- ✓ Inter-sektorska obuka "Trgovina ljudima—simulacija suđenja u slučaju radne eksploatacije"
- ✓ Procesuiranje predmeta ratnih zločina u BiH
- ✓ Priprema suda za borbu protiv pranja novca i finansiranja terorizma (BPN/BPFT) za Bosnu i Hercegovinu
- ✓ Otkrivanje, istraživanje i procesuiranje krivičnih djela korištenja usluga žrtava trgovine ljudima u Bosni i Hercegovini

Početna obuka stručnih saradnika i stručnih savjetnika se provodi u skladu s trogodišnjim planom i programom obuke usvojenim od strane Visokog sudskog i tužilačkog vijeća Bosne i Hercegovine za lica koja se namjeravaju baviti profesijom sudije ili tužioca. Ovaj program predviđa provođenje obuke kroz četiri modula na godišnjem nivou, što u trogodišnjem periodu znači da će stručnim saradnicima biti pružena obuka iz 12 Modula. U 2024. godini je provedena početna obuka za prvu generaciju polaznika 2024/2026 (Moduli I-IV), drugu generaciju polaznika 2023/2025 (Moduli I-IV) i za treću generaciju 2022/2024 (Moduli I-IV).

Početnom obukom obuhvaćene su sljedeće oblasti:



1 godina

Modul 1 - Nosioci pravosudne funkcije i društvo; Modul 2 – Građanska oblast; Modul 3 - Krivična oblast; Modul 4 - Izvršna i vanparnična oblast

2 godina

Modul 1 – Evropska konvencija i ravnopravnost spolova; Modul 2 – Građanska oblast; Modul 3 – Krivična oblast; Modul 4 - Izvršna i upravna oblast

3 godina

Modul 1 - Građanska oblast; Modul 2 - Krivična oblast; Modul 3 - Alternativno rješavanje sporova, medijacija i arbitraža; Modul 4 - Nosioci pravosudnih funkcija i društvo

6.6. Finansijski izvještaj

Odobreni budžet Tužilaštva BiH za 2024. godinu iznosi 20.708.000 KM, čiju strukturu čini - neposredna potrošnja u iznosu od 20.628.000 KM i sredstva namijenjena za rad Udarne grupe za borbu protiv trgovine ljudima i organizirane ilegalne imigracije u iznosu 80.000 KM.

Pored navedenog iznosa odobrenih sredstava, Tužilaštvu BiH su odobrena sredstva u iznosu od 300.000 KM na osnovu Odluke o preraspodjeli sredstava iz budžeta Ministarstva odbrane BiH za 2024. godinu u budžet Tužilaštva BiH za 2024. godinu i to na poziciji ugovorene usluge (6139) u svrhu plaćanja obaveza iz 2024. godine za usluge ekshumacija i identifikacija nestalih lica.

Na ime uplate od premije osiguranja motornih vozila Tužilaštva BiH na JRT je uplaćen iznos od 2.836,77 KM koji je stavljen na raspolaganje Tužilaštvu BiH na način da je došlo do povećanja iznosa raspoloživih sredstava na poziciji 6137 – izdaci za tekuće održavanje, na ime tekućeg održavanja motornih vozila.

Imajući u vidu prethodno navedeno, Tužilaštvu BiH je tokom 2024. godine bilo ukupno raspoloživo 21.010.836,77 KM, odnosno 20.708.000 KM odobreni budžet za 2024. godinu, 2.836,77 KM premije osiguranja motornih vozila i 300.000 KM po osnovu navedene Odluke o preraspodjeli.

Ukupni rashodi iznose 20.872.038,06 KM, što predstavlja 99,36% ukupno raspoloživih sredstava. Od toga 20.795.516,10 KM potrošeno je u okviru neposredne potrošnje, a izvršenje na Udarnoj grupi za borbu protiv trgovine ljudima i organizirane ilegalne imigracije iznosi 76.521,96 KM.

Cijeneći prethodno navedeno, uz činjenicu da su procedure planiranja i praćenja izvršenja budžeta ispoštovane u potpunosti, primijenjene su interne finansijske kontrole iz ove oblasti, te se u postupku planiranja vodilo principima odgovornosti, profesionalnosti i maksimalne racionalizacije, pri čemu prikazana potrošnja sredstava u periodu 01.01 – 31.12.2024. godine predstavlja krajnje restriktivno, stvarno stanje i realne potrebe za neometan rad Tužilaštva BiH.

Od strane Delegacije Evropske unije u BiH u 2024. godini Tužilaštvu BiH su odobrena sredstva u vidu podrške pravosuđu u rješavanju predmeta ratnih zločina, u svrhu realizacije projekta „Unapređenje rada na predmetima ratnih zločina u BiH - IPA 2022“. Početak implementacije projekta je 01.01.2024. godine.

Imajući u vidu prethodno navedeno, ukupan iznos raspoloživih sredstava po projektu „Unapređenje rada na predmetima ratnih zločina - IPA 2022“ u 2024. godini iznosi 787.978,09 KM, od čega je u



2024. godini realizovano ukupno 445.354,70 KM. Sredstva su trošena po planiranoj dinamici kako su i predviđena za isplatu bruto plata i naknada troškova zaposlenih za 8 zaposlenika.

Predviđeno je da projekat traje 24 mjeseca i trajat će do 31.12.2025. godine.

DRUGI DIO - INFORMACIJA O STANJU KRIMINALITETA U BIH

1. ZAKONSKI OSNOV I CILJEVI IZRADE INFORMACIJE

Zakonom o Tužilaštvu Bosne i Hercegovine (član 13., stav 2. i 3. Zakona o Tužilaštvu BiH), definisano je da glavni tužilac na kraju svake budžetske godine na osnovu obrade statističkih podataka Tužilaštva BiH, Federalnog tužilaštva BiH, Republičkog javnog tužilaštva Republike Srpske i Tužilaštva Brčko distrikta izvještava Parlamentarnu skupštinu Bosne i Hercegovine o stanju kriminaliteta na području Bosne i Hercegovine. Također, definisano je da glavni tužilac obrazlaže stanje kriminaliteta u Bosni i Hercegovini i da ukazuje na trendove u njegovom kretanju. U vezi s tim glavni tužilac može iznijeti prijedloge zakonskih reformi. Predmetni zaključci objavljuju se putem medija i ostalih odgovarajućih sredstava informisanja.

Cilj izrade informacije je pravovremeno upoznavanje Parlamentarne skupštine BiH i javnosti o stanju kriminaliteta i tendencijama njegovog kretanja kao polazne osnove za određivanje prioriteta u borbi protiv kriminaliteta, definisanja preventivnih programa i strategija u borbi protiv kriminala na nivou Bosne i Hercegovine.

Izvještaj, pored uvodnog dijela i osnova za izradu izvještaja sadrži informacije propisane gore navedenim zakonom, i to neriješenim i riješenim predmetima, broju predmeta koji su pristigli u izvještajnoj godini, postupanje po predmetima u izvještajnoj godini i podatke o sudskim odlukama po predmetima koji se vode u Tužilaštvu BiH. Podaci o radu prikazani su statistički, tabelarno i grafički uz adekvatno narativno obrazloženje istih. Dakle, Informacija o radu za 2024. godinu daje podatke o stanju kriminaliteta, prikazano kroz sva tužilaštva u Bosni i Hercegovini, kao i prijedlog mjera za postupanje u suzbijanju i prevenciji kriminaliteta na nivou Bosne i Hercegovine, a u okviru svojih nadležnosti.

Stanje kriminaliteta i trendovi njegovog kretanja prikazat će se kroz obradu određenih statističkih podataka Federalnog tužilaštva BiH, Republičkog javnog tužilaštva Republike Srpske i Tužilaštva Brčko distrikta, koji su obrađeni u Tužilaštvu BiH.



2. STANJE KRIMINALITETA U NADLEŽNOSTI TUŽILAŠTVA BIH (POZNATI POČINIOCI KRIVIČNIH DJELA - KT)

Stanje kriminaliteta evidentirano je kroz zaprimljene prijave, naredbe o nesprovođenju istrage, naredbe o sprovođenju istrage, naredbe o obustavi istrage, podignute optužnice, osuđujuće presude, kao i kroz oslobađajuće presude. Analiza podataka ukazuje na kontinuiran rad tužilaca na predmetima s tendencijom povećanja broja riješenih predmeta.


2.1. Rezultati rada u odnosu na sve vrste predmeta

Tužilaštvo Bosne i Hercegovine je na početku izvještajnog perioda imalo ukupno u radu 3796 svih vrsta predmeta koji su preneseni iz prethodnog perioda, u toku izvještajnog perioda zaprimljeno je 1800 predmeta, tako da je tokom izvještajnog perioda ukupno u radu bilo 5596 predmeta, tokom izvještajnog perioda riješena su 2103 predmeta, tako da su na kraju izvještajnog perioda ostala neriješena 3493 predmeta.

➤ *Tabelarni pregled rezultata rada u odnosu na sve vrste predmeta*

Godina	Preneseno predmeta iz prethodnog perioda	Zaprimljeno predmeta	Riješeno predmeta	Ostalo neriješeno predmeta na kraju izvještajnog perioda
2020	4645	1843	1807	4681
2021	4681	1871	2202	4350
2022	4350	2050	2213	4187
2023	4187	1817	2208	3796
2024	3796	1800	2103	3493

➤ *Grafički pregled rezultata rada u odnosu na sve vrste predmeta*



Grafikon 21.

Na osnovu navedenih statističkih podataka može se izvesti zaključak da je u posljednje tri godine prisutan trend povećanja broja riješenih predmeta, odnosno smanjenja ukupnog broja predmeta u Tužilaštvu BiH. Dakle, u posmatranom periodu od pet godina došlo je do smanjenja broja predmeta za 1188 ili za oko 25,37%. Također, u toku 2024. godine u odnosu na 2023. godinu došlo je do smanjenja broja predmeta za 303 ili oko 7,98%. Iz prikazanog tabelarnog pregleda vidljivo je da je u



analiziranom periodu bio približno isti broj zaprimljenih predmeta u svim analiziranim godinama, što sve zajedno ukazuje da je Tužilaštvo BiH u značajnoj mjeri povećalo aktivnosti na rješavanju predmeta koji su ostali neriješeni u prethodnom periodu, uz istovremeno rješavanje godišnjeg priliva predmeta.

2.2. Rezultati rada u izvještajnom periodu u odnosu na prijave

Tužilaštvo Bosne i Hercegovine je na početku izvještajnog perioda imalo u radu 822 prijave protiv 4440 lica koje su prenesene iz prethodnog perioda, u toku izvještajnog perioda zaprimljeno je 660 prijava protiv 1941 lica, tako da su tokom 2024. godine ukupno u radu bile 1482 prijave protiv 6381 lica, tokom izvještajnog perioda riješeno je 613 prijava protiv 2105 lica, tako da je na kraju izvještajnog perioda ostalo neriješeno 869 prijava protiv 4276 lica.

➤ *Tabelarni pregled rezultata rada u odnosu na prijave u KT i KTRZ predmetima*

Prijave – KT i KTRZ predmeti	Predmeti		Lica	
	2024	2023	2024	2023
Prenesene prijave iz ranijih godina	822 ¹⁷	842	4440 ¹⁸	4846
Zaprimljene prijave u toku 2024. godine	660	588	1941	2241
Ukupno prijava u radu	1482	1430	6381	7087
Broj naredbi o nesprovođenju istrage	270	272	986	1163
Broj naredbi o sprovođenju istrage	212	194	558	598
Prijave riješene na drugi način	131	100	561	516
Ukupno riješeno prijava	613	566	2105	2277
Neriješene prijave na kraju izvještajnog perioda	869	864	4276	4810

Na osnovu navedenih statističkih podataka može se izvesti zaključak da su tokom 2024. godine zaprimljene 72 prijave ili oko 12,24% više u odnosu na prethodnu godinu, da je riješeno 47 ili 8,30% prijava više u odnosu na prethodnu godinu, odnosno povećan broj naredbi o sprovođenju istrage za 18 ili oko 9,27% i da je riješeno prijava na drugi način 31 ili 31% više u odnosu na prethodnu godinu.

2.3. Rezultati rada u izvještajnom periodu u odnosu na istrage

Tužilaštvo Bosne i Hercegovine je na početku izvještajnog perioda imalo u radu 296 istraga u odnosu na 1719 lica koje su prenesene iz prethodnih godina, u toku izvještaja naređeno je 212 istraga u odnosu na 558 lica, tako da je tokom 2024. godine ukupno u radu bilo 508 istraga u odnosu na 2277 lica, tokom izvještajnog perioda riješeno je 245 istraga u odnosu na 719 lica, tako da su na kraju izvještajnog perioda ostale neriješene 263 istrage u odnosu na 1558 lica.

➤ *Tabelarni pregled rezultata rada u odnosu na istrage u KT i KTRZ predmetima*

¹⁷ Tokom 2024. godine vršeno je usklađivanje statističkih podataka u manuelnim evidencijama TCMS i SIPO sistemu u pogledu broja prenesenih istraga iz ranijeg perioda i drugih podataka, tako da je nakon otklanjanja grešaka u TCMS-u koje datiraju od uspostavljanja TCMS sistema, došlo do određenih statističkih odstupanja u pogledu broja prenesenih predmeta. Dakle, određen broj predmeta koji su se nalazili u fazi prijave u odnosu na predmete i lica je prešao u fazu istrage iz razloga što sistem pogrešno povlači glavnu stranku, što je uticalo na broj prenesenih predmeta i lica iz ranijeg perioda.

¹⁸ *Ibidem.*



<i>Istrage – KT i KTRZ predmeti</i>	<i>Predmeti</i>		<i>Lica</i>	
	2024	2023	2024	2023
Prenesene istrage iz ranijih godina	296 ¹⁹	283	1719 ²⁰	1921
Naređeno istraga u toku izvještajnog perioda	212	194	558	598
Ukupno istraga u radu	508	477	2277	2519
Broj naredbi o obustavi istrage	70	73	311	407
Broj podignutih optužnica	162	125	335	299
Istrage riješene na drugi način	13	11	73	156
Ukupno riješeno istraga	245	209	719	862
Neriješene istrage na kraju izvještajnog perioda	263	268	1558	1657

Iz navedenog tabelarnog pregleda vidljivo je da je tokom 2024. godine došlo do povećanja broja naređenih istraga za 18 ili oko 9,27%, te da je došlo do značajnog povećanja broja riješenih istraga, odnosno da je u izvještajnom periodu riješeno 36 ili oko 17,22% istraga više u odnosu na prethodnu godinu, što je uticalo na povećanje broja podignutih optužnica i na sveukupne rezultate rada tužilaštva u 2024. godini u odnosu na 2023. godinu i prethodni period.

2.4. Vrste procesnih odluka u odnosu na prijave i istrage

U izvještajnom periodu Tužilaštvo Bosne i Hercegovine je u fazi prijave i istrage riješilo ukupno 858 predmeta u kojima su donesene različite vrste procesnih odluka u odnosu na 2824 lica.

2.4.1. Vrste procesnih odluka u fazi prijave

Tužilaštvo BiH je u 2024. godini u fazi prijave riješilo 613 predmeta u odnosu na 2105 lica, odnosno u 270 predmeta protiv 986 lica donesene su naredbe o nesprovođenju istrage, u 212 predmeta protiv 558 lica naredbe o sprovođenju istrage, dok je 131 predmet protiv 561 lica riješen na drugi način.

➤ *Tabelarni pregled vrste procesnih odluka u KT i KTRZ predmetima u fazi prijave*

<i>Vrsta procesnih odluka u KT²¹ predmetima u fazi rješavanja prijave</i>	<i>Predmeti</i>		<i>Lica</i>	
	2024	2023	2024	2023
Broj naredbi o nesprovođenju istrage	270	272	986	1163
Broj naredbi o sprovođenju istrage	212	194	558	598
Riješeno na drugi način	131	100	561	516
Ukupno	613	566	2105	2277

Na osnovu navedenih podataka može se zaključiti da je u 2024. godini, u odnosu na 2023. godinu, došlo do smanjenja broja naredbi o nesprovođenju istrage u odnosu na 2 predmeta i smanjenja broja navedenih odluka u odnosu na 177 lica, da je došlo do povećanja broja naredbi o sprovođenju istrage u odnosu na 18 predmeta i smanjenja za 40 lica, te da je došlo do povećanja broja riješenih predmeta na drugi način u odnosu na 31 predmet i povećanja broja riješenih lica na drugi način za 45 lica.

2.4.2. Vrste procesnih odluka u fazi istrage

¹⁹*Ibidem.*

²⁰*Ibidem.*



Tužilaštvo BiH je u 2024. godini u fazi istrage riješilo 245 predmeta u odnosu na 719 lica, odnosno u 70 predmeta protiv 311 lica donesene su naredbe o obustavi istrage, podignute su 162 optužnice protiv 335 lica, dok je 13 predmeta protiv 73 lica riješeno na drugi način.

➤ *Tabelarni pregled vrste procesnih odluka u KT i KTRZ predmetima u fazi istrage*

<i>Vrsta procesnih odluka u KT i KTRZ predmetima u fazi istrage</i>	<i>Predmeti</i>		<i>Lica</i>	
	2024	2023	2024	2023
Broj naredbi o obustavi istrage	70	73	311	407
Broj podignutih optužnica	162	125	335	299
Riješeno na drugi način	13	11	73	156
Ukupno	245	209	719	792

Na osnovu navedenih podataka može se zaključiti da je u 2024. godini, u odnosu na 2023. godinu, došlo do smanjenja broja naredbi o obustavljanju istrage za 3 predmeta i 96 lica, da je došlo do povećanja broja optužnica za 37 predmeta i 36 lica, te da su na drugi način riješena 2 predmeta i 83 lica manje.

2.5. Rezultati rada u izvještajnom periodu u odnosu na optužnice

Tužilaštvo Bosne i Hercegovine je u izvještajnom periodu imalo ukupno u radu 177 optužnica protiv 382 lica, od toga je 15 optužnica protiv 47 lica preneseno iz ranijeg perioda u kojima do 01.01.2024. godine nije donesena odluka Suda BiH, u 2024. godini podignute su ukupno 162 optužnice protiv 335 lica. U navedenom periodu potvrđene su 152 optužnice protiv 316 lica, odbijene su 2 optužnice protiv 2 lica, dok za 23 optužnice protiv 64 lica do 31.12.2024. godine nije donesena odluka Suda BiH.

➤ *Tabelarni pregled vrste procesnih odluka u KT i KTRZ predmetima u fazi prijave*

<i>Podignute optužnice u KT i KTRZ predmetima</i>	<i>Predmeti</i>		<i>Lica</i>	
	2024	2023	2024	2023
Broj optužnica podignutih prije izvještajnog perioda, u kojima do 01.01.2024. godine nije bila donesena odluka o potvrđivanju ili odbijanju potvrđivanja	15	27	47	84
Ukupan broj podignutih optužnica u toku 2024. godine	162	125	335	299
Ukupan broj optužnica u radu	177	152	382	383
Ukupan broj potvrđenih optužnica u toku izvještajnog perioda	152	131	316	325
Broj optužnica čije je potvrđivanje odbijeno	2	3	2	6
Broj optužnica podignutih u toku izvještajnog perioda, u kojima sa 31.12.2024. godine nije donesena odluka o potvrđivanju ili odbijanju potvrđivanja	23	15	64	47
Broj optužnica koje su povučene prije donošenja odluke o potvrđivanju	0	1	0	2
Broj optužnica riješenih na drugi način	0	2	0	3

Tokom 2024. godine podignuto je 37 optužnica ili oko 29,60%, više u odnosu na predmete, dok je u odnosu na lica optuženo više 36 lica ili oko 12,04% više u odnosu na 2023. godinu. Također, broj potvrđenih optužnica u odnosu na predmete je veći za 21 ili 16,03%. Bitno je naglasiti da pored povećanja kvantiteta optužnica Tužilaštvo BiH konstantno radi na povećanju kvaliteta optužnica i da primarni fokus rada nije na povećanju kvantiteta.



2.6. Donesene prvostepene i drugostepene presude u izvještajnom periodu

Tokom izvještajnog perioda po optužnicama Odjela I i Odjela II donesene su ukupno 153 prvostepene presude za 279 lica.

Ukupan broj osuđujućih prvostepenih presuda je 134 protiv 227, od toga su u 77 presuda za 130 lica izrečene zatvorske kazne, 55 presuda protiv 89 lica uslovne osude i u 1 presudi protiv 6 lica izrečene su novčane kazne, također u 1 predmetu protiv 1 lica donesena je osuđujuća presuda za lice koje je izvršilo krivično djelo u stanju neuračunljivosti. Pored navedenog, u odnosu na 1 pravno lice donesena je osuđujuća presuda, ali je usljed nastupanja stečaja predmetno pravno lice oslobođeno kazne.

Ukupan broj prvostepenih oslobađajućih presuda je 16 u odnosu na 49 optuženih lica. U izvještajnom periodu donesena je 1 odbijajuća presuda protiv 1 lica iz razloga što se Sud BiH oglasio nenadležnim. Pored navedenog, po optužnicama Odjela II riješena su 2 predmeta protiv 2 lica na način da su donesena rješenja o obustavi postupka zbog nastupanja smrti optuženog u toku krivičnog postupka. Također, po optužnicama Odjela I donesena su 4 rješenja o obustavi postupka zbog nastupanja smrti optuženih lica u toku vođenja krivičnog postupka.

U navedenom periodu uloženo je 39 žalbi protiv 106 lica, od toga su uvažene 4 žalbe protiv 6 lica, dok je odbijeno 28 žalbi protiv 88 lica, tako da je ostalo neriješeno žalbi u 7 predmeta protiv 12 lica.

U izvještajnom periodu Sudu BiH predloženo je 67 sporazuma o priznanju krivice za 124 lica, od kojih je Sud BiH prihvatio 58 sporazuma za 104 lica, dok je 1 predloženi sporazum u odnosu na 2 lica odbijen. Sud BiH do kraja 2024. godine nije donio odluku za predloženih 9 sporazuma protiv 20 lica.

Tokom 2024. godine, po optužnicama ovog Tužilaštva, Sud BiH donio je 141 pravosnažnu presudu protiv 249 lica, odnosno 128 osuđujućih presuda protiv 249 lica, 13 oslobađajućih presuda protiv 47 lica.

Po optužnicama ovog Tužilaštva, u izvještajnom periodu ukupno su pravosnažnim presudama izrečene 494 godine, 16 mjeseci i 10 dana kazni zatvora i novčane kazne u ukupnom iznosu od 854.800,00 KM.

2.7. Rezultati rada u izvještajnom periodu u odnosu na KTA, KTN, KTPOM i KTEKS

Kada su u pitanju predmeti sa oznakama „KTA“, u izvještajnom periodu tužioci su radili po raznim izvještajima i informacijama te je ove vrste predmeta (KTA, KTAK, KTAO, KTAPO i KTAT) ukupno u radu bilo 1600, s tim da su 643 predmeta zaprimljena u izvještajnom periodu, dok je 957 preneseno iz ranijeg perioda. Na kraju izvještajnog perioda riješeno je 715 „KTA“ predmeta, dok je u radu ostalo 885 predmeta ove oznake.

Kada su u pitanju predmeti sa oznakama „KTN“, u izvještajnom periodu tužioci su radili po raznim izvještajima i informacijama, te je (KTN, KTNK, KTNO, KTNPO i KTNT) u toku izvještajnog perioda bilo ukupno u radu 420, u toku izvještajnog perioda zaprimljeno je 89 predmeta, dok je 331 predmet prenesen iz ranijeg perioda, u toku izvještajnog perioda riješen je 101 predmet, tako da je u radu ostalo neriješeno 319 predmeta.



U predmetima sa oznakom KTARZ važno je napomenuti da se radi o predmetima ratnih zločina čije rješavanje, u najvećem broju slučajeva, zavisi od svjedoka u smislu otkrivanja potrebnih činjenica za rješavanje ove vrste predmeta. Također, u ovoj vrsti predmeta veliki je broj predmeta koji se odnosi na ekshumacije, a čije rješavanje traje više godina iz razloga otežanog utvrđivanja identiteta ekshumiranih lica. Ukupno u radu je bilo 1203, s tim da je 165 predmeta zaprimljeno u izvještajnoj godini, dok je 1038 preneseno iz ranijeg perioda, u toku izvještajnog perioda riješeno je 395 predmeta, tako da je na kraju izvještajnog perioda ostalo neriješeno 808 predmeta.

Kada su u pitanju predmeti sa oznakom „KTNRZ“, ukupno je u radu bilo 336, u toku izvještajnog perioda zaprimljena su 92 predmeta, iz ranijeg perioda prenesena su 244, u toku izvještajnog perioda riješena su 94 predmeta, tako da su na kraju izvještajnog perioda 242 predmeta ostala neriješena.

Kada su u pitanju predmeti u kojima su počinioci maloljetna lica (KTM), Tužilaštvo BiH ima znatno manji broj ove vrste predmeta u odnosu na druga tužilaštva u BiH. U izvještajnom periodu bila su u radu 4 predmeta, u toku izvještajnog perioda riješen je 1 predmet, tako da su na kraju izvještajnog perioda ostala neriješena 3 predmeta.

U odnosu na KTPOM/KTMPOM/KTEKS predmete, u 2024. godini u radu je bilo 213 predmeta, od ovog broja 75 predmeta je preneseno iz prethodne godine, dok je 138 predmeta zaprimljeno u izvještajnom periodu. Tokom 2024. godine riješena su 154 predmeta, dok je u radu ostalo 59 predmeta.

➤ Pregled KTA, KTRZ, KTPOM i KTEKS

Vrsta predmeta	Preneseno iz prethodne godine	Zaprimljeno predmeta u 2024. godini	Ukupno u radu	Riješeno predmeta u izvještajnom periodu	Ostalo neriješeno na kraju 2024.
KTA	287	228	515	320	195
KTARZ	1038	165	1203	395	808
KTN	133	21	154	50	104
KTNRZ	244	92	336	94	242
KTAK	351	247	598	224	374
KTNK	33	6	39	3	36
KTAO	79	21	100	31	69
KTNO	11	0	11	0	11
KTAPO	201	128	329	118	211
KTNPO	147	54	201	43	158
KTAT	39	19	58	22	36
KTNT	7	8	15	5	10
KTPOM	52	50	102	73	29
KTEKS	23	68	91	73	18
KTM	1	3	4	1	3
KTMPOM	0	20	20	8	12
UKUPNO	2646	1130	3776	1460	2316

Na osnovu navedenih podataka vidljivo je da je u odnosu na navedene vrste predmeta iz prethodnog izvještajnog perioda preneseno 2646 predmeta, da je u toku izvještajnog perioda zaprimljeno 1130 predmeta, da je ukupno u radu 3776 predmeta, da je u toku izvještajnog perioda riješeno 1460 predmeta, te da je na kraju izvještajnog perioda ostalo u radu 2316 predmeta. Tužilaštvo je u



izvještajnom periodu riješilo značajan broj predmeta iz prethodnog perioda, odnosno broj neriješenih predmeta smanjen je u 2024. godini za 330 predmeta ili oko 12,47% u odnosu na prethodnu godinu.

➤ *Tabelarni pregled vrste procesnih odluka u odnosu na KTA, KTRZ, KTPOM i KTEKS*

Vrsta predmeta	Naredbe o nesprovođenju istrage	Naredbe o obustavi istrage	Riješeno na drugi način	Riješeno predmeta u izvještajnom periodu
KTA	143	0	177	320
KTARZ	186	0	209	395
KTN	16	16	18	50
KTNRZ	10	2	82	94
KTAK	46	0	178	224
KTNK	2	0	1	3
KTAO	3	0	28	31
KTNO	0	0	0	0
KTAPO	55	0	63	118
KTNPO	9	6	28	43
KTAT	10	0	12	22
KTNT	2	0	3	5
KTPOM	0	0	73	73
KTEKS	0	0	73	73
KTM	0	0	1	1
KTMPOM	0	0	8	8
UKUPNO	482	24	954	1460

Iz prikazanog tabelarnog pregleda u odnosu na navedene vrste predmeta donesene su 482 naredbe o nesprovođenju, 24 naredbe o obustavi istrage, dok su na drugi način riješena 954 predmeta, tako da je u 2024. godini riješeno ukupno 1460 predmeta, što je za 298 ili oko 25,64% predmeta više u odnosu na 2023. godinu.

2.8. Stanje kriminaliteta u nadležnosti tužilaštava u FBiH (Poznati počinioci krivičnih djela - KT)

Federalno tužilaštvo Federacije Bosne i Hercegovine je samostalan državni organ koji svoj rad zasniva na načelima nezavisnosti i nepristrasnosti u odnosu na sve učesnike u krivičnom postupku, kao i sve državne i druge organe javne vlasti. Nadležnost i ovlaštenja, organizacija i rad, sredstva za rad i druga pitanja utvrđena su Zakonom o Federalnom tužilaštvu Federacije Bosne i Hercegovine (Zakon o Federalnom tužilaštvu FBiH, "Službene novine FBiH", broj: 42/02 i 19/03).

Stanje kriminaliteta u tužilaštvima FBiH u odnosu na poznate počinioce krivičnih djela prikazano je kroz obradu statističkih podataka koji se odnose na prijave, istrage, podignute optužnice i izrečene presude.

➤ *Tabelarni pregled procesnih odluka u kantonalnim tužilaštvima Federacije BiH*

Godina	Zaprimljene prijave	Naredbe o nesprovođenju istrage	Naredbe o sprovođenju istrage	Riješeno na drugi način u fazi prijave	Naredbe o obustavi istrage	Podignute optužnice	Riješeno na drugi način u fazi istrage	Osudjujuće pravosnažne presude	Oslobađajuće i odbijajuće pravosnažne presude



	pred.	lica	pred.	lica	pred.	lica	pred.	lica	pred.	lica	pred.	lica	pred.	lica	pred.	lica	pred.	lica
2021	13465	19180	4216	6754	8726	11256	394	786	1343	2184	7494	8767	139	463	8130	8729	591	714
2022	13396	18742	4082	6885	8207	10236	428	903	1176	1810	6656	7865	144	370	6014	6500	275	343
2023	13077	17940	3640	6608	8011	9753	422	817	1136	1778	6828	7980	135	375	5883	6251	330	411
2024	14237	19119	4079	6829	8354	9839	1003	1701	1181	1681	6895	7808	247	490	5648	5942	339	428

Prema dostavljenim izvještajima iz ovog tužilaštva, u odnosu na poznate počinioce u 2024. godini, kantonalna tužilaštva u FBiH ukupno u radu su imala 22.009 prijava protiv 30.717 lica. Od ovog broja u 2024. godini, zaprimljeno je 14.237 prijava protiv 19.119 lica, dok su iz ranijih godina prenesene u rad 7.772 prijave protiv 11.598 lica. U 2024. godini riješeno je 13.439 prijava protiv 18.373 lica, dok su na kraju izvještajnog perioda u radu ostale 8.564 prijave protiv 12.338 lica.

Kantonalna tužilaštva u FBiH su u izvještajnom periodu ukupno imala istraga u 10.266 predmeta protiv 13.106 lica. Od ovog broja, tokom 2024. godine riješeno je istraga u 8.323 predmeta protiv 9.979 lica, dok je ostalo neriješenih istraga u 1.943 predmeta protiv 3.127 lica.

U fazi rješavanja prijava, naredbi o nesprovođenju istraga doneseno je u 4.079 predmeta protiv 6.829 lica, naredbi o sprovođenju istraga doneseno je u 8.354 predmeta protiv 9.839 lica. Na drugi način riješene su 1.003 prijave u odnosu na 1.701 lice.

U riješenim istragama u 1.181 predmetu donesene su naredbe o obustavi istraga protiv 1.681 lica, te je na drugi način riješeno istraga u 247 predmeta u odnosu na 490 lica.

U izvještajnom periodu u kantonalnim tužilaštvima u FBiH podignuto je 6.895 optužnica protiv 7.808 lica.

Po optužnicama kantonalnih tužilaštava, općinski sudovi i kantonalni sudovi u FBiH su u 2024. godini donijeli pravosnažnih odluka u odnosu na 5.892 predmeta protiv 6.337 lica, te je izrečeno osuđujućih presuda u 5.648 predmeta protiv 5.942 lica, dok je bila 271 oslobađajuća presuda za 345 lica i 68 odbijajućih presuda protiv 83 lica. Sudovi su rješenjem obustavili krivični postupak u 33 predmeta protiv 49 lica.

Kada je u pitanju nadležnost i rad, konkretno Federalnog tužilaštva FBiH, u toku 2024. godine Federalno tužilaštvo je imalo u radu ukupno 2.332 predmeta od čega 253 predmeta koji se odnose na postupke po žalbama kao redovnim pravnim lijekovima izjavljenim na prvostepene presude kantonalnih sudova, 29 predmeta koji se odnose na uvažene žalbe i ukinute prvostepene odluke kantonalnih sudova, 22 predmeta koji se odnose na postupke po žalbama kao redovnim pravnim lijekovima izjavljenim na odluke drugostepenog suda, 15 predmeta koji se odnose na izjavljeni vanredni pravni lijek ponavljanje krivičnog postupka, 1.303 drugih vrsta predmeta (KTA), 701 predmet u administrativnoj, 3 predmeta iz upravne i prekršajne oblasti i 4 predmeta sa oznakom tajnosti interno i povjerljivo i 2 predmeta međunarodne pravne pomoći. Na kraju izvještajnog perioda ostalo je neriješeno ukupno 35 predmeta.



2.9. Stanje kriminaliteta u nadležnosti tužilaštava u Republici Srpskoj (Poznati počinioci krivičnih djela - KT)

Organizaciona struktura tužilaštava u Republici Srpskoj propisana je Zakonom o javnim tužilaštvima Republike Srpske ("Službeni glasnik RS", broj: 69/2016). Navedenim Zakonom propisano je da tužilaštva u Republici Srpskoj čine Republičko javno tužilaštvo, te šest okružnih javnih tužilaštava. Republičko javno tužilaštvo RS je najviše javno tužilaštvo, a kojem su podređena sva ostala javna tužilaštva. Prema Zakonu o javnim tužilaštvima, javna tužilaštva su samostalni državni organi koji vrše poslove otkrivanja i gonjenja učinilaca krivičnih djela i ulažu pravne lijekove radi zaštite zakonitosti. Tužilaštva svoju funkciju vrše na osnovu Ustava i zakona po principima samostalnosti, nepristrasnosti i javnosti.

Stanje kriminaliteta koje je evidentirano od strane Republičkog javnog tužilaštva Republike Srpske u odnosu na poznate počinioce krivičnih djela prikazano je kroz obradu statističkih podataka koji se odnose na prijave, istrage, podignute optužnice i izrečene presude.

➤ *Tabelarni pregled procesnih odluka u tužilaštvima Republike Srpske*

Godina	Zaprimljene prijave		Naredbe o nesprovođenju istrage		Naredbe o sprovođenju istrage		Riješeno na drugi način u fazi prijave		Naredbe o obustavi istrage		Podignute optužnice		Riješeno na drugi način u fazi istrage		Osuđujuće presude		Oslobađajuće i odbijajuće presude	
	pred.	lica	pred.	lica	pred.	lica	pred.	lica	pred.	lica	pred.	lica	pred.	lica	pred.	lica	pred.	lica
2021	7317	9648	1436	2086	5128	6298	330	656	1784	2214	3199	3751	79	205	2452	2763	197	225
2022	6954	9311	1477	2236	4445	5671	315	538	1460	1930	3141	3897	80	149	2437	2748	233	283
2023	7161	9227	1392	1968	4171	5135	304	595	1454	1915	2568	3039	60	108	2376	2633	266	358
2024	6427	8239	1655	2179	4196	5098	391	668	1359	1745	2868	3353	94	193	2079	2508	276	395

Analizom dostavljenih izvještaja iz Republičkog javnog tužilaštva utvrđeno je da je tokom 2024. godine ukupno u radu bilo 12.427 prijava protiv 16.158 lica. Od ukupnog broja prijava, koje su bile u radu u tužilaštvima Republike Srpske, u protekloj godini riješeno je 5.747 prijava protiv 7.656 lica. Na kraju izvještajnog perioda ostalo je neriješeno 6.680 prijava protiv 8.502 lica. U izvještajnom periodu zaprimili su 6.427 prijava protiv 8.239 lica. Naredbi o nesprovođenju istraga bilo je 1.655 protiv 2.179 lica, doneseno je 4196 naredbi o sprovođenju istrage u odnosu na 5098 lica, te su na drugi način riješili 391 prijavu protiv 668 lica.

U 2024. godini tužilaštva u Republici Srpskoj imala su ukupno 5.599 istraga protiv 7.042 lica, od čega su 1.403 neriješene istrage protiv 1.944 lica prenesene iz ranijih godina, dok je 4.196 istraga protiv 5.098 lica naređeno u izvještajnom periodu. Ukupno su riješene 4.314 istrage protiv 5.281 lica, odnosno podignuto je 2.868 optužnica protiv 3.353 lica, doneseno je 1.359 naredbi o obustavi istrage protiv 1.745 lica, te su u 94 predmeta protiv 193 lica istrage riješene na drugi način. Na kraju izvještajnog perioda ostalo je neriješeno 1.285 istraga protiv 1.761 lica.

Postupajući po optužnicama tužilaštava, sudovi su u 2024. godini donijeli ukupno presuda u 2.355 predmeta protiv 2.903 lica, od kojih je osuđujućih u 2.079 predmeta za 2.508 lica, oslobađajućih u 233 predmeta za 346 lica i odbijajućih u 43 predmeta za 49 lica. Sudovi su izrekli zatvorske kazne u 522 predmeta za 582 lica, novčanu kaznu u 644 predmeta za 729 lica, te uslovnu osudu u 910 predmeta za 1.194 lica. U 27 predmeta protiv 38 lica donesena je sudska odluka kojom su lica oslobođena kazne.



2.10. Stanje kriminaliteta u nadležnosti Tužilaštva Brčko distrikta (Poznati počinioci krivičnih djela - KT)

Tužilaštvo Brčko distrikta BiH je nadležno za područje Brčko distrikta. Opće nadležnosti Tužilaštva propisane su Zakonom o Tužilaštvu Brčko distrikta BiH ("Službeni glasnik Brčko distrikta BiH", broj: 19/07), koji propisuje da je Tužilaštvo Distrikta samostalan i nezavisan organ koji u okviru Brčko distrikta Bosne i Hercegovine preuzima propisane mjere i radnje u otkrivanju i gonjenju počilaca krivičnih djela i privrednih prestupa te vrši druge poslove određene zakonom. U okviru svojih nadležnosti Tužilaštvo Distrikta štiti ostvarivanje ljudskih prava i građanskih sloboda garantovanih Ustavom Bosne i Hercegovine i Statutom Brčko distrikta, kao i ostvarivanje prava i interesa pravnih lica utvrđenih zakonom, te obezbjeđuje statutarnost i zakonitost. Tužilaštvo Distrikta vrši svoju funkciju u skladu sa Ustavom Bosne i Hercegovine i Statutom Brčko distrikta, te na osnovu zakona Bosne i Hercegovine i Brčko distrikta.

Stanje kriminaliteta koje je evidentirano od strane Tužilaštva Brčko distrikta u odnosu na poznate počinioce krivičnih djela prikazano je kroz obradu statističkih podataka koji se odnose na prijave, istrage, podignute optužnice i izrečene presude.

➤ *Tabelarni pregled procesnih odluka u Tužilaštvu Brčko distrikta BiH*

Godina	Zaprimljene prijave		Naredbe o nesprovedenju istrage		Naredbe o sprovođenju istrage		Riješeno na drugi način u fazi prijave		Naredbe o obustavi istrage		Podignute optužnice		Riješeno na drugi način u fazi istrage		Osudjujuće pravosnažne presude		Oslobađajuće i odbijajuće pravosnažne presude	
	pred.	lica	pred.	lica	pred.	lica	pred.	lica	pred.	lica	pred.	lica	pred.	lica	pred.	lica	pred.	lica
2021	259	333	1	4	248	311	10	18	44	64	191	224	12	19	172	196	10	12
2022	283	344	1	1	280	335	1	7	30	43	196	218	5	16	185	217	10	19
2023	243	301	2	2	237	291	4	8	35	52	219	248	6	14	188	212	19	23
2024	279	357	0	0	269	337	0	0	45	67	208	250	24	38	161	176	23	35

Analizom dostavljenog izvještaja Tužilaštva Brčko distrikta BiH utvrdilo se da je ukupno u radu tokom 2024. godine bilo 279 prijava protiv 357 lica. Od ukupnog broja prijava, koje su bile u radu u protekloj godini, riješeno je 279 prijava protiv 357 lica. U toku izvještajnog perioda riješene su sve prijave kako u pogledu predmeta, tako i u pogledu lica. U toku izvještajnog perioda doneseno je naredbi o sprovođenju istrage u 269 predmeta protiv 337 lica.

U Tužilaštvu Brčko distrikta, u 2024. godini, ukupno su bile 383 istrage protiv 501 lica, s tim da je tokom 2024. godine riješeno 277 istraga protiv 355 lica, dok je ostalo neriješeno 106 istraga protiv 146 lica. Od ovog broja, u 45 predmeta protiv 67 lica donesene su naredbe o obustavi istrage. Na osnovu vođenih istraga, podignuto je 208 optužnica protiv 250 lica, dok su na drugi način riješene 24 istrage protiv 38 lica. U 2024. godini, nadležni sud je pravosnažno presudio u ukupno 184 predmeta protiv 211 optuženih lica, te je izrečena 161 osudjujuća presuda protiv 176 lica. Od ovog broja, u 74 predmeta protiv 80 lica određena je zatvorska kazna, u 63 predmeta protiv 69 lica uslovna osuda, u 21 predmetu za 24 lica određena novčana kazna, dok su u 3 predmeta protiv 3 lica izrečene osudjujuće presude u kojima su lica oslobođena kazne zbog neuračunljivosti. U 20 predmeta protiv 31 lica izrečene su oslobađajuće presude, te je u 3 predmeta protiv 4 lica izrečena odbijajuća presuda.




2.11. Ukupno stanje kriminaliteta u odnosu na KT predmete u svim tužilaštvima u BiH

Ukupno stanje kriminaliteta sa tendencijama njegovog kretanja u BiH sagledano je kroz analizu statističkih podataka Tužilaštva BiH, Federalnog tužilaštva BiH, Republičkog javnog tužilaštva Republike Srpske i Tužilaštva Brčko distrikta.

➤ *Tabelarni pregled kriminaliteta u Bosni i Hercegovini*

Godina	Zaprimljene prijave		Naredbe o nesprovođenju istrage		Naredbe o sprovođenju istrage		Riješeno na drugi način		Naredbe o obustavi istrage		Podignute optužnice		Riješeno na drugi način		Osudjujuće presude		Oslobađajuće i odbijajuće presude	
	pred.	lica	pred.	lica	pred.	lica	pred.	lica	pred.	lica	pred.	lica	pr.	li.	pr.	li.	pr.	li.
2021	21592	30753	5881	9509	14392	18623	799	1743	3308	4833	11056	13076	239	792	10925	11960	812	983
2022	21196	30520	5839	10071	13142	17034	839	2016	2751	4150	10150	12261	240	601	8774	9701	532	700
2023	20826	29408	5304	9739	12376	15486	826	1928	2663	4100	9521	11318	206	639	8380	9121	603	801
2024	21603	29656	6004	9994	13031	15832	1525	2930	2655	3804	10133	11746	378	794	8016	8875	651	905


➤ *Trendovi broja zaprimljenih prijava u svim tužilaštvima u BiH*



Grafikon 22.

Na osnovu tabelarnog i grafičkog prikaza može se konstatovati da je u 2024. godini došlo do povećanja broja zaprimljenih prijavi u odnosu na prethodni period, te da je u odnosu na 2023. godinu došlo do povećanja broja prijavi za 777 ili za oko 3,73%. Dakle, može se konstatovati da je prisutan trend povećanja broja prijavi koje se odnose na krivičnopravne događaje, ali da su tužilaštva u BiH istovremeno značajno povećala broj riješenih predmeta.


➤ *Trendovi broja donesenih naredbi o nesprovođenju istraga u svim tužilaštvima u BiH*



Grafikon 23.

Na osnovu tabelarnog i grafičkog prikaza može se konstatovati da je u 2024. godini prisutan trend povećanja broja donesenih naredbi o nesprovođenju istrage u odnosu na prethodni period, te da je u odnosu na 2023. godinu došlo do povećanja broja naredbi o nesprovođenju istrage za 700 ili za oko 13,19%.


➤ *Trendovi broja donesenih naredbi o sprovođenju istraga u svim tužilaštvima u BiH*



Grafikon 24.

Na osnovu tabelarnog i grafičkog prikaza može se konstatovati da je u 2024. godini prisutan trend povećanja broja donesenih naredbi o sprovođenju istrage u odnosu na prethodni period, te da je u odnosu na 2023. godinu došlo do povećanja broja naredbi o sprovođenju istrage za 655 ili za oko 5,29%.


➤ *Trendovi broja donesenih naredbi o obustavljanju istrage u svim tužilaštvima u BiH*



Grafikon 25.

Na osnovu tabelarnog i grafičkog prikaza vidljivo je da je u navedenom periodu doneseno 2655 naredbi o obustavi istrage, što je u odnosu na 2023. godinu manje za 8 ili oko 0,3% istraga, odnosno da u pogledu broja naredbi o obustavi istrage nije dolazilo do veće promjene u odnosu na prethodni period.


➤ *Trendovi broja podignutih optužnica u svim tužilaštvima u BiH*



Grafikon 26.

U izvještajnom periodu tužilaštva u Bosni i Hercegovini podigla su ukupno 10.133 optužnice, što je u odnosu na 2023. godinu više za 612 ili za oko 6,03% optužnica. Iz navedenog tabelarnog i grafičkog prikaza proizlazi da je u tužilaštvima u Bosni i Hercegovini prisutan trend povećanja broja podignutih optužnica.


➤ *Grafički prikaz osuđujućih presuda po optužnicama tužilaštava u BiH*



Grafikon 27.

U izvještajnom periodu, postupajući po optužnicama tužilaštava, sudovi u BiH su u 2024. godini donijeli 8016 osuđujućih presuda, što je u odnosu na 2023. godinu manje za 364 ili za oko 4,34% osuđujućih presuda. Iz navedenog tabelarnog i grafičkog prikaza proizlazi da je prisutan trend smanjenja broja osuđujućih presuda.

➤ *Grafički prikaz oslobađajućih presuda po optužnicama tužilaštava u BiH*



Grafikon 28.

U izvještajnom periodu postupajući po optužnicama tužilaštava, sudovi u BiH su u 2024. godini donijeli 651 oslobađajuću presudu, što je u odnosu na 2023. godinu više za 48 ili za oko 7,37% oslobađajućih presuda. Iz navedenog tabelarnog i grafičkog prikaza proizlazi da je prisutan trend povećanja broja oslobađajućih presuda.



3. RAZNI KRIVIČNI PREDMETI (KTA - NEODREDIVO KRIVIČNO DJELO I IZVRŠILAC)

U ovom poglavlju informacije obrađeni su predmeti sa oznakom KTA koji se odnose na neodrediva krivična djela ili počiniocce, a ukazuju na protivpravnu radnju. Bitno je napomenuti da se obrađeni statistički podaci odnose na sve „KTA“ oznake, računajući i KTA-RZ predmete koji se odnose na ratne zločine.

➤ *Tabelarni pregled rada na KTA predmetima u svim tužilaštvima u BiH*

Naziv tužilaštva (KTA predmeti) ²²	Neriješeno iz ranijih godina	Primljeno u toku godine	Ukupno u radu	Ukupno riješeno na kraju godine	Neriješeno na kraju godine
Tužilaštvo BiH	1995	808	2803	1110	1693
Kantonalna tužilaštva u FBiH	11465	14887	26352	12431	13921
Tužilaštva u RS	6293	5521	11814	5833	5981
Tužilaštvo Brčko distrikta BiH	155	263	418	239	179
Ukupno KTA predmeta	19908	21479	41387	19613	21774

Kada su u pitanju predmeti sa oznakom KTA, Tužilaštvo BiH je u izvještajnom periodu imalo u radu 2803 predmeta ove vrste, od kojeg broja su 1203 predmeta vezana za ratne zločine. Iz ranijih godina preneseno je 1995 predmeta, dok je u izvještajnom periodu zaprimljeno 808 predmeta. U 2024. godini riješeno je 1110 predmeta, od čega je 395 predmeta riješeno u Odjelu za ratne zločine. Na kraju izvještajnog perioda ostala su neriješena 1.693 KTA predmeta, od čega je 808 predmeta koji se odnose na ratne zločine.

U kantonalnim tužilaštvima u FBiH, u 2024. godini, ukupno su bila u radu 26.352 KTA predmeta, od kojeg broja se 192 predmeta odnose na ratni zločin. U izvještajnoj godini zaprimljeno je 14.887 predmeta, dok je iz ranijeg perioda preneseno 11.465 KTA predmeta. Od ukupnog broja predmeta u radu, kantonalna tužilaštva u FBiH riješila su 12.431 KTA predmet, od kojeg broja je bilo 59 predmeta koji se odnose na ratne zločine. Na kraju izvještajnog perioda ostao je u radu 13.921 KTA predmet, od čega se 133 predmeta odnose na ratne zločine.

U tužilaštvima u RS-u, u 2024. godini, ukupno je bilo u radu 11.814 KTA predmeta, od kojeg broja je 296 predmeta koji se odnose na ratne zločine. U izvještajnoj godini zaprimljen je 5521 predmet, dok su iz ranijeg perioda prenesena 6293 KTA predmeta. Od ukupnog broja predmeta u radu, tužilaštva u RS-u riješila su 5833 KTA predmeta, od čega se 9 predmeta odnosi na ratne zločine, dok je na kraju izvještajnog perioda ostao u radu 5981 predmet, od kojeg broja se 287 predmeta odnosi na predmete ratnog zločina.

Tužilaštvo Brčko distrikta je, u 2024. godini, ukupno u radu imalo 418 KTA predmeta, od kojeg broja je 1 predmet koji se odnosi na ratne zločine. U izvještajnoj godini zaprimljena su 263 predmeta, dok je iz ranijeg perioda preneseno 155 KTA predmeta. Od ukupnog broja predmeta u radu, Tužilaštvo

²² Podaci se odnose na sve vrste KTA predmete uključujući i KTA-RZ predmete.




Brčko distrikta riješilo je 239 predmeta, dok je na kraju izvještajnog perioda ostalo u radu 179 KTA predmeta, od čega se 1 predmet odnosi na predmete ratnih zločina.

➤ *Tabelarni pregled rada na KTA predmetima u svim tužilaštvima u BiH*

Naziv tužilaštva (KTA predmeti) ²³	Neriješeno iz ranijih godina	Primljeno u toku godine	Ukupno u radu	Ukupno riješeno na kraju godine	Neriješeno na kraju godine
2022	17602	18303	35905	18315	17590
2023	17664	19819	37483	17617	19866
2024	19908	21479	41387	19613	21774

Dakle, u svim tužilaštvima u Bosni i Hercegovini u 2024. godini, bilo je ukupno u radu 41.387 KTA predmeta, od kojih se 1692 predmeta odnose na ratne zločine. U izvještajnoj godini zaprimljeno je 21.479 predmeta, dok je iz ranijeg perioda preneseno 19.908 KTA predmeta. Od ukupnog broja predmeta u radu, tužilaštva u BiH riješila su 19.613 KTA predmeta, od čega 463 predmeta ratnih zločina, dok su na kraju izvještajnog perioda ostala u radu 21.774 predmeta, od kojih se 1229 predmeta odnosi na predmete ratnog zločina.

➤ *Ukupno u radu KTA predmeta u svim tužilaštvima u BiH*



Grafikon 29.

Na osnovu prikazanog tabelarnog i grafičkog prikaza vidljivo je da je u 2024. godini povećan broj KTA predmeta u radu, odnosno da je u odnosu na 2023. godinu došlo do povećanja broja navedenih predmeta za 3904 ili za oko 10,41%.

Na osnovu navedenih podataka može se konstatovati da su tužilaštva u BiH i dalje opterećena predmetima koji se odnose na neodredivo krivično djelo ili počinioca, odnosno da se tužilaštvima u praksi dostavlja veliki broj prijava koje su neprecizne, neodređene i sadrže podatke i informacije koje ne sadrže elemente krivičnog djela, što opterećuje rad tužilaštava u BiH.

²³ Podaci se odnose na sve vrste KTA predmete uključujući i KTA-RZ predmete.



4. KRIVIČNI PREDMETI U KOJIMA JE NEPOZNAT POČINILAC (KTN PREDMETI)

Predmeti gdje postoji osnov sumnje da je izvršeno krivično djelo, ali nisu otkriveni počinioci (nepoznati su počinioci) posebno ćemo obraditi, iz razloga što broj ovih predmeta u tužilaštvima u Bosni i Hercegovini opterećuje rad tužilaštava, a što bi trebalo biti predmet analize. Dajemo u nastavku podatke o predmetima u kojima počinioci nisu otkriveni, kroz pregled prijave, rada na ovim predmetima, tj. rješavanju ovih predmeta i okolnostima kod rješavanja ove vrste predmeta.

➤ *Tabelarni pregled rada na KTN predmetima u svim tužilaštvima u BiH*

Naziv tužilaštva (KTN predmeti) ²⁴	Neriješeno iz ranijih godina	Primljeno u toku godine	Ukupno u radu	Ukupno riješeno na kraju godine	Neriješeno na kraju godine
Tužilaštvo BiH	575	181	756	195	561
Kantonalna tužilaštva u FBiH	97220	7973	105193	7769	97424
Tužilaštva u RS	19388	1971	21359	1652	19707
Tužilaštvo Brčko distrikta BiH	2100	343	2443	369	2074
Ukupno KTN predmeta	119283	10468	129751	9985	119766

Kada su u pitanju predmeti u kojima počinioci krivičnih djela nisu otkriveni, Tužilaštvo BiH je u izvještajnom periodu imalo u radu 756 predmeta ove vrste, a od ovog broja je 336 predmeta vezano za ratne zločine. Iz ranijih godina je preneseno 575 predmeta, dok je u izvještajnom periodu zaprimljen 181 predmet. U izvještajnom periodu riješeno je 195 predmeta, od čega su 94 predmeta riješena u Odjelu za ratne zločine. Na kraju izvještajnog perioda ostao je neriješen 561 predmet, od čega se 242 predmeta odnose na predmete ratnih zločina.

U kantonalnim tužilaštvima u FBiH, u 2024. godini, ukupno su bila u radu 105.193 KTN predmeta, od kojeg broja je 613 predmeta koji se odnose na ratne zločine. U izvještajnoj godini zaprimljene su 7.973 prijave, dok je iz ranijeg perioda preneseno 97.220 KTN predmeta. Od ukupnog broja predmeta u radu, kantonalna tužilaštva u FBiH riješila su 7.769 KTN predmeta, od kojeg broja je 15 predmeta koji se odnose na ratne zločine. Na kraju izvještajnog perioda ostala su u radu 97.424 KTN predmeta, od čega se 598 odnosi na predmete ratnih zločina.

U tužilaštvima u RS-u, u 2024. godini ukupno je bilo u radu 21.359 KTN predmeta, od kojeg broja su 554 predmeta koji se odnose na ratne zločine. U izvještajnoj godini zaprimljen je 1971 predmet, dok je iz ranijeg perioda preneseno 19.388 KTN predmeta. Od ukupnog broja predmeta u radu, tužilaštva u RS-u riješila su 1.652 predmeta, od kojeg broja se 4 predmeta odnose na ratne zločine. Na kraju izvještajnog perioda ostalo je u radu 19.707 KTN predmeta, od čega se 550 predmeta odnosi na predmete ratnih zločina.

U Tužilaštvu Brčko distrikta, u 2024. godini, ukupno su bila u radu 2.443 KTN predmeta, od čega se 77 predmeta odnosi na ratne zločine. U izvještajnoj godini zaprimljena su 343 predmeta, dok je iz ranijeg perioda preneseno 2.100 KTN predmeta. Od ukupnog broja predmeta u radu, Tužilaštvo

²⁴ Podaci se odnose na sve vrste KTN predmete uključujući i KTN-RZ predmete.




Brčko distrikta riješilo je 369 predmeta, od kojeg broja 2 predmeta koja se odnose na ratne zločine, dok su na kraju izvještajnog perioda ostala u radu 2.074 KTN predmeta, od čega 75 predmeta koji se odnose na ratne zločine.

➤ *Tabelarni pregled rada na KTN predmetima u svim tužilaštvima u BiH*

Naziv tužilaštva (KTN predmeti) ²⁵	Neriješeno iz ranijih godina	Primljeno u toku godine	Ukupno u radu	Ukupno riješeno na kraju godine	Neriješeno na kraju godine
2022	118538	10713	129251	11841	117410
2023	117439	10183	127622	8349	119273
2024	119283	10468	129751	9985	119766

Dakle, u svim tužilaštvima u Bosni i Hercegovini u 2024. godini ukupno je bio u radu 129.751 KTN predmet, od čega se 1580 predmeta odnosi na ratne zločine. U izvještajnoj godini zaprimljeno je 10.468 predmeta, dok su iz ranijeg perioda prenesena 119.283 KTN predmeta. Od ukupnog broja predmeta u radu, tužilaštva u BiH riješila su 9985 predmeta, od kojeg broja 115 predmeta se odnosi na ratne zločine, dok je na kraju izvještajnog perioda ostalo u radu 119.766 KTN predmeta, od čega 1465 predmeta koji se odnose na ratne zločine.

➤ *Tabelarni pregled rada na KTN predmetima u svim tužilaštvima u BiH*



Grafikon 30.

Na osnovu prikazanih statističkih podataka može se konstatovati da je u tužilaštvima u BiH prisutan trend povećanja broja neriješenih KTN predmeta, odnosno da je u 2024. godini u odnosu na 2023. godinu, došlo do povećanja KTN predmeta za 493 ili za oko 0,41%.

Rješavanje ove vrste predmeta, odnosno predmeta po nepoznatom počiniocu, u najvećoj mjeri zavisi od rada policijskih agencija na otkrivanju izvršilaca krivičnih djela.

²⁵ Podaci se odnose na sve vrste KTN predmete uključujući i KTN-RZ predmete.



5. KRIVIČNI PREDMETI KOJI SE ODNOSI NA MALOLJETNE POČINIOCE KRIVIČNIH DJELA (KTM PREDMETI)

Krivični predmeti koji se odnose na maloljetne počinioce krivičnih djela (KTM predmete) prikazani su kroz pregled neriješenih predmeta iz prethodnih godina, pregled primljenih predmeta u toku godine, broj riješenih predmeta u toku godine i broj predmeta koji su ostali neriješeni na kraju godine.

➤ *Tabelarni pregled rada na KTM predmetima u svim tužilaštvima u BiH*

Naziv tužilaštva (KTM predmeti)	Neriješeno iz ranijih godina	Primljeno u toku godine	Ukupno u radu	Riješeno u toku godine	Neriješeno na kraju godine
Tužilaštvo BiH	1	3	4	1	3
Kantonalna tužilaštva u FBiH	155	344	499	261	238
Tužilaštva u RS	136	183	319	144	175
Tužilaštvo Brčko distrikta BiH	7	24	31	23	8
Ukupno KTM predmeta	299	554	853	429	424

Kada su u pitanju predmeti u kojima su počinioci maloljetna lica, Tužilaštvo BiH ima znatno manji broj predmeta ove vrste u odnosu na entitetska tužilaštva i Tužilaštvo Brčko distrikta. U izvještajnom periodu Tužilaštvo BiH je imalo u radu 4 predmeta ove vrste, odnosno 1 predmet je prenesen iz prethodnog perioda, dok su u izvještajnom periodu zaprimljena 3 predmeta ove vrste. U 2024. godini riješen je 1 predmet, tako da su na kraju izvještajnog perioda ostala neriješena 3 predmeta koja se odnose na maloljetnike.

U kantonalnim tužilaštvima u FBiH, u 2024. godini ukupno u radu je bilo 499 KTM predmeta. U izvještajnoj godini zaprimljena su 344 predmeta, iz prethodnih godina u rad je preneseno 155. Od ukupnog broja predmeta u radu kantonalna tužilaštva u FBiH su, tokom 2024. godine, riješila 261 predmet, dok je ostalo u radu 238 predmeta. Tužilaštva u FBiH su u izvještajnom periodu u 130 predmeta donijela odluke o pokretanju pripremnog postupka, predloženo je 11 zahtjeva policijskog upozorenja, dok je 9 predmeta protiv 13 lica obustavljeno. Sudovi su izrekli vaspitne mjere u odnosu na ukupno 107 lica u 88 predmeta.

Okružna javna tužilaštva u Republici Srpskoj imala su u radu 319 KTM predmeta, od čega je 136 preneseno iz ranijeg perioda, dok su u izvještajnom periodu zaprimljena 183 predmeta, od navedenog broja riješena su 144 predmeta, tako da je na kraju izvještajnog perioda ostalo neriješeno 175 predmeta. U navedenom periodu doneseno je 78 odluka o nepokretanju postupka. Pripremni postupak vođen je u 51 predmetu, od kojih su 4 iz prethodnog perioda, dok je tokom godine pokrenuto 47 novih pripremnih postupaka. Najčešće su protiv maloljetnika predlagane vanzavodske mjere – 47. Postupajući po istim sudovi su izrekli 4 zavodske, 33 vanzavodske vaspitne mjere i 4 kazne maloljetničkog zatvora.

Tužilaštvo Brčko distrikta je tokom 2024. godine ukupno u radu imalo 31 KTM predmet. U izvještajnom periodu zaprimljena su 24 predmeta, dok je iz prethodnih godina preneseno 7 predmeta. Od ukupnog broja predmeta u radu riješena su 23 predmeta, tako da je na kraju izvještajnog perioda




ostalo neriješeno 8 predmeta. Protiv maloljetnih izvršilaca, Tužilaštvo Brčko distrikta je u 14 predmeta pokrenulo pripremni postupak, dok su u 6 predmeta donesene odluke o nepokretanju postupka (djeca, oportunitet i dr.). U 11 predmeta izrečene su vaspitne mjere, dok je u 2 predmeta izrečena mera policijskog upozorenja.

➤ *Komparativni prikaz KTM predmeta u svim tužilaštvima u BiH*

Ukupan broj (KTM predmeti) po godinama	Neriješeno iz ranijih godina	Zaprimljeno u toku godine	Ukupno u radu	Riješeno u toku godine	Neriješene prijave na kraju godine
2022	240	520	760	493	267
2023	253	564	817	454	363
2024	299	554	853	429	424

➤ *Grafički pregled zaprimljenih KTM predmetima u svim tužilaštvima u BiH*



Grafikon 31.

Na osnovu statističkih podataka koji su prikazani kroz tabelarni i grafički prikaz može se konstatovati da je i dalje prisutan veliki broj krivičnih predmeta koji se odnose na maloljetnički kriminalitet. U toku 2024. godine u odnosu na 2023. godinu zaprimljeno je 10 krivičnih predmeta manje, što procentualno iznosi oko 1,77%.



6. MJERE ZA UNAPREĐENJE RADA

6.1. Mjere za unapređenje rada Tužilaštva BiH

Tužilaštvo Bosne i Hercegovine će svoje aktivnosti usmjeriti ka ispunjavanju zakonskih rokova za okončanje istraga, preduzimanju radnji po prijavama u razumnim rokovima, ostvarivanju komunikacije u svim predmetima sa oštećenima kako bi se što preciznije mogli odrediti imovinsko-pravni zahtjevi, te težiti ka većem procentu potvrđenih optužnica i nastojati da potvrđene optužnice rezultiraju osuđujućim presudama.

Posebni odjel za organizirani kriminal, privredni kriminal i korupciju će sa ciljem smanjenja broja neriješenih istraga, neriješenih prijavi i skraćivanja dužine trajanja rješavanja predmeta nastaviti analizu predmeta kako bi se utvrdilo stanje u predmetima radi preduzimanja potrebnih radnji i donošenja tužilačkih odluka. U tom pravcu bit će neophodan veći angažman stručnog osoblja Tužilaštva Bosne i Hercegovine i agencija za provođenje zakona kako bi se u predmetima gdje su istrage otvorene mogle donositi tužilačke odluke. Na ovaj način bi se bitno skratila dužina trajanja istraga i period eventualne neaktivnosti tužilaca u predmetu sveo na najmanju moguću mjeru.

Unapređenjem organizacionih i materijalno-tehničkih uslova Tužilaštva BiH kroz prilagođavanje organizacije tužilaštva i usklađivanje broja zaposlenih poboljšat će se rad i funkcionisanje Tužilaštva BiH. S ciljem postizanja maksimalne efektivnosti, efikasnosti, ažurnosti i zakonitosti rada svakog zaposlenika potrebno je nastaviti sa postupcima i procedurama kojima se omogućava obavještanje zaposlenika o donesenim zakonima, odlukama, pravilnicima, naredbama, uputstvima, instrukcijama i informacijama, te uz stalno izvještavanje rukovodioca pratiti autentičnost i pravilnost realizacije Plana rada Tužilaštva BiH.

Tužilaštvo Bosne i Hercegovine će pojačati napore u rješavanju svih krivičnih djela iz svoje nadležnosti, a posebno krivičnih djela organiziranog kriminala, korupcije, privrednog kriminala, terorizma i procesuiranja predmeta ratnih zločina.

Nastavit će se intenzivan rad na zadržavanju kvaliteta tužilačkih odluka sa ciljem zadržavanja udjela uvažanih pritužbi na donesene naredbe o nesprovođenju istrage i naredbe o obustavi istrage, dok će se istovremeno raditi na zadržavanju omjera osuđujućih presuda u odnosu na presude u kojima se optužba odbija i presude u kojima se optuženi oslobađa krivice. Paralelno sa ovim mjerama, rješavat će se stari predmeti prema utvrđenom planu rješavanja uz istovremeno povećanje broja istraga i optužnica za najteža krivična djela.

Nastavit će se sa punom implementacijom Revidirane državne strategije za rad na predmetima ratnih zločina, uz puno poštovanje rokova za rad na prioritarnim predmetima ratnih zločina i redovno izvještavanje VSTV-a i Nadzornog organa za praćenje sprovođenja Revidirane državne strategije za rad na predmetima ratnih zločina, kao i uz uvažavanje preporuka iz izvještaja sutkinje Korner. Pored toga, redovno će se vršiti pregled predmeta sa ciljem sagledavanja mogućnosti ustupanja istih entitetskim tužilaštvima i Tužilaštvu Brčko distrikta BiH, na način propisan članom 27a. Zakona o krivičnom postupku BiH, kako bi kapaciteti Tužilaštva BiH bili na raspolaganju za procesuiranje najsloženijih predmeta ratnog zločina. Istovremeno će se kroz postupak ekshumacija intenzivno raditi na traženju nestalih lica na području cijele BiH.



Aktivno učestvovati u praćenju primjene postojećih propisa u oblasti krivičnog prava i unapređenju istih kroz iniciranje njihovih izmjena i novih propisa, koji će cjelovitije regulisati ovu oblast, a što bi trebalo da obezbijedi stvaranje boljeg zakonskog okvira u cjelini kako za funkcionisanje Tužilaštva BiH, tako i za pružanje krivičnopravne zaštite građanima BiH.

Tužilaštvo BiH će nastaviti saradnju sa partnerskim organizacijama na svim projektima koji se tiču jačanja kapaciteta u sprovođenju finansijskih istraga sa posebnim akcentom na oduzimanje protivpravne imovinske koristi. U tom smislu zagovorati ćemo donošenje novih zakonskih rješenja kojima se uređuje postupak oduzimanja i upravljanja privremeno oduzetom imovinom stečenom izvršenjem krivičnih djela.

Nastaviti kontinuiranu edukaciju i specijalizaciju tužilaca i drugog stručnog osoblja, vezano za primjenu krivičnog zakonodavstva Bosne i Hercegovine te oblasti međunarodnog prava i pozitivnih praksi primijenjenih u ovoj oblasti, a koje mogu znatno unaprijediti rad Tužilaštva BiH.

Ojačati saradnju sa drugim tužilaštvima u Bosni i Hercegovini i svim policijskim agencijama kroz „Strateški forum rukovodilaca tužilaštava i policijskih tijela“. Paralelno sa ovim aktivnostima koristit će se mehanizam rješavanja sukoba nadležnosti između tužilaštava na način predviđen Sporazumom o uspostavljanju Koordinacionog tijela glavnih tužilaca Tužilaštva BiH, Federalnog tužilaštva Federacije Bosne i Hercegovine, Republičkog javnog tužilaštva Republike Srpske i Tužilaštva Brčko distrikta BiH.

Održavati će se redovni sastanci Udarne grupe za borbu protiv trgovine ljudima i organizirane ilegalne imigracije i Udarne grupe za borbu protiv terorizma i jačanja sposobnosti za borbu protiv terorizma, gdje će se razmatrati trenutno stanje i nastavak saradnje tužilaštava, policijskih, sigurnosnih i drugih agencija za provođenje zakona u borbi protiv ovih oblika kriminaliteta.

Nastavit će se i unaprijediti saradnja sa tužilaštvima u državama regije i šire kroz primjenu međunarodnih multilateralnih i bilateralnih ugovora i protokola o saradnji, kao i razmjenom iskustava u krivičnom progonu počinitelja najtežih krivičnih djela, posebno terorizma, organiziranog kriminala, pranja novca i ratnih zločina.

Očuvati će se i pospješiti svi uspostavljeni oblici saradnje sa međunarodnim organizacijama.

Kontinuiranim praćenjem rada Tužilaštva, u cilju poboljšanja kvaliteta optužnica, nastaviti će se formiranje tužilačkih timova u najsloženijim predmetima, kao i izdavanje obaveznih pojedinačnih uputstava u konkretnim predmetima.

Redovno će se održavati kolegiji glavnog tužioca, kolegiji tužilaca i kolegiji uprave.

Raditi će se na implementaciji ciljanih zadataka koji su usvojeni Strateškim planom za period 2024-2026. godina Tužilaštva BiH koji će se, po potrebi, mijenjati i dopunjavati.



6.2. Prijedlog mjera za unapređenje rada tužilaštava u BiH

U cilju stvaranja pretpostavki i uslova za efikasnije obavljanje funkcije tužilaca na području Bosne i Hercegovine, daje se prijedlog mjera i aktivnosti za naredni period:

Kontinuirano vršiti edukaciju i specijalizaciju tužilaca i drugog stručnog osoblja vezano za primjenu krivičnog zakonodavstva Bosne i Hercegovine, te oblasti međunarodnog prava i pozitivnih praksi primijenjenih u ovoj oblasti, a koje mogu znatno unaprijediti rad tužilaštava u Bosni i Hercegovini;

Raditi na stalnoj edukaciji ovlaštenih službenih lica, pripadnika svih službi i organa za provođenje zakona u svrhu kvalitetnijeg vođenja istraga, te unapređivati saradnju među svim službama za provođenje zakona u Bosni i Hercegovini;

U cilju popunjavanja sistematizovanih pozicija u tužilaštvima u BiH, kako Tužilaštvu BiH (tužiocima, str. saradnicima, ostalo stručno i administrativno osoblje), tako i svim tužilaštvima u Bosni i Hercegovini, neophodno je obezbijediti planiranje budžetskih sredstava, čime bi se povećao nivo produktivnosti i efikasnost rada na krivičnim predmetima iz nadležnosti tužilaštava, s obzirom da su postojeći personalni kapaciteti u tužilaštvima preopterećeni;

Obezbijediti materijalne i tehničke uslove u svim tužilaštvima u Bosni i Hercegovini kojim bi se obezbijedio nesmetan i efikasan rad tužilaca;

Nastaviti postojeću saradnju među tužilaštvima zemalja regiona, u cilju jačanja i uspješnijeg suprotstavljanja svim oblicima kriminala kroz razmjenu informacija i podataka sa ovim tužilaštvima, s posebnim osvrtom na suzbijanje i preveniranje krivičnih djela terorizma i krivičnih djela povezanih sa terorističkim aktivnostima;

Nastaviti i unapređivati saradnju sa međunarodnim institucijama u BiH, kao i drugim organizacijama i agencijama na međunarodnom nivou, koje su opredijeljene za pružanje pomoći u jačanju pravosuđa u BiH;

S obzirom da je prisutan trend porasta maloljetničke delikvencije, neophodno je uključiti sve relevantne aktere koji mogu posredno ili neposredno uticati na ovaj oblik kriminaliteta;

Unaprijediti međusobnu saradnju između tužilaštava u BiH.

7. INICIJATIVE ZA IZMJENE ILI DOPUNE ZAKONSKIH PROPISA

Tužilaštvo Bosne i Hercegovine je u prethodnom periodu, kao i tokom 2024. godine podnijelo više inicijativa koje se odnose na izmjene, dopune ili usvajanje zakona koji su neophodni za podizanje



kvaliteta i efikasnosti rada tužilaštva u suzbijanju kriminaliteta. U vezi s tim napominje se da do sada nisu provedene sljedeće inicijative:

Izmjene Krivičnog zakona i Zakona o krivičnom postupku BiH radi uvođenja instituta optuženi/osuđeni kao svjedok, odnosno krunski svjedok – radi lakšeg procesuiranja krivičnih djela organiziranog kriminala i drugih teških krivičnih djela.

Udarna grupa za borbu protiv trgovine ljudima i organizirane ilegalne imigracije je podnijela inicijativu za izmjenu i dopunu KZ-a BiH, odnosno člana 189. stav (2) s ciljem da se omogući bolje procesuiranje lica koja vrše prevoz krijumčarenih lica.

Kolegij tužilaca TBiH je u aprilu 2024. godine uputio Ministarstvu pravde BiH inicijativu za dopunu Krivičnog zakona BiH na način da se u isti uvede novo krivično djelo po uzoru na krivično djelo iz Krivičnog zakonika Republike Srpske – „Napad na sudiju i javnog tužioca“.

Glavni tužilac je Ministarstvu saobraćaja i transporta BiH uputio inicijativu za izmjene i dopune Zakona o komunikacijama BiH na način da se uvede obaveza identifikacije fizičkih i pravnih lica prilikom kupovine prepaid SIM kartica.

Inicijativa vezana za zakonsko regulisanje kriptovaluta na prostoru Bosne i Hercegovine, s obzirom da se kriptovalute u većem broju krivičnih predmeta pojavljuju kao sredstvo ili predmet izvršenja krivičnog djela Pranje novca iz člana 209. KZ-a BiH i drugih krivičnih djela.

Tokom 2024. godine usvojen je Zakon o zaštiti ličnih podataka, čime je ispunjen jedan od uslova za potpisivanje sporazuma između BiH i Evropske komisije, kako bi postali član EUROJUST-a.



ZAKLJUČAK O RADU TUŽILAŠTVA BIH

Na osnovu informacija, statističkih podataka navedenih u izvještaju i drugih rezultata rada može se izvesti zaključak da su rezultati rada Tužilaštva BiH značajno bolji u svim segmentima rada u odnosu na prethodne godine i da se rad Tužilaštva može ocijeniti kao veoma uspješan. Tužilaštvo BiH je u 2024. godini podiglo optužnice u nekim od najsloženijih predmeta ratnih zločina i organiziranog kriminala i korupcije. Navedeni zaključak proizlazi iz sljedećih postignutih rezultata:

Najprije je potrebno naglasiti da je Tužilaštvo Bosne i Hercegovine ostvarilo kolektivnu normu od 120,78%. Ostvarena kolektivna norma Odjela I - Posebnog odjela za ratne zločine je 109,97%, dok je ostvarena kolektivna norma Odjela II - Posebnog odjela za organizirani kriminal, privredni kriminal i korupciju 129,11%.

Tokom 2024. godine podignute su 162 optužnice protiv 335 lica, odnosno 37 ili 29,60% optužnica više u odnosu na prethodnu godinu, također optuženo je 36 ili oko 12,04% lica više u odnosu na 2023. godinu. Također, broj potvrđenih optužnica u odnosu na predmete je veći za 21 optužnicu ili 16,03%. Bitno je naglasiti da, pored povećanja kvantiteta optužnica, Tužilaštvo BiH konstantno radi na povećanju kvaliteta optužnica i da primarni fokus rada nije na povećanju kvantiteta.

Posebni odjel za ratne zločine podigao je 18 optužnica protiv ukupno 45 lica. Navedenim optužnicama su obuhvaćeni događaji u kojima su porodice žrtava i stradalih lica decenijama čekale na donošenje tužilačkih odluka (Zvornik, Srebrenica, Hrasnica – Sarajevo, Ključ, Žepče, Kotor Varoš, Livno, Foča, Vlasenica, Zenica, Čajniče), tako da su u nekoliko podignutih optužnica obuhvaćeni događaji u kojima je smrtno stradalo preko 1860 žrtava, što pokazuje da se radilo o izuzetno složenim predmetima.

Posebni odjel za ratne zločine nastavio je sa aktivnostima koje imaju za cilj procesuiranje lica osumnjičenih ili optuženih za ratne zločine, a koja se nalaze u susjednim zemljama. Također, Tužilaštvo zajedno sa partnerskim institucijama i agencijama, kao i Tužilaštvom pri MRMKS-u, radi na aktivnostima u borbi protiv nekažnjivosti ratnih zločina i privođenju pravdi osumnjičenih i optuženih u zemljama regiona.

Postupajući po obaveznim uputstvima glavnog tužioca, tužioci u Posebnom odjelu za ratne zločine su riješili 560 predmeta. Ovim aktivnostima značajno je smanjen broj predmeta, a u skladu sa odredbama i prioritetima Revidirane državne strategije za rad na predmetima ratnih zločina.

Na osnovu statističkih podataka navedenih u izvještaju može se zaključiti da je u 2024. godini, u odnosu na 2023. godinu, došlo do smanjenja broja neriješenih istraga u KTRZ predmetima za 24 ili za oko 19,83% istraga, na osnovu čega se može zaključiti da su u pogledu smanjenja broja neriješenih istraga ispunjeni ciljani rezultati iz Strateškog okvira Tužilaštva BiH i Revidirane državne strategije za rad na predmetima ratnih zločina.

Također, na osnovu obrađenih statističkih podataka može se izvesti zaključak da je u posljednje tri godine došlo do značajnog smanjenja broja neriješenih KTA-RZ predmeta u odnosu na prethodne godine, odnosno da je u periodu od 2017 – 2021. godine došlo do smanjenja broja KTA-RZ predmeta za 180, a da je u protekle dvije godine došlo do smanjenja za 489 KTA-RZ predmeta, što je također u skladu sa postavljenim ciljanim rezultatima iz Strateškog okvira i Revidiranom državnom strategijom za rad na predmetima ratnih zločina.



U izvještajnom periodu došlo je do smanjenja broja neriješenih KTA-RZ predmeta za 230 ili za oko 22,15% predmeta u odnosu na 2023. godinu. Također, na osnovu obrađenih statističkih podataka može se izvesti zaključak da je u posljednje tri godine došlo do značajnog smanjenja broja neriješenih KTA-RZ predmeta u odnosu na prethodni period, odnosno da je u periodu od 2017 – 2021. godine broj KTA-RZ predmeta smanjen za 180, a da je u protekle tri godine broj KTA-RZ predmeta smanjen za 719 ili za oko 47,08% u odnosu na 2021. godinu, što je također u skladu sa postavljenim ciljanim rezultatima iz Strateškog okvira i Revidiranom državnom strategijom za rad na predmetima ratnih zločina.

U pogledu realizacije Plana rješavanja prioriternih predmeta ratnih zločina također je došlo do znatnog povećanja procenta realizacije u posljednje tri godine, tako da je u 2024. godini realizacija plana u odnosu na KTRZ predmete iznosila 71,11%, KTA-RZ 98,91% i KTN-RZ 98,61%, što ukupno iznosi 94,15%.

Istrage u predmetima ratnih zločina su zahtjevne i dugotrajne, te uključuju veliki broj osumnjičenih lica od kojih je određeni broj nedostupan pravosudnim organima BiH. Napominjući da se krivična djela ratnih zločina većinom dokazuju putem svjedoka, određene probleme predstavljaju svjedoci i oštećena lica koji imaju prebivalište ili boravište van teritorije BiH, a ne pokazuju spremnost da svjedoče ili je njihov dolazak otežan zbog objektivnih okolnosti. Isto tako, određeni broj svjedoka je lošijeg zdravstvenog stanja i starije životne dobi, što utiče na njihovu spremnost da svjedoče, zbog čega je u takvim situacijama Tužilaštvo pružalo pomoć svjedocima putem Odjela za podršku svjedocima.

Na kraju izvještajnog perioda ostala su neriješena 192 predmeta iz oblasti ratnih zločina (97 istraga i 95 prijava), u 90 ili oko 46,87% predmeta evidentirana su nedostupna lica. Navedena činjenica u značajnoj mjeri otežava rad na predmetima ratnih zločina i ispunjavanje strateških ciljeva iz Revidirane državne strategije za rad na predmetima ratnih zločina.

U izvještajnom periodu, zaključno sa 31.12.2024. godine, i dalje se vodi kao nedostupno 297 lica u 90 KTRZ predmeta Tužilaštva BiH, od toga 40 lica su lica oznake „A“. Navedena lica se nalaze u zemljama regije i ostalim zemljama svijeta, za koje tužioci redovno preduzimaju aktivnosti predviđene zakonom (upućivanje zamolnica za međunarodnu pravnu pomoć, raspisivanje potjernica i dr.). Tužilaštvo će fokus rada u 2025. godini usmjeriti u pravcu da se što više ovih predmeta prenese na tužilaštva u regiji i to u fazi istrage.

Tužioci Posebnog odjela za organizirani kriminal, privredni kriminal i korupciju su u toku 2024. godine podigli 144 optužnice protiv 290 lica, dok su u 2023. godini podigli 108 optužnica protiv 229 lica. Dakle, u izvještajnom periodu došlo je do povećanja broja podignutih optužnica za 36 ili oko 25% u odnosu na predmete i povećanja broja optuženih lica za 61 ili oko 21%.

Na osnovu navedenih statističkih podataka može se izvesti zaključak da je prisutan trend porasta broja podignutih optužnica iz oblasti organiziranog kriminaliteta i korupcije. Tokom 2024. godine podignuto je 39 optužnica iz oblasti organiziranog kriminaliteta i korupcije, odnosno došlo je do povećanja broja podignutih optužnica za 9 ili za oko 30,00% u odnosu na prethodnu godinu.

Bitno je naglasiti da je Poseban odjel za organizirani kriminal, privredni kriminal i korupciju u protekloj godini podigao 8 optužnica u predmetima organiziranog kriminala visokog nivoa i korupcije visokog nivoa. Podignutim optužnicama obuhvaćeni su organizatori i članovi organiziranih kriminalnih grupa koje su vršile prodaju i krijumčarenje opojnih droga na međunarodnom nivou, posredovale u međunarodnoj trgovini opojnih droga sa područja Južne Amerike na prostor Evrope i



Zapadnog Balkana, te se dovode u vezu sa više izvršenih teških ubistava povezanih sa licima koja su označena kao pripadnici međunarodnih organiziranih kriminalnih grupa.

U predmetima koji su povezani sa korištenjem kriptovanih aplikacija SKY i Anom, u dosadašnjem periodu podignuto je 11 optužnica, od kojih su 4 podignute u 2024. godini. Bitno je naglasiti da je po navedenim optužnicama optuženo oko 70 lica, te da se među optuženim nalaze policijski službenici Granične policije, MUP-a RS, MUP-a HNK i Ministarstva sigurnosti BiH.

Kroz realizaciju planskih aktivnosti i saradnje na međunarodnom nivou Tužilaštva i policijskih agencija, nadležnim pravosudnim institucijama BiH isporučeno je 7 lica, od kojih su tokom 2024. godine isporučena 4 lica koja su osumnjičena u predmetima povezanim sa korištenjem kriptovanih aplikacija SKY i Anom, iz Njemačke, R. Hrvatske, R. Srbije, Turske i Češke. Pored navedenog, intenzivno se radi na lociranju više osumnjičenih za kojima su raspisane međunarodne potjernice u navedenim predmetima.

Tokom 2024. i 2023. godine u predmetima koji su povezani sa korištenjem kriptovanih aplikacija SKY i Anom, 17 optuženih lica u četiri predmeta sporazumno je priznalo krivicu, te ih je Sud BiH osudio na ukupno 31 godinu i 10 mjeseci zatvora. Također, nekim od optuženih su izrečene i novčane kazne, kao i mjera oduzimanja nezakonito pribavljene imovinske koristi.

Tužilaštvo BiH u radu na ovim predmetima ima veoma dobru saradnju sa partnerskim institucijama i agencijama za provođenje zakona u zemljama regiona, kao i u inostranstvu, uključujući i saradnju sa međunarodnom asocijacijom EUROPOL, koja je u tri navrata podržala institucije BiH i istakla važnost saradnje u borbi protiv organiziranog kriminala u BiH i regionu, sa osvrtom i na predmet kodnog naziva "Tokio" u kojem je locirano, identifikovano i lišeno slobode jedno lice koje se vodi na listi EU kao jedno od najtraženijih lica osumnjičenih za organizirani kriminal.

Posebno je važno istaći da u optužnicama u predmetima koji su nastali ili koji su povezani sa korištenjem kriptovanih aplikacija SKY i Anom, osim elemenata međunarodnog kriminala, neovlaštenog prometa opojnim drogama i pranja novca, ima koruptivnih krivičnih djela koja se odnose na primanja dara, zloupotrebe položaja ili ovlaštenja od strane ovlaštenih službenih lica, u odnosu na koja su također podignute optužnice.

Tokom izvještajnog perioda tužioci Posebnog odjela za organizirani kriminal, privredni kriminal i korupciju postigli su značajne rezultate u pogledu rješavanja istraga, odnosno statistički podaci navedeni u izvještaju ukazuju da je tokom 2024. godine došlo do povećanja broja naređenih istraga za 24 ili oko 14,03%, te da je došlo do značajnog povećanja broja riješenih istraga, odnosno da je u izvještajnom periodu riješeno 34 ili oko 14,11% istraga više u odnosu na prethodnu godinu što je neposredno uticalo na povećanje broja podignutih optužnica i na sveukupne rezultate rada tužilaštva u 2024. godini u odnosu na 2023. godinu i prethodni period.

Na osnovu statističkih podataka o radu Posebnog odjela za organizirani kriminal, privredni kriminal i korupciju navedenih u izvještaju, može se izvesti zaključak da je tokom 2024. godine zaprimljena 131 ili oko 25,53% prijava više u odnosu na prethodnu godinu, da je riješeno 60 ili 11,85% prijava više u odnosu na prethodnu godinu, odnosno da je povećan broj donesenih naredbi o nesprovođenju istrage za 15 ili 6,19% i povećan broj naredbi o sprovođenju istrage za 7 ili oko 3,7%, te da je riješeno prijava na drugi način 39 ili 52% prijava više u odnosu na prethodnu godinu.



U predmetima korupcije visokog i srednjeg nivoa podignuto je 8 optužnica protiv 9 lica. Tužilaštvo BiH je u izvještajnom periodu podiglo dvije optužnice u predmetima korupcije visokog nivoa protiv službenih lica u institucijama BiH, a koje optužnice su potvrđene od strane Suda BiH. Naime, Tužilaštvo BiH je u okviru navedenog perioda podiglo optužnicu protiv bivšeg generalnog direktora Obavještajno-sigurnosne agencije Bosne i Hercegovine (OSA BiH), kojem se stavlja na teret da je protivpravno radnjama pribavio za sebe protivpravnu imovinsku korist u iznosu od 293.046,58 KM, za koji iznos je oštećen budžet BiH. Također, Tužilaštvo BiH je podiglo optužnicu protiv generalnog konzula Bosne i Hercegovine u Saveznoj Republici Njemačkoj zbog krivičnog djela Prevara u službi iz člana 222. stav 3. u vezi sa stavom 1. Krivičnog zakona BiH, u vezi sa članom 54. istog zakona, kojom optužnicom je zatraženo i oduzimanje pribavljene protivpravne imovinske koristi u iznosu od 56.062,00 KM.

Nadalje, po potvrđenoj optužnici Tužilaštva BiH protiv bivšeg ministra za ljudska prava i izbjeglice u Vijeću ministara BiH, koji se sa još četiri optužena lica tereti za krivično djelo Zloupotreba položaja ili ovlaštenja iz člana 220. stav 1., 2. i 3. Krivičnog zakona BiH i Pronevjera u službi iz člana 221. stav 1. KZ-a BiH, u vezi sa članovima 53., 54. i 31. istog zakona, u toku je glavni pretres pred Sudom BiH.

Predmeti visoke korupcije, za koje su podignute optužnice u 2024. godini, inicirani su neposrednim aktivnostima Tužilaštva Bosne i Hercegovine. U predmetima, koji se prema Smjernicama VSTV-a definišu kao predmeti visoke korupcije, od strane policijskih agencija u BiH u izvještajnom periodu nije dostavljen niti jedan izvještaj o izvršenom krivičnom djelu u odnosu na ovu vrstu predmeta.

Tokom 2024. godine podignuta je optužnica protiv 15 fizičkih i 6 pravnih lica (univerziteta i fakulteta) u predmetu „Klaster“, koji se odnosi na koruptivna krivična djela u procesu izdavanja diploma. U navedenom predmetu je već zaključeno nekoliko pravosnažnih sporazuma o priznanju krivice. Akcija „Klaster“, odnosno navedeni predmet, je veoma značajna u suzbijanju nelegalnih aktivnosti u postupku izdavanja diploma i uvođenju reda u proces visokoškolskog obrazovanja u BiH. Rezultati rada na ovom predmetu su prepoznati i u regiji, pa je tako u novembru 2024. godine Vlada Crne Gore obustavila priznavanje diploma sa četiri univerziteta i dvije visoke škole koji su optuženi, do pravosnažnosti krivičnog postupka.

Također, bitno je napomenuti da je sredinom 2024. godine realizovana akcija u predmetu u kojem je osumnjičeni nekadašnji zamjenik direktora SIPA-e i jedan rukovodilac Granične policije BiH. Pored toga, Tužilaštvo je realizovalo akciju u kojoj je jedan od osumnjičenih nekadašnji ministar sigurnosti BiH.

U predmetima koji se odnose na oblast terorizma u 2024. godini, kroz međunarodnu saradnju Tužilaštva i policijskih agencija, sa područja Republike Turske isporučeno je 1 osumnjičeno lice koje je osumnjičeno da je duži vremenski period boravilo na stranim ratištima na području Sirije i Iraka. Također, lišen je slobode i 1 osumnjičeni na području Zenice, u odnosu na koga je otvorena istraga zbog planiranja terorističkog napada u BiH. Pored navedenog, bitno je naglasiti da je u izvještajnom periodu podignuta jedna optužnica za krivična djela iz oblasti terorizma.

U toku izvještajnog perioda, po optužnicama Tužilaštva BiH ukupno su izrečene 153 prvostepene presude u odnosu na 279 lica. Također, u navedenom periodu izrečena je 141 drugostepena presuda u odnosu na 249 lica, predloženo je 67 sporazuma o priznanju krivice u odnosu na 124 lica. Pravosnažnim presudama ukupno su izrečene 494 godine i 16 mjeseci i 10 dana kazni zatvora i novčane kazne u iznosu od oko 854.800,00 KM. Po optužnicama Posebnog odjela za ratne zločine izrečene su 334 godine i 6 mjeseci zatvora, dok je po optužnicama Posebnog odjela za organizirani



kriminal, privredni kriminal i korupciju izrečeno 160 godina, 8 mjeseci i 10 dana zatvora i novčane kazne u iznosu od oko 854.800,00 KM.

U izvještajnom periodu predloženo je oduzimanje imovinske koristi u iznosu od 6.097.312,00 KM, dok je privremeno blokirana imovina u iznosu od 3.610.469,00 KM. Prvostepenim presudama oduzeta je imovinska korist u ukupnom iznosu od 4.679.051,00 KM, od čega je trajno pravosnažnim prvostepenim presudama oduzeta imovinska korist u iznosu od 1.716.655,00 KM. Također, drugostepenim presudama trajno je oduzeta imovinska korist u iznosu od 258.843,00 KM. Na osnovu navedenih podataka može se zaključiti da je u izvještajnom periodu po optužnicama Tužilaštva BiH, pravosnažnim prvostepenim i drugostepenim presudama trajno oduzeta imovinska korist u ukupnom iznosu od 1.975.498,00 KM.

Rad na predmetima Posebnog odjela za organizirani kriminal, privredni kriminal i korupciju u značajnoj mjeri su otežavala finansijska i druga vještačenja koja traju duži period, kao i nedovoljan broj vještaka adekvatnih - potrebnih struka. Dugotrajnost prikupljanja dokaza je posljedica više faktora koji utiču na ovaj problem. Prvo, nije rijedak slučaj da policijske agencije ne dostavljaju izvještaje o izvršenom krivičnom djelu, kao i da dostavljaju nepotpune izvještaje/informacije i dokaze u kopijama. Zatim, nedostupnost svjedoka, kao i veoma dugi period čekanja na realizaciju zamolnica za pružanje međunarodne pravne pomoći. Najzad, Tužilaštvo BiH zaprima veliki broj anonimnih prijava koje nisu potkrijepljene, što utiče na povećanje broja predmeta i samim tim na dužinu trajanja svih krivičnih predmeta u Tužilaštvu, s obzirom da se za rad na tim predmetima troše resursi i vrijeme koji bi se inače koristili za rješavanje najsloženijih krivičnih predmeta.

Na osnovu navedenih statističkih podataka može se izvesti zaključak da je u posljednje tri godine prisutan trend povećanja broja riješenih predmeta, odnosno smanjenja ukupnog broja predmeta u Tužilaštvu BiH. Dakle, u posmatranom periodu od pet godina došlo je do smanjenja broja predmeta za 1188 ili za oko 25,37%. Također, u toku 2024. godine u odnosu na 2023. godinu došlo je do smanjenja broja predmeta za 303 ili oko 7,98%. Dakle, sve navedeno ukazuje da je Tužilaštvo BiH u značajnoj mjeri povećalo aktivnosti na rješavanju predmeta koji su ostali neriješeni u prethodnom periodu, uz istovremeno rješavanje godišnjeg priliva predmeta.

U skladu sa odlukom i obavezujućim uputstvom glavnog tužioca, Tužilaštvo BiH je nastavilo sa objavljivanjem redigovanih činjeničnih opisa optužnica Tužilaštva BiH na web stranici, u skladu sa Smjernicama VSTV-a BiH, što je pozitivno prihvaćeno u javnosti.

Također, sa ciljem unapređenja rada Tužilaštva BiH, u toku 2024. godine, uz prethodnu saglasnost Predsjedništva BiH, potpisan je Memorandum o razumijevanju i saradnji sa Generalnim tužilaštvom Kraljevine Španije.

Početkom novembra u Tužilaštvu BiH održan je radni sastanak delegacija Tužilaštva BiH i Vrhovnog državnog tužilaštva Crne Gore tokom kojeg je potpisan Sporazum o razumijevanju i saradnji u oblasti podrške svjedocima, oštećenima i žrtvama radi njihovog učešća u krivičnom postupku za ratne zločine.

U pogledu kadrovske popunjenosti, bitno je naglasiti da je popunjenost stručnog i administrativnog osoblja i dalje niska i da to u značajnijoj mjeri otežava rad Tužilaštva Bosne i Hercegovine. Dakle, Pravilnikom o unutrašnjoj organizaciji TBiH sistematizovana su ukupno 392 radna mjesta i to: 63 tužioca, 206 stručnog i 123 administrativno-tehničkog osoblja, dok je na dan 31.12.2024. godine zaposleno ukupno 228 zaposlenika, tako da trenutna zaposlenost procentualno iznosi **87,30%**



tužilaca, **62,13%** stručnog osoblja i **36,58%** administrativnog osoblja, što predstavlja popunjenost od **58,16%** na nivou Tužilaštva BiH.

Tužilaštvo BiH će se ponovo obratiti VSTV-u i Stalnoj komisiji za efikasnost tužilaštava kako bi se normiranje Odsjeka za međunarodnu pravnu pomoć i ostala krivična djela iz nadležnosti Tužilaštva BiH uskladilo sa objektivnim opterećenjem rada, imajući u vidu i potrebu efikasnijeg postupanja u KTMPOM i KTPOM predmetima, što će doprinijeti poboljšanju ugleda BiH kako na regionalnom, tako i na međunarodnom planu.

Bitno je napomenuti da je Tužilaštvo BiH podnijelo više inicijativa za izmjenu zakonskih rješenja i to izmjene ZKP-a koje se odnose na propisivanje odredbi u vezi svjedoka – saradnika, optuženog/osuđenog svjedoka, KZ-a u dijelu koji se odnosi na propisivanje odredbi u vezi kripto valuta i Zakona o ličnim podacima (EUROJUST).

U okviru približavanja Bosne i Hercegovine evropskim integracijama i dalje će se intenzivno nastaviti saradnja sa partnerskim institucijama u regionu i svijetu, u cilju što efikasnijeg procesuiranja svih krivičnih djela.

Na osnovu svega navedenog, može se ocijeniti da je Tužilaštvo Bosne i Hercegovine, i pored mnogih izazova sa kojima se suočavalo tokom izvještajnog perioda, ostvarilo veoma dobre rezultate.



OPĆI ZAKLJUČAK O STANJU KRIMINALITETA U BOSNI I HERCEGOVINI

Opći zaključak o stanju kriminaliteta u BiH izvodi se na osnovu Zakona o Tužilaštvu Bosne i Hercegovine (član 13. Zakona o Tužilaštvu Bosne i Hercegovine), u vezi s čim je glavni tužilac sačinio Informaciju o radu Tužilaštva BiH i stanju kriminaliteta u Bosni i Hercegovini.

Na osnovu obrađenih dostavljenih statističkih podataka utvrđeno je da je prisutan trend neznatnog povećanja broja KT predmeta koji se odnose na različite oblike krivičnopravnih događaja, ali da je istovremeno prisutan trend značajnog povećanja broja riješenih KT predmeta, odnosno da je tokom 2024. godine riješeno ukupno 20.695 predmeta, dok je u 2023. godini riješeno 18.520, odnosno da je u 2024. godini riješeno 2175 ili 11,74% KT predmeta više u odnosu na 2023. godinu. Na osnovu navedenih statističkih podataka može se izvesti zaključak da su tužilaštva BiH u izvještajnom periodu u značajnoj mjeri unaprijedila efikasnost u radu.

Efikasnost rada tužilaštava proizlazi i iz činjenice da su tužilaštva u BiH tokom 2024. godine podigla 10.133 optužnice, dok su u 2023. godini podigla 9.521 optužnicu, odnosno da su u 2024. godini podigli 612 ili oko 6,42% optužnica više u odnosu na prethodnu godinu.

Tokom 2024. godine u tužilaštvima u Bosni i Hercegovini ukupno je bio u radu 129.751 KTN predmet, dok je na kraju izvještajnog perioda ostalo neriješeno 119.766 KTN predmeta. Dakle, evidentno je da rad tužilaštava u BiH i policijskih agencija opterećuje veliki broj krivičnih predmeta koji su izvršeni od strane nepoznatih izvršilaca. Potrebno je u saradnji sa policijskim agencijama u Bosni i Hercegovini pokrenuti više aktivnosti u cilju suzbijanja ove vrste krivičnih predmeta, odnosno otkrivanja nepoznatih počinitelja krivičnih djela u Bosni i Hercegovini, kako bi se izbjeglo nastupanje zastarjelosti krivičnog gonjenja.

Evidentno je da je na prostoru Bosne i Hercegovine prisutan trend blagog smanjenja broja krivičnih predmeta koji se odnose na maloljetnički kriminalitet, odnosno da je u toku 2024. godine u odnosu na 2023. godinu zaprimljeno 10 ili oko 1,77% krivičnih predmeta manje. Suzbijanje kriminaliteta maloljetnika je sistemski, organiziran, planski i koordiniran napor raznih organa, ustanova i službi u čijem je djelokrugu nadležnost i rad sa maloljetnicima, usmjeren na sprečavanje i suzbijanje tih pojava i u tom pravcu se trebaju zalagati institucije na svim nivoima društvene zajednice.

Tužilaštva u Bosni i Hercegovini su tokom 2024. godine donijela veliki broj naredbi da se istraga neće sprovoditi, što je u javnosti u prethodnom periodu od strane određenih medija i nevladinih organizacija definisano kao pasivnost u radu tužilaštava. Međutim, bitno je naglasiti, što je i opće poznato u stručnoj javnosti, da su i tzv. negativne tužilačke odluke rezultat rada tužilaštva i da iste u cjelokupnoj strukturi odluka čine značajan broj i rezultat rada tužilaštava, posebno imajući u vidu da se podnosi veliki broj anonimnih i neosnovanih krivičnih prijava koje ne sadrže osnove sumnje koje bi bile dovoljne za pokretanje istrage, odnosno rezultirale podizanjem optužnice. Također, opće je poznato da tužilac koji donosi tzv. negativne tužilačke odluke u praksi ulaže ogroman napor, vrijeme te da u nekim slučajevima preduzima više radnji nego u predmetima koji rezultiraju podizanjem optužnice.

Dakle, evidentno je da su tužioci u Bosni i Hercegovini donijeli veliki broj tužilačkih odluka koje su neposredno uticale i utiču na generalnu i specijalnu prevenciju različitih oblika kriminala u BiH. U cilju daljeg jačanja generalne i specijalne prevencije neophodno je da tužilaštva ulažu veći broj žalbi



u pogledu izrečenih uslovnih osuda, posebno u predmetima u kojima se pojavljuju recidivisti, odnosno povratnici u vršenju krivičnih djela.

Polazeći od osnovne misije tužilaštava u BiH, koja se odnosi na otkrivanje i gonjenje učinilaca krivičnih djela radi zaštite ustavno-pravnog poretka, obezbjeđivanja vladavine prava i sigurnosti građana, neophodna je saradnja svih pravosudnih institucija i policijskih agencija na nivou BiH kako bi se uspješno suprotstavili svim oblicima i vidovima kriminala.

Također, sa ciljem poštovanja principa nezavisnosti, pravičnosti i efikasnosti tužilaštava u BiH, neophodno je eliminisati sve vidove negativnih uticaja na rad tužilaštava u Bosni i Hercegovini, te istima pružiti institucionalnu podršku, kao i potrebne materijalne, finansijske, kadrovske i druge oblike podrške.

U interesu vladavine prava i sigurnosti svih građana Bosne i Hercegovine, potrebna je veća i odlučnija saradnja svih institucija u okviru svojih nadležnosti, te podrška tužilaštvima u BiH, kako institucionalna podrška, tako i materijalna i finansijska podrška koja je potrebna za rad tužilaštava u BiH u ispunjavanju postavljenih ciljeva i zadataka.

Neophodno je konstantno raditi na unapređenju saradnje sa izvršnim i zakonodavnim organima vlasti u smislu blagovremenog informisanja istih o provođenju zakona Bosne i Hercegovine, Federacije BiH, Republike Srpske i Brčko distrikta, posebno u situacijama kada Tužilaštvo BiH utvrdi da pojedina rješenja pogoduju nastanku novih pojavnih oblika kriminala, kako bi se izmjenama tih zakonskih rješenja uspostavio konzistentan sistem zaštite prava i sloboda građana.

Značajan doprinos uspješnom radu tužilaštava i sudova u BiH dao je i VSTV BiH kroz pravilnike i smjernice koji su uticali na pozitivne trendove u radu ovih institucija u izvještajnoj godini.

Nastaviti sa razvijanjem i jačanjem saradnje sa međunarodnim institucijama, a posebno sa institucijama u okruženju, na uspostavljanju jače saradnje u pogledu pravovremene razmjene podataka u cilju procesuiranja postojećih, te sprečavanja i suzbijanja novih krivičnih djela terorizma i krivičnih djela povezanih sa terorističkim aktivnostima.

Neophodno je da tužilaštva u BiH efikasno i kvalitetno postupaju u predmetima međunarodne pravne pomoći u krivičnim stvarima radi poboljšanja ugleda i kredibiliteta BiH na regionalnom i međunarodnom nivou.

Na osnovu svega navedenog, može se ocijeniti da su tužilaštva u Bosni i Hercegovini, i pored mnogih izazova sa kojima su se suočavala tokom izvještajnog perioda, ostvarila veoma dobre rezultate.

**GLAVNI TUŽILAC
TUŽILAŠTVA BOSNE I HERCEGOVINE**

Milanko Kajganić